

I A C O B I
Z A B A R E L L A E
P A T A V I N I
D E D O C T R I N A E O R D I N E
A P O L O G I A.
T E R T I A E D I T I O.
C V M P R I V I L E G I O.



Patauij, Apud Paulum Meietum.
M. D. LXXXVII.

ILLVSTRISSIMO
AC REVERENDISSIMO
AVGVSTINO VALERIO

S. R. E. CARDINALI

VERONAE EPISCOPO.

Iacobus Zabarella S. D.



VVM soleant omnes, qui librum aliquem in publicum edunt, quempiam sibi deligere magna auctoritatis virum, cui ipsius libri patrocinium tutelamq; commendent, quid mihi in praesentia sciendum est, Augustine Cardinalis amplissimè qualis quantusq; patronus quarendus cum magno magnaq; auctoritatis homine de methodo philosophandi disputaturo, ac librorum meorum, qui iam sexto ab hinc anno sunt editi, defensionem scripturo? nō est igitur mirum, si tibi uni meā hanc apologiam dicendam, committendamq; esse censuerim; tu nanque es philosophia, quā olim publicè in patria tua illustris. senatus iussu summa cum laude docuisti, es omnium liberalium disciplinarum cognitione inter omnes aetatis nostrae sapientes ita excellis, ut sapientissimus ab omnibus habearis, eoq; maior est tua eruditionis splendor ac dignitas, quod magnam rerum cognitionem cum summa Christiana pietate, (quod rarum admodum est) vitæq; sanctitate coniunxisti: quid verò de eloquentia dicā? quum in Christiana repub. eloquentia pater dicendus esse videaris, quippe qui libris à te editis de rhetorica ecclesiastica, qui iam septies sunt ex-

cusſi, tanto cum artificio præcepta oratoria ad Chriſtiani hominis uſum accommodaſti, ut quiſquis eos legit, reuiſiſſe Ariſtoſelem, et Chriſtianum factum putet. Taceo alias omnes Chriſtianas regiasq; virtutes, qua te adnirandum ac venerandum omnibus præbent, quum de re maniſeſtiſſima uerba facere ſaperuacaneum, et adulatorium eſſe uideatur. Ha quidem et ſanctiſſimum Gregorium Pont. max. præteritis diebus mouerunt ut te nec optantem, nec ſcientem in ſummorum ſacerdotum collegium cooptaret, et non modò apud Veronenſem populum, qui quòd te Epiſcopum naſtus eſt, beatum ſe eſſe proſitetur, ſed apud omnes Chriſtiani nominis nationes tantam tibi authoritatem compararunt, ut certum mihi atque exploratum ſit, res meas ſub nullius patrociniò tutiores, quàm ſub tuo futuras. Hoc quum me maximè mouerit ut tibi uni mea hac ſcripta ſub tuo ampliſſimo nomine tutiſſima futura commendarem, et conſecra rem, animum etiam mihi miriſcè auxit tua in me uetus beneuolentia, quam mihi iam pridem et humanitas tua, et mea erga te ſumma obſeruantia, et communia ſtudia conciliarunt; ita ut mihi hac omnia conſideranti nil fuerit antiquius, quàm curare quàmprimùm ut mea hac apologia tuo nomine proteſta et illuſtrata in lucem prodiret. Quas igitur ob cauſas ego tibi uni, tuaq; et ſapientia, et eloquentia, et prudentia, et integritati, et erga me beneuolentia uolui ac debui tutelam huius meae diſputationis committere, ob eaſdem tu hilari animo eius patrociniũ ſuſcipere, eamq; tuo ſauore corroborare debes, eò præſertim quòd ego te non magis tutorem in hac controuerſia, quàm iudicem poſtulo, quum enim nil ex te petendum ſit, quòd tuam dignitatem, tuamq; iuſtitiam ac probitatem non deceat, omnia primùm à tua ſapientia iudicari uelim, deinde qua recta uerq; eſſe iudicaueris, tua authoritate muniri, tuaq; uirtute protegi atque defendi, nec meliorem ego iudicem, nec præſtantiorem deſenſorẽ habere, aut exoptare poſſum. Vale. Patauii Kal. Martii. 1584.



IACOBI
ZABARELLAE
PATAVINI
APOLOGIAE LIBER PRIMVS.

CAPVT PRIMVM;

SCRIBENDI OCCASIO.



VVM Philosophia vniuersa ob cognoscendam rerum, causarumq; latentium difficultatem, dissidiis philosophantium plena semper existerit, frequens, & usitata, apud omnes ferè sapientes semper fuit, ut qui disciplinam, uel rem aliquam docere seu scribendo, seu dicendo uoluerunt, aliorum sententias expenderint, & aduersus eas pro inuenienda ueritate disputationem, pugnaq; susceperint. Hoc cum in omnium ferme praeceptorum Philosophorum scriptis notare possumus, tum potissimè in admirandi Aristotelis libris, qui vel primus, uel maxime omnium uidetur omnes Philosophiae partes, cunctasq; praeclaras disciplinas nobis docendi gratia tradere uoluisse, quum nullum ferè librum ab eo scriptum legamus, in quo aduersus aliquod aliorum dogma non disputauerit, hoc enim facere tantum abest tu inquam sit ueritas, ut ne à praeceptoris quidem Platonis placitis, quae saepius confutauit, abstinuerit. Ceterum quum ipsa per se de ueritate disputatio, & concertatio utilitate non careat, ideoq; laude digna esse uideatur, ipsum tamen disputantis animum, modò laudem, modò uituperationem mereri certum est, ut enim rem so-

lam, non hominem, respicere, ac declaranda ueritatis gratia disputare, ingenuum, ac philosophum animum praesert, ita carpendi, ac detrahendi causa, id facere, liuorem, aut odium, aut aliud quippiam tale significare uidetur; indicium autem utriusq; animi esse solet ipsa disputandi, ac dissidendi occasio. Si quis enim aliqua de re tractationem instituens animaduertat, contrarias aliorum sententias ita proposito sibi scopo repugnare, ut nisi diluantur, impedimento suae contemplationi esse queant, is necessitate quadam ad earum euerisionem compellitur, contra uero qui à susceptae tractationis filo ad res alias à proposito sibi fine alienas digrediendo, interpestium certamen inire nituntur, seu alio quouis pacto sine occasione occasionem sibi controuersandi quaerunt, ii profecto non ueritatis amore, sed alia quuspiam animi perturbatio ne commotos se esse declarant. Haec excusationis tantum, ac defensionis meae gratia dicta uelim, quum in aliis sexto ab hinc anno quosdam de rebus logicis libros ediderim, in quibus complura noua dogmata, quae mihi sola ratio persuasit, à me introducta sunt, necessarium orinuo fuit non modò contrarias in aliorum mentibus radicata

A opinionem

opinionem eradicatæ, verum etiam in eam impugnatione ita diligenter fuflegi; immorari, ut (quod ego iam futurum prædixeram) non defuerit qui dixerint, libros meos prolixitate sermonis laborare; id verò potiffimè mihi contigit in libris meis de methodo, præsertim; in duobus prioribus, ubi quum de ordine doctrinæ, ac de eius partitione in species mihi dicendum proposuiffem, fieri nulla ratione poterat non modò uerum sententiam meam ad plenum declararem, sed etiam ut, uerbum ullum ea de re facerem, nisi hoc omnium dicendorum fundamentum constituto (quæ Auerrois opinio fuit) quod ordo doctrinæ non ab ipsa rerum natura, sed à meliore nostra cognitione defumitur; ab hoc enim scopo dixi hauriendas esse differentias, quibus ordo in species diuidatur, talèq; ordinis diuisionem à me inuentam esse, uere professus sum in capite sexto secundi libri, & inde collegi duos tantum ordines dari, eorumq; alterum solum contemplatiui diuisionis, alterum uerò solis operatricibus accommodari posse. Postea uerò contigit ut philosophus quidam noster, qui aliàs prædictæ sententiæ Auerrois impugnat, & contra rie defensor extiterat, in quodam libro suo de moribus ciuili; philosophia nuper edito non illud tantum Auerrois dogma, sed totam meam de ordine dispositionem atque sententiam oppugnare conatus sit; quod quidem nec molefium mihi, nec inexpectatum fuit, quum enim plurimorum sententias in meis operibus reprobassem, credibile mihi erat non esse defuturos qui aduersum me aliquid dicent uel scriberent, cum logicos, & philosophos, àm maxime etiam medicos, ad quos defensio Galeni (nam & eius sententiam confutaueram) pertinere uidebatur. Illud tamen mirum mihi, atq; inexpectatum fuit, quod philosophus ille meam pro Auerro, ac pro ueritate susceptam, & mihi omnino necessariam dispositionem calumniam appellauerit, uel enim quid calumniam sit ignorat, uel si scit, scite etiam potest meam dispositionem non esse calumniam. Ceterum hoc, sicuti etiam reliqua, alii iudicabit. Quod ad rem ipsam attinet, mihi certè nunquam fluctatum animo fuit mea dogmata, pertinaciter tueri, quanquam enim, multo, ut uideo, id non facere uerentur, & sententiam, quam qua senuerunt, mutare erubescunt, ita tamen ego in philosophia alienissimum esse arbitror, si quidem veri philosophi manus semper est parere rationi, & ueritatem non solum mente, sed etiam ore confiteri. Ob id ego primum animo ad legendam eam erudi-

viri disputationem accessit, si quid in libris
 meis à me erratum notaretur, idq; mihi ratio
 persuaderet, ipse statim errores meos emenda-
 rem, & mutata sententia aliam meliorem se-
 queretur: attamen ex ea lectione contrarium
 mihi contigisse senti, dum enim considera-
 rem virum probe et ætatis, & in philoso-
 phia studiis toto vitæ suæ tempore versatis-
 simum, nil aliud post operum meorum editio-
 nem, quinque annorum spatio invenire ad-
 versus mea scripta potuisse, deinde omnes eius
 argumentationes expendens non modò in
 his viderem, quod meam sententiam infirma-
 rei, sed etià plura, quæ eam mirificè confir-
 mare, certè efficacia ac firmius in ea per-
 sistere cœpi, quàm credendum videretur
 contra me adduci posse præter illa, quæ à vi-
 ro celebratissimo post summam adhibitam
 diligentiam inventa & adducta fuerant. Quo-
 niam igitur sanctissimum semper fuit veri-
 tatem rueri, præsertim si periculum immi-
 near ne multi ob solam viri auctoritatem æ-
 parentibus moti argumentis ab ea abducantur,
 viq; multorum hortationibus ac preci-
 bus morè generem, constitui pauca quæ-
 dam hac de re scribere, nam si nobis datum
 fuerit, remotis captionibus, claram & omni-
 bus conspicuam reddere veritatem, magnum
 certè in re magni momenti operæ pretium se-
 cerimus, sin minus, alios saltem ad id pera-
 gendum excitabimus, viamq; eis planiorem
 reddemus:

CAPUT SECUNDUM.

Quis ordo considerandus sit.

Nolite hac controuersia ad tria capita redigi uideatur, quæ ordinate consideranda sunt; Vnum est, quis ordo definiendum proponatur, deinde quid sit; demum quatuorplex sit. Vt à primo ordiamur, id certum & constitutum iam inter nos est, non de alio ordine nos loqui, quam de ratione doctrinæ, quem philosophus ille vocat addiscendi, seu docendi ordinem; sed in eo uidetur esse defectio, quod quum ego in primo libro meo de methodis cap. primo de vndecimo ordinem in animo tanquam habitum considerauerim, ipse non in animo sumendum esse ordinem putat, sed in ipsis disciplinis res imitantibus, hoc enim aperit dicit in cap. 2. sup. introductionis, & prius in cap. 24. dissimulat ordinem in logica sumptum; quod instrumentum esse ait, ab eo qui in scientiis & artibus est, & illo relicto de hoc tantum discernendum proponit.

*Sensitio
aduersa-
rij q or-
do non in
animo ,
sed in di-
sciplinis
sumendus
sit.*

Confuse-
rio.

proponit. Ceterum uel alius est ordo, de quo ipse loquitur, alius, de quo ego loquor sum; uel unus & idem: Si alius, non erat cur ipse contra me aliquam disputationem iniret, si quidem non de eodem ordine sermonem ambo facimus: si uero idem, qui sola ratione distinguitur, uidendum est num melius sit ordinem considerare ut habitum animi, quod ego feci, an non ut habitum, sed ut in disciplinis iam existentem, ut ille. Primum quidem is, qui dicit, non ut habitum animi, sed in disciplinis sumentum esse ordinem, dicere etiam debet ubinam disciplinas ipsas existere arbitretur, nam si & ipse in animo sint, ordinem quoque in animo esse oportet, nec alio modo, quam ut habitum; quare etiam si in disciplinis existentem ordinem consideremus, non recte negatur eum esse habitum animi, scientie quidem & artes omnes uel in animo existant, uel in uoce, uel in libris, in quibus scripte sunt, sed atque dubio proprium earum subiectum est animus noster, non uox, neque charta liberum, nisi per accidens, uel secundarium; etenim discipline res ipsas representant nobis debent, representant autem solum ut sunt in animo, nam soli conceptus sunt imaginis rerum, ut ait Aristoteles in initio libri de interpretatione; uoces enim, & litteras non uocat ibi rerum imagines, sed uoces & signa conceptuum, qui soli sunt imagines nisi dicamus uoces, ac litteras ea tantum ratione dici posse imagines, quatenus sunt signa conceptuum, qui uere sunt imagines, non enim per se representant res, sed per conceptus, quorum sunt signa. Scientie itaque & artes omnes in animo consideranda sunt, tanquam in subiecto primos; & eas ita considerauit Aristoteles in 6. libro ethic. ad Nicomachum, ut habitus animi, nam habitum mentis ut earum genus accepit, quod non recte factum esset, si quod extra mentem, ac in mente earum natura consideret, sic enim habitus scientie non esset earum genus, sed accidens quiddam, sine quo existere possent. Quam igitur scientie & artes non alibi, quam in animo, surdende sunt, ordinem quoque in animo esse necesse est, si ordo in illis existere dicitur, si uero in animo, etiam ut habitum animi, quod ita ostendo, iam dixi tum in memorato libro, tum in primo de natura logicæ, instrumenta logica considerari posse uel seiuncta à rebus, uel rebus applicata, id est conceptibus rerum in animo existentibus, & demonstrari, instrumenta quidem esse uel seiuncta, sed ut applicata, non simpliciter esse instrumenta, sed res ipsas, id est ipsos conceptus, & ipsam disciplinam,

quibus sunt applicata; hæc enim Græcorum interpretum sententia fuit, quæ si uera est, ordo igitur in disciplinis acceptus, est habitus animi, si idem est ac scientia ipsa, seu ars, cui est applicatus, & tum scientiam, tum artem, secundum Aristotelem est habitus animi, licet non instrumentalis, sed principalis. Si uero quispiam dicat sententiam illam Græcorum iuxtam non esse, & logicam tum abiunctam, tum applicatam instrumentum esse, adhuc erit habitus animi, sed instrumentarius. Igitur necesse est ordinem in animo, & ut habitum animi considerare: quoniam etiam qui in disciplinis ipsum considerare malunt, nihilominus in animo, & ut habitum animi considerant. At tamen ego melius esse dixi ordinem ut abiunctum à rebus, & ut instrumentum considerare, propterea quod non uidetur bene intelligi posse quid sit ordo, nisi à rebus seiuncta natura ordinis declaranda proponatur, & applicabilis quidem disciplinis, sed nondum acta applicata; melius namque cognoscere ordinem possumus, dum ipsum in sua natura puritate contemplamur, quam cum rebus commistum, dum enim rebus permiscetur, ordo, multis ab eis recipit uarietates, uelut regula illa læxia, quæ, quam ipsa per se rectitudinem habet, necesse tamen erat ut ad lapidum, quibus aptabatur, obliquitatem flecteretur: hanc igitur ob causam ego etiam multa ex uariis disciplinis accepti ad ordinis naturam melius declarandam, & ad ea, quæ de ipso dixeram, comprobanda, ipsum tamen considerare ac definire uolui per se sumptum non ut iam disciplinis applicatum, sic enim Aristotelem quoque de logicis instrumentis scripsisse manifestum est, sed hac de re, scilicet, plura namque de ea in operibus logicis à me scriptis legi possunt.

CAPIT. TERTIUM.

Argumenta aduersarij, quibus ostenditur ordinem doctrinæ semper sumi à natura.

Sequitur ut ea, quæ ad essentiam ordinis pertinent, consideremus, quia in re ita progrediemur. Primo loco de conditionibus, in quibus natura ordinis consistere dicitur, differemus, mox totum ordinis definitionem expendemus, tum quæ ab aliis, tum quæ à me tradita est, ut ratione ducere uideamus quid in unaquaque uici, aut erroris insit, & quid bene itaque dicatur quibus peractis deum ad ordinis differentias ac species descendemus. Dux sunt conditiones

ordinis, de quibus est nobis proposita disputatio; una & præcipua an ratio ordinandi sumatur à natura rerum, an à nostra meliore cognitione; altera uero an essentialis & necessaria ordinis conditio sit ut ab uno doctrinae initium sumatur. Quod ad priorem difficultatem attinet, ego quidem in primo libro meo de methodis ostendere nixus sum ordinem doctrinae non à rerum natura, sed à nostra meliore, uel faciliore cognitione sumendum esse; sed philosophus ille efficaciter tueri contendit, ordinem sumendum semper esse à natura rerum, non à nostra cognitione, ad quod probandum, utitur primo loco autoritate Aristotelis uariis in locis, nam in initio primi elenchorum inquit, Incipientes secundum naturam à primis; & in initio tertii libri rhetoricorum ait, Primum igitur quæsitum est secundum naturam, quod natura primum est; & in contextu 57. primi libri physicorum inquit, Est enim secundum naturam communia prius dicentes, ita circa unum quodque propria speculari; & in initio libri de sensu & sensibilibus, De reliquis primum dicamus, ac primum de primis; & in secundo de gener. animal. cap. 4. Nunc à primis incipendum est, prima autem sunt perfecta, & eiusmodi sunt quæ animal generant, eorumque primum homo; & secundo libro de anima contextu 34. primum de alimento, & generatione dicendum est, quia hæc facultas & prima & communissima aliarum est; id etiam confirmat pluribus argumentis, primum quoniam Aristoteles sæpe dicit ordinem esse naturam ipsarum rerum, atque scientiæ sunt res ipsæ per repetitionem, ergo quem ordinem res habent, eundem seruare scientiæ debent. Secundò argumentatur ex differentia ordinis ac methodi, quum enim distinguantur, & methodus sit à notioribus nobis, non debet igitur ordo esse à notioribus nobis. Tertio, sunt in rebus naturæ hi duo ordines, unus in intentionis, alter originis, ergo in scientiis quoque hi duo ordines inde emanant, quare ambo sequuntur naturam. Quarto, metaphysica est de rebus absolute primis, proinde est secundum naturam prima omnium, ergo ordo in scientiis attenditur iuxta ordinem naturæ, quanuis enim nos à metaphysica non ordiamur, non tamen propterea ipsa desinit esse prima. Quintò, Aristoteles in tractatione de sensibus incipit à uisu, desinit in tactu; Plato autem, & Auicenna primo loco de tactu, postremo de uisu loquuti sunt, ergo non seruât ordinem cognitionis nostræ, sed ordinem naturæ, nam ordo cognitionis unus tantum esset, & ordo naturæ duplex est, unus perfe-

ctionis, alter originis; adde etiam quòd Aristoteles in eo tractatu anteposuit odoratum gustui, quum tamè odoratus sit nobis ignotior quoniam homo debilissimum habet olfactum itaque à notioribus nobis non procelit, nec nostram cognitionem respicit, propterea quòd ordinem intentionis naturæ, & ordinem perceptionis, quem inceperat, deserere non uult.

CAPUT QVARTVM.

Autoris argumenta cum responsionibus aduersarij.

NItitur etiam soluere argumenta, omnia, quibus ego demonstravi ordinem semper seruari à notioribus nobis; Primum quidem ego usus sum autoritate Aristotelis in initio primi libri phys. dicentis agendum esse primum de primis principiis, quoniam ex horum cognitione aliorum omnium cognitiopendetur. Sumit ergo Aristoteles rationem huius ordinis à nostra cognitione. Ad hanc respondet eam non esse adequatam ordinis rationem, idque ostendit dupliciter, Primum quidem, quia Aristoteles aliis in locis non eandem adducit, neque eam etiam seruatur; nam secundo de anima, cont. 34. inquit agendum prius esse de facilitate nutriente, non tamen ob eam rationem, sed propterea quòd prima est secundum naturam; & in eodem libro, de sensibus agens præponit odoratum gustui, ignotiorem tamen ipso gustu; secundo quia hæc est ratio secundaria, & primariam insequens; primaria namque ratio, cur de principiis primum sit agendum, est quia prima sunt, ex hac postea emanat altera secundaria, quum enim sint prima, ex his pendet omnium aliorum cognitio. Secundo consideravi Aristotelis uerba in ipso initio quintæ metaph. dicentis, initium doctrinae non semper esse principium rei, sed esse quandoque; unde quis facilius addiscat. Ad hoc respondet aduersarius Aristotelem ibi de uia doctrinae, non de ordine loqui, & ita locum illum suæ potius opinioni suffragari. Tercio loco maxime innixus sum uerbis Aristotelis in primo lib. eth. cap. 4. ubi ait Platonem certè dubitasse an à principiis, an ad principia uia tenenda sit; tandem autem statuit esse à notis nobis progrediendum. Ad hoc similiter respondet Aristotelem ibi non de ordine doctrinae loqui, sed de uia, idque confirmat, expendens diligenter uerba illa Aristotelis omnia; perpendit enim dictionem, quæ significat rationes, at ordo non est ratio, sed methodus propriè est ratio. Considera-

etiam

*Autori
sates Ari
stotelis.*

*Primum
argumen
tum.*

Secundū

Tertium

Quartū.

Quintum

*Primum
argumen
tum.*

*Respon
sio.*

*1. Argu
mentum.*

*Respon
sio.*

*3. Argu
mentum.*

*Respon
sio.*

etiam Aristotelem dicere notiora duplicia esse, alia nobis, alia natura, & decernere esse incipiendum à notis nobis, patet igitur eum loqui de methodo, quia iam ego dixi ordinem esse à notis secundum naturam, & secundum cognitionem nostram distinctam, Aristoteles autem aperte dicit inspicandum esse à notis secundum cognitionem confusam, ergo loquitur de via, proinde ego mihi contra dico dum assero ordinem esse à notis secundum cognitionem distinctam, & Aristotelem ibi loqui de ordine; alia quoque Aristotelis verba considerat, quæ mox à nobis diligenter expendantur: & quoniam ego ad probandum quodd ibi de ordine sermo fiat, hoc argumentum usum sum, quodd Aristoteles iam incipit, tertio de methodo, loquutus erat quare non potest iterum in cap. 4. agere de methodo, ad uersarius prius argumentum hoc contra me retorquet, deinde soluit: retorquet hunc in modum, Iam Aristoteles prius cœperat uti ordine resolutionis, exordiens in primo cap. à felicitate, quæ est finis omnium agendorum, ergo non debebat amplius dubitare utro ordine utendum sit, quum iam seruandum sibi sumpsisset ordinem resolutionis. Soluit autem argumentum, dicens Aristotelem in cap. 3. non dixisse nullis se prorsus usurum demonstrationibus, sed non exactis, quales sunt demonstrationes mathematicæ, ideo in 4. cap. id magis confirmans inquit esse progrediendum à notis nobis, & ita utendum esse leuibus, & non exactis demonstrationibus. postea ego adduxi multa Aristotelis loca, in quibus spreto naturæ ordine seruatur ordinem cognitionis nostræ, ut in lib. categoriarum præponit relationem qualitati, & in secundo de anima præponit uisum tactui, quum tamen & qualitas relatione sit natura prior, & tactus uisui: sic etiam prius de animalibus agit, quàm de plantis, licet plantæ secundum ordinem naturæ precedere debuissent: prius etiam de homine dicendum proponit, quàm de ceteris animalibus in primo lib. de hist. anim. cap. 6. & in secundo de part. an. cap. 2. Ad hæc omnia responder, id factum esse per accidens, ubi enim ordo non est necessarius, non seruatur quandoque ordo naturæ, quia aliquæ offertur occasio, ob quam non est necesse ordinem illum seruare: & ea dicitur accidentaliter quædam ipsius ordinis prætermisio; quemadmodum in sensibus, in quibus nullus est necessarius ordo, potuit Aristoteles neglecto ordine naturæ incipere à uisu: immo addit dici etiam posse quodd Aristoteles seruatur in sensibus ordinem naturæ quum seruatur ordinem perfectionis, qui non minus

dicatur ordo naturæ, quàm ordo originis. ob id inquit ita seruasse ordinem naturæ Aristotelem incipientem à uisu, desinentem in tactu, ut Platonem in Timæo, & Auicennam in sexto naturalium incipientes à tactu, & desinentes in uisu, quauis non sit idem ordo naturæ. Vfus sum præterea tali ratione, Si ordo doctrinæ sumeretur necessariò à natura rerum, dubii semper essemus undenam auspicari deberemus, duplex enim est ordo naturæ, unus perfectionis, seu intentionis, alter generationis, seu originis, qui etiam contrarii inter se sunt, quare si statueremus seruandum semper esse ordinem perfectionis, solus daretur ordo resolutionis, qui à compositis ad simplicia progreditur; si uerò ordinem generationis, solus daretur ordo compositi, qui est à simplicibus: quodd si uterque seruari ordo posset, sequeretur incertum, atque indefinitum esse ordinem doctrinæ, quum nulla appareat ratio cur unum potius quam alterum seruare debeamus; itaque tradenda omnino est regula, qua statuatur uno potius quam altero esse utendum; hæc autem non potest aliunde sumi quàm à nostra cognitione, hoc argumentum ipse prius contra me duobus modis retorquet; Primò sic, Nota nobis duplicia sunt, uel enim distincta, uel confusa, & quandoque procedimus à notis nobis confusæ, ut quando à physicis progredimur ad metaphysicos; quandoque à notis nobis distinctis, ut quando in scientia naturali auspicamur à principiis: ergo dicendo ordinem sumi à nostra cognitione, incertum similiter ordinem facimus, quia æquè possumus ordiri à notioribus natura, atque à notioribus nobis, quod etiam ego negare non possum, quum asseram Aristotelem in cap. 4. primi libri ethic. de ordine loqui, quando dicit esse progrediendum à notioribus nobis prout notiora nobis opponuntur notioribus natura. Alio modo idem argumentum ita retorquet, Si duo offerantur equè ignota, nulla dabitur regula, ob quam alterum præferre alteri debeamus, dum à sola nostra cognitione rationem ordinandi sumimus; quare tunc cogimur ad naturæ ordinem confugere. Soluit autem argumentum, concedens priora natura duplicia esse, & utrumque ordinem seruari posse; quum enim natura & componat progrediens à simplicibus ad composita, & resoluit progrediens à compositis ad simplicia, nos pro uariis institutis nostris & opportunitatibus modò uolumus imitari naturam generantem, & ita uti ordine compositi, modò naturam resolutionis, & uti ordine resolutionis, eo enim ordine utimur,

Posteriorum argumentum.

Prior rectorio argumentum.

Posterior rectorio.

Responso.

Argumentum

Responso.

ne utimur, qui nostro instituto, & rei, de qua sermo est, accommodatio esse uideatur.

CAPVT QVINTVM.

In quo fundamenta quadam ab auctore iaciuntur.

*Primum
fundamen-
tum.*

VT & contraria argumenta solue-
re, & nostra tueri facilius possi-
mus, quædam præmittenda sunt,
non quidem noua, sed ex libris nostris logi-
cis repetita, nam quæ ibi dicta à nobis sunt,
ad sententiam nostram tuendam optimè suf-
ficiunt. Primum quidem annotandum est il-
lud, quod in cap. 9. primi libri de methodis
diximus, quod cognitionem facere siue con-
fusam siue distinctam, est proprium metho-
di, nec competit ordinis, sola enim methodus
facit ex notis cognitionem ignoti, ordo uero
nullam cognitionem parit, sed solum facit ut
ea, quæ ad discimus, melius, vel facilius addi-
scamus. hac sola ratione ad cognitionem or-
do confert: ideo falsò mihi attribui uidentur
quod dixerim ordinem sumi à nostra cogni-
tione distinctam, methodum uero à cogniti-
one nostra confusam; nam id quidem de ordine
diximus, sed hoc de methodo nunquam; quin
potius apertissime declarauimus methodum
dirigi ad utramque nostram cognitionem, im-
mo magis ad distinctam, quàm ad confusam,
si quidem demonstratio à priori est præstan-
tior demonstratione à posteriori, & eius scop-
us ac finis de ordine autem quod solam re-
spiciat cognitionem nostram distinctam, ad-
uersarius hoc quoque nititur impugnare, sed
de hoc postea loquemur. Id præterea notan-
dum est, quod in eodem loco expressimus,
quod quando dicimus ordinem respicere no-
stram cognitionem distinctam, nihil aliud
intelligimus per distinctam cognitionem,
quàm perfectam in eo genere; ordo enim
nos iunat ad cognitionem assequendam non
quidem absolute perfectam, & quantum de
re proposita haberi potest, sed pro uiribus &
pro conditione illius disciplinæ. Præterea in
eodem loco diximus quod quandoque ali-
quod necessarium est ad aliud perfectè
cognoscendum quantum in illa disciplina
cognosci potest, quoniam sine illius cogniti-
one hoc nunquam perfectè cognosceretur, ob
id necessarium omnino est illud huic in do-
ctrina antepone, & dicitur is ordo seruari
propter meliorem cognitionem, ut quando
primo agitur de elementis, quàm de mistis,
quia non possint mista bene cognosci elemen-
tis ignoratis; quandoque autem non est ne-

*2. funda-
mentum.*

*3. funda-
mentum.
Tria ge-
nera co-
rum, qua
ordinan-
tur.*

cessarium illud cognoscere pro huius cogni-
tione, sed est tamen utile, quia sic facilius sit
doctrina, quæ alioqui difficilior esset; ob id il-
lud huic antepone debemus, & hoc in tra-
datione de sensibus notare possumus; nam
Aristoteles poterat exordiri à tactu, nec illa
necessitate à uisui auspicari coactus est; do-
cuisset enim etià hoc modo ea, quæ de sensu
bus docuit, sed multò difficilius. igitur
doctrina faciliior redderetur, constipuit à ui-
sui auspicari ob eam rationem, quam nos in
cap. 7. eius primi libri tetigimus; patet enim
Aristotelem in cap. de tactu multa de eo sen-
su declarare per ea, quæ antea de uisui dixe-
rat. Demum quandoque contingit ut neque
melioris, neque facilioris doctrinæ ratio pos-
sulet ut hoc illi anteponyamus, dantur enim
quædam, quæ inueniri ita se se habent, ut
nullum eorum sit, quod magis ad aliorum
notitiam conducatur, quàm illa ad ipsum, &
tunc quid nulla à cognitione sumpta ratio
locum habeat, in arbitrio scribentis est, quod
cunque uoluerit, antepone, licet hoc rarò
admodum eueniat, & solum in aliqua disci-
plinæ particula, nunquam in disciplina tota,
ita ut dum totam disciplinam respicimus,
ea semper dicatur disposita secundum ordi-
nem melioris & facilioris cognitionis; quem-
admodum etiam in postremo eius primi libri
cap. dicebamus. Euenire autem hoc potest
inter species aliquas eiusdem generis & quæ in
cognitas, cuiusmodi sunt equus, & alius,
quæ in arbitrio auctoris positum est ab-
trahet exordiri, potest enim tunc seruari
ordinem perfectionis, & incipere à nobilio-
re; potest etiam naturam generantem imi-
tari progrediendo ab ignobiliore, ut quum
animal, & planta sint species aequales iuen-
tis corporis, si statueremus neutram conser-
re ad cognitionem alterius, posset auctor ser-
uare ordinem perfectionis, & auspicari ab ani-
mali, posset etiam incipere à stirpe, quæ im-
perfectior est, & naturam habet simplicio-
rem, ut imitaretur naturam generantem, &
utroque modo diceretur naturæ ordinem
seruare, sed non ordinem cognitionis, id ta-
men animaduertendum est quod secundum
opinionem nostram cognitionis ordo inua-
riabilis est, quando enim adest ratio ordinan-
ti sumpta à nostra cognitione, non est alius
ordo seruandus, quia si alius seruetur, non
est rectus ordo: quod si quandoque non ser-
uatur, id fit quia nullus adest, qui seruari pos-
sit, non quia adsit, & ab auctore negligatur,
hoc enim ab aduersario nobis obici nua-
quam potest: nos tamen ei obiciamus, quod
quandoque adest inter aliqua, ordo naturæ,
qui ta-

qui tamen negligitur propter ordinem melioris cognitionis, hoc autem quando eueniat, & quomodo sese habeat declarandum est, eoq; diligentius, quò à nemine hæctenus declaratum uel tactum esse comperitur. Iam diximus aliquam esse aliquorum ordinationem necessariam ad perfectam scientiam adipiscendam, aliquorum autem non necessariam, sed uilem ad eam facilius acquirendam; aliquorum demum nec necessariam, nec uilem, sed arbitriam, quum nullus in eis notari possit ordo cognitionis uel melioris uel facilioris. in hoc igitur tertio genere certum est non contingere ut propter nostram cognitionem ordo naturæ negligatur; si quidem nullus ibi adest ordo cognitionis, qui dicatur præferri ordini naturæ; sed neq; in primo genere, nam in eo necessarium omnino est ordinem naturæ seruare, non quidem quia sit ordo nature, sed quia idem est etiam ordo melioris cognitionis; quoniam in iis rebus non possunt hi duo ordines esse disiuncti quocirca simul seruatur & naturæ & cognitionis ordo, seruatur tamen ut ordo melioris cognitionis, non ut ordo nature. Hoc autem euenit quando ea, quæ disponenda sunt, eiusmodi sunt ut unum sit causa alterius; causa enim tum natura, tum cognitione prior est effectu, necessarium igitur est causam effectui anteponeere, & ita imitari naturam componentem, non tamen quia is sit ordo naturæ, sed quia fieri non potest ut effectum perfectè noscamus ignoratis causis, dum modo tales causæ sint, quæ sub propriæ disciplinæ considerationem cadant quia nisi sint eiusmodi, poterit effectus perfectè in eo genere cognosci absq; illarum causarum cognitione. Reliquum est igitur ut in secundum tantum genere eueniat ut ordo naturæ spernatur ob nostram faciliorem cognitionem, hoc autem faciliè intelliget quisquis sciat dari aliqua aliquibus natura priora, quæ tamen eorum causæ non sunt; quod fatetur nos & Aristotelis autoritas, & res ipsa cogit; Aristoteles enim in 2. cap. primi lib. post. analyt. conditiones principiorum demonstrationis enumerans, inquit principia & priora esse debere & causas; nouit igitur dari priora, quæ non sint causæ, nam si omnia priora essent etiam causæ posteriorum, superuacuum fuisset addere, & causas; sed manifestum per se est, dari plures eiusdem rei causas, quarum una alterius causa non est, in iis tamen aliquis est naturalis ordo: dantur etiam plures effectus nature, quorum unus non est causa alterius, ordinem tamen inter se habent naturalem, quoniam eos na-

tura ordine quodam producit, ut si inter se conferamus plantam, & animal, neutrum alterius causa est, sunt enim duæ æquales eiusdem generis species, attamen aliqua ratione dicitur planta natura prior animali, quoniam simplicior, & imperfectior est; & animal omnes habet animæ facultates, quas habet planta, & alias præterea: natura autem ab imperfectioribus ad perfectiora progredi solet. Sed in his illud est maximè annotatione dignum, quòd quum duo ab Aristotele statuuntur ordines naturæ, quos sæpe aduersarius nominat, unus generationis, alter intentionis, in his tamen rebus solus locum habet ordo generationis, nam dicere quidem possumus stirpes esse natura priores animalibus, nempe ordine generationis naturæ, non tamen dicere possumus animalia esse priora stirpibus ordine intentionis naturæ; non est. n. in rerum natura planta propter animal, licet ad animalium uitam conseruandam conducatur; sed est species corporis naturalis per se conferens ad perfectionem uniuersi, & per se digna cognitu etiam si ad animalium uitam nihil conferret: possumus igitur dicere plantam natura priorem animali, non tamen animal natura prius planta, licet perfectione sit prius: idem dicendum est de homine & aliis animalibus; idem de quinque sensibus, tanquam facultatibus eiusdem animæ inter se collatis, nullus enim est aliorum causa, tamen tactus est natura prior ceteris, & post tactum gustus, quia nequeunt alii absq; his existere; nec propterea uisus & auditus dicuntur altero modo illis natura priores, nempe secundum ordinem intentionis naturæ, ut aduersarius fingit, non enim dedit natura animalibus tactum & gustum propter uisum & auditum; qui sint scopus ac finis illorum, quum tactus sit animali necessarius ut sit animal, auditus autem, & uisus non sint necessarii, sed solum conferant ad bene esse; si quidem potest esse animal, & diu uiuere, etiam sine his: Visum igitur appellare primum ordine intentionis naturæ uanum est, quauis primus uocari possit ordine nobilitatis ac perfectionis; ex eo enim quòd aliquid sit primum nobilitate, non infertur quòd sit natura primum, nisi etiam sit primum in intentione nature; ob id animaduertendum est ut sano modo intelligamus id, quòd ab Aristotele dicitur de duplici naturæ ordine, generationis, & intentionis, uidelicet primam generationem esse ultimum intentione, & primum intentione esse ultimum generatione; hoc enim in his tantum locum habet, quæ se habent inuicem ut causæ, & effectus, ut elementa,

Duonaturæ ordinem non semper simul sūt in causâ.

Nota in quibus ordo naturæ negligatur pp nostram cognitionem?

*admodum
- in modis
in natura
et in
et in
et in*

lementa, partes homogeneæ, partes heterogeneæ, animal totum; in reliquis autem potest quidem notari ordo ille naturæ, qui generationis ordo dicitur, seu ordo similis ordini generationis; at non alter, qui intentionis ordo appellatur. In his igitur eum, quem habent, naturæ ordinem sperni quandoque dicimus propter nostram faciliorem cognitionem; quanvis enim ordine naturæ stirpes sint animalibus priores, tamen, quia notiora sunt animalia, & ad stirpium cognitionem conferunt, voluit Aristoteles prius de animalibus, quam de stirpibus agere. hac eadem ratione priora sunt bruta hominibus Arist. tamen modò bruta homini, modò hominem brutis in doctrina anteposuit, prout ratio facilioris doctrinæ pro variis occasionibus postulat. Sic etiam prior natura est tactus visus, tamen Aristoteles visum tactui anteposuit, quanvis nulla ratione natura priorer tactui.

In scientiis potest haberi distincta cognitio etiam natura ordini non servato.

In scientiis igitur contemplatiuis, de quibus hæc omnia diximus, manifestum est sperni quandoque ordinem naturæ propter ordinem cognitionis, ita tamen ut nullum propterea asseratur impedimentum nostræ cognitioni distinctæ, nam vii à causis ad effecta procedentes seruamus necessariò ordinem naturæ, certum est eum esse ordinem distinctæ cognitionis; in aliis verò, in quibus ordo naturæ spernitur, non ob id cognitio acquiritur confusa, sed similiter distincta, nam etsi stirpes sunt natura priores animalibus, non ob id sunt causæ animalium, ideo & distinctè cognosci possunt stirpes ignoratis animalibus, & distinctè animalia ignoratis plantis, facilius tamen doctrinæ gratia animalia anteposuntur, & ita sperni dicitur ordo naturæ, nec per hoc stat quin cognitionem adipiscamur distinctam; nam, quæso, in quo nam consistit distincta & perfecta animalium notitia? cerè in his duobus, in cognitione essentia ipsorum animalium, & in scientia accidentium propriorum per suas causas; hæc cognoscere, optimè possumus etiam stirpibus ignoratis; spernitur itaque ordo naturæ, & solus seruatur ordo facilioris doctrinæ; cognitio tamen fit distincta, quantum in eo genere fieri potest. Sed quum hæc in solo ordine compositiui, prout in scientiis tantum contemplatiuis locum habere uideantur, si in artibus quoque, & aliis, quæ ordine resolutionis traduntur, hoc idem ostendimus, clarum in omni ordine erit quòd quanvis quandoque ordo naturæ non seruatur, non propterea distincta nostra cognitio labefactur. Diximus aliàs quenam sit operatiuium disciplinarum natura, cognitionem.

Quo in artibus perfectatur haberi cognitio non seruato naturali ordine.

enim non absolute querunt, sed directam ad operationem, itaque in his non absolute perfecta cognitio queritur, sed perfecta solum in genere, erit autem in suo genere perfecta, quando is, qui eam est adeptus, quantum esse potest idoneus fuerit ad optimè operandum, ut in arte medica neque humani corporis, neque vilius alterius rei absolute perfecta cognitio queritur, sed quæ idoneum medicum reddat ad omnes humani corporis labeles curandas, quæ arte medica curari apte sint: non est igitur considerandum in huiusmodi disciplinis an cognitio acquiratur procedendo à causis ad effecta secundum ordinem naturæ rerum, an è contrario, sed qualiscumque sit, dicitur perfecta & distincta cognitio, si plene innotuerint nobis principia, per quæ operationem aggregari apti sumus; reuera enim progressus ordinis resolutionis à notione finis ad inuenienda principia est à posteriori ad prius, ut in libro. 3. de method. cap. 10. demonstrauimus: cognitionem tamen distinctam, hoc est in suo genere perfectam tradit. Quanvis igitur ille sit ordo contrarius ordini naturæ rerum, per hoc tamen non stat quin cognitionem tradat distinctam eo modo, quem exposuimus: quòd autem sit contrarius ordinis rerum, patet, nam ordo illarum rerum naturalis ille est, qui in operatione seruatur, à remediis ad finitatem, à causis ad effecta; ars enim in hoc naturam imitatur, ideoque processus compositiui artis operantis dicitur ordo naturæ, quia res illæ ut ab arte producantur, eum inter se ordinem habent; in arte autem docente contrarius ordo seruatur propter nostram cognitionem, quæ requirit ut à notione finis ad inuenienda principia procedamus; quare in ordine quoque resolutionis distincta in suo genere cognitio queritur, licet ordo naturæ non seruatur.

CAPVT SEXTVM.

Impugnatio solutionum aduersarij.

HIS ita constitutis venio ad argumentorum meorum defensionem, quæ ille solvere nixus est. Primum argumentum meum sumptum erat ex primo contextu primi libri phys. sed quoniam aduersarius in eo soluendo etiam contra me argumentatur, nos ut distinctè procedamus, solutionem eius ab argumentatione seicungemus, solutio in hoc tantum constituta est, quòd Aristoteles dicens de primis principijs esse agendum, quoniam ex eorum notitia co-

Defensio primi argumenti sumpti ex initio primi phys.

notitia co-

gnitio aliorum pendet, non primariam, sed secundariam eius ordinis rationem adducit: quæ responsio satis ipsa per se suam absurditatem patefacit; quoniam Aristoteles ubique solet causam primam quæstionum asserere, quum hæc sola debeat propter quid, ut in post-analyt. uidere est, & ut nos tum in illorum commentariis, tum in operibus logicis passim demonstramus. Quoniam ergo negari non potest, consilium Aristotelis esse in primis illis uerbis primi phys. non solum dicere se uelle à primis principiis auspicari, sed etiam dicere propter quid uelit, certè non idoneam causam adduceret, si secundaria eam causa esset, etenim non declararet propter quid sit ordiendum à primis principiis, sed quòd illa sit causa prima & præcipua eius ordinis non demonstrare facile possumus, quamquam hac de re plura iam diximus in primo lib. de methodis, præsertim cap. 6. quemadmodum enim in secundo lib. post. dicebat: Aristoteles deambulationem à cæna esse causam effectricem sanitatis, contra uero sanitatem esse causam finalem deambulationis, ita in præsentia dicendum est, causa cur à primis principiis ordientes cognitionem aliorum adipiscamur, est quia sunt prima secundum naturam, & causæ reliquorum; Quum enim cetera ab his pendeant quatenus sunt, pendet etiam quatenus cognoscenda sunt; & dum hoc dicimus, causam effectricem significamus: sed tamen è conuerso illa cognitionis adeptio est causa finalis cur à primis principiis auspicari uelimus; si quis inquirat cur à primis principiis ordiamur rerum naturalium tractationem, nulla certè alia finalis causa reddi potest, nisi ea, quam reddit ibi Aristoteles, scilicet, quia sic perfectam rerum naturalium cognitionem, quam quærimus, assequemur, si quidem ex primorum cognitione, cognitio aliorum pendet: Dicere autem causam huius finalem esse ut naturam imitemur, ita uanum est, ut ne ille quidem, qui hoc enuntiet, id credere posse uideatur, nisi etiam credat scòpum & finem omnium disciplinarum esse, non cognitionem rerum, sed imitationem naturæ, quod si dicat, neq; est quòd inuidere ei dogma hoc, neque quòd consutare debeamus. Quoniam igitur Aristoteles ibi non effectricem causam scientiæ asserre uult, sed causam finalem cur à primis auspicari uelit, & nos similiter de finali tantum causâ ordinis in præsentia loquimur ut in illo primo lib. de meth. uidere est, certum est causam primam, non secundariam ab Aristotele eo in loco asserri. Duo etiam illa aduersarii argumenta frivola sunt, Cur enim Aristoteles

prius de nutriente anima, quàm de aliis agendum proponat, nullam causam ex meliore vel faciliore nostra cognitione sumptam reddere poterat, ideo seruare uoluit ordinem naturæ: immo dicere possumus, rationem ab Aristotele ibi allatam, non esse causam finalem ordinis seruati in partibus animæ, sed potius effectricem, quum cesset ibi causa finalis, quia sine suo potiri poterat, nempe perfecta partium animæ cognitione & præparatione nutrimentum sentienti, & sentientem nutrimenti. Quod uero de gustu & olfactu dicitur, falsum est, ut nos postea demonstrabimus. nam, luce, clarius ostendemus olfactum ibi esse nobis notiores gustu, proinde Aristotelem progredi à notioribus nobis. Ad alterum argumentum negamus Aristotelem ibi asserre causam secundariam, iam enim probauimus eam esse primariam. Ad secundum argumentum meum sumptum ex primis uerbis quinti metaph. respondebat uir ille clarissimus Aristotelem ibi de uia doctrinæ, non de ordine loqui, quæ solutio potest quidem fortasse alicui satisfacere, qui superficiali tantum uerborum Aristotelis attingere, non eorum uim in tantum penetrare solitus sit; At si uerborum sensum diligenter expendamus, absque omnino est rationi & ab ipsismet Aristotelis uerbis explosa, quod ostendo perpendens tum dictionem illam, Principium, tum etiam illâ, Facilius, utraque enim de ordine prædicti dicitur, de methodo autem nullo modo: nam uox illa, Initium, de doctrinâ non rectè dicitur, nisi ubi multa sunt, quæ tractantur, ab uno. Aliquo sumitur tractationis initium, deinde in de ad alia ordinatim transitus fit: eadè prorsus est uis huius uerbi, Incipere, ut in primo lib. de meth. cap. 6. notauimus, deinde fusius cap. 7. declarauimus. In methodo autem de una tantum re, quæ quæritur, agi propriè dicimus, non de medio, ex quo quæritur, neque de subiecto, in quo: hæc enim utraque iam præcognita supponuntur, nec tractari tunc dicuntur; si quidem tractari in disciplinis ea dicimus, quæ ut ignota quærentur. Nam si de luna demonstretur eclipsis per terræ interpositionem, solius eclipsi ea demonstratione esse dicitur, de sola eclipsi ibi agitur, non licet ibi dicere quodammodo sit doctrinæ initium, neque à qua re demonstrator incipiat. Verba quæ si respiciamus, dicere possumus, initium quòdque sumi à propositione maiore, quòdque etiam à minore: sed dum res spectamus, incongrua loquutio est, si dicamus initium sumi à medio, uel à subiecto: sed propriè dicimus fieri syllogisticum progressum à medio ad quæsitum in eodè subiecto. in ordine autem

*Defensio
secundi
argumenti
sumpti
ex initio
quinti
metaphy.*

*Declaratio
capitis
quinti
metaphy.*

*Solutio
duorum
argumentorum
aduersarii.*

B multa

multa disponimus, de quibus omnibus, ac separatim de singulis tractatio fieri dicitur, indeo ab eorum aliquo sumitur doctrinae initium. Quando igitur Aristoteles dicit principium doctrinae, de ordine loquitur, non de methodo, nisi valde inepte, & incongruè loquatur. Hoc idem adhuc efficacius declarat verba illa, Facilius addiscere, nam comparativum supponit primum utriusque comparato competere, si comparatio debeat esse cōueniens; fin minus, absurdum est loquutio; ut si quis diceret niuem esse albiorem æthiopi, qualem loquutionem Aristoteli attribuerenon as est; At si dicat, niuem albiorem pariete recte loquitur, dum modo paries quoque sit albus, quum igitur Aristoteles dicat initium doctrinae quandoque esse vnde quis facilius addiscat, statim cum de methodo loqui, sintq; in syllogismo propositiones A, & conclusio, B. & quoniam methodus semper, ac necessarium est à noto ad ignotum, oportet notum esse A, ignotum autem B. erit ergo verborum Aristotelis hic sensus; facilius discimus ab A ad B progredientes, quàm à B ad A; necesse est autem ut utroque modo discamus, si comparatiua loquutio congrua esse debeat; igitur indicat Aristoteles etiam à B ad A progredientem discere, sed minus facile; hoc tamen falsum omnino est, quoniā ab ignoto ad notum procedentes nihil penitus discimus quum igitur Aristoteles dicat, unde facilius addiscamus, si de methodo loquatur, non modo incongrua, sed falsa est loquutio: at de ordine congrua & verissima. Nam de animalibus, ac de stirpibus acturi docere possumus tum ab animalibus incipiendo, tum etiam à plantis, facilius tamen si ab animalibus ordiamur, quoniam illa, quæ de animalibus dicuntur, plantarum doctrinam faciliorem reddunt. Sed res clarissima est legentibus ea, quæ ab Aristotele postea dicuntur in eodem capite, nam haud multo post in ter alias significationes principii, q̄ ibi enumerantur, ponit Arist. principium methodi his verbis: (Præterea vnde cognoscibilis res est primum, hoc quoque rei principium dicitur, ut demonstrationum suppositiones: quæ verba ego alijs considerare neglexi, quum fieri posse non crediderim ut aliquis unquam alliceret Aristotelem in eius capitis initio de via doctrinae, non de ordine loqui; attamen quum iam sit inuentus qui id allexerit, statim etiam oportet Aristotelem in eodem capite bis principium methodi numerare, tanquam aliam & aliam acceptionem principii, quum tamen eadem sit secundum aduersarium. Sed mihi uidetur rem hanc omni ca-

rere difficultate, pater. n. Arist. in eius capitis initio loqui de principio ordinis doctrinae, postea vērò in his alijs verbis de principio methodi; quis, n. nomē principii acceptū p eo, à quo aliquis incipiat, nō cōueniat methodo, ut antea diximus, cōuenit tamen acceptum pro causa, nam propositiones sunt causæ conclusionis; significat etiam Aristoteles veram differentiam, quia methodus ab ordine discrepat, nam proprium methodi est notificare, & ex noto ducere in cognitionem ignoti, ordo autem non notificat, sed solum facit ut facilius addiscamus; nec mirum, si alliceret Aristoteles ordinem doctrinae postulare ut à facilioribus cognitu procedamus, hæc enim omnium probatisimorum auctorum sententia fuit, Plato in 2. lib. de rep. de hominis iustitia loquuturus proponit se prius de vniuersæ ciuitatis iustitia dicturum, quoniam (inquit) maior maioris subiecti iustitia est, quàm minoris, proinde cognitu faciliore; & exemplis declarat esse semper à facilioribus inchoandum, ut facilius postea difficultiorum notitiam consequamur; eaq; Platonis verba citantur, approbanturq; à Galeno in 9. lib. de Hippocr. Ac Platonis de cr. ap. 2. postquam in primo cap. dixerat Hippocratis quoque sententiam fuisse, quod à facillimis cognitu sit semper ordiendum; & loquitur manifestè de ordine doctrinae, non de via. Hoc idem legitur apud Auic. in proœmio libri sui de anima, qui sextus naturalium nuncupatur, quum enim de materia, & de forma animalium agendum esset, & animalium partes sunt materia, anima vērò forma, ipse statuit agendum prius esse de anima, quàm de partibus, nullamq; aliam huius ordinis rationem adducit, quàm quod putat sic faciliorem doctrinam fore, quoniam magis confert cognitioni animæ ad cognitionem corporis, quàm e conuerso, & inquit se hoc dicere excusationis gratia, respiciens fortasse Arist. qui hæc in re contrario ordine uti maluit prius agens de partibus animalium, quàm de anima, nec alia ipse quoq; ratione ductus, quàm doctrinae facilitate, quū, n. nec materia sit causa forme, nec forma materię, sed ambe sint causæ cōpositi, null' inter eas est necessari' doctrinae ordo, sed p varijs diuersorū philosophiā scopis, & scētis, & theorematib' fieri pōt ut duo cōtrarii ordines à duob' authorib' in iisdem rebus feruari, similiter sint ordines facilioris doctrinae ut apud Auic. faciliore sit doctrina incipiendo ab aia, apud Aristotelem autē faciliore incipiendo à materia animalis, q̄ ipse quoq; significauit in proœmio primi libri de anima, cū magna cum efficacia difficultatem tractationis de

Platonis
authori-
tas.

Galenus.

Auicennas.

tionis de anima declaravit; partes namque animi maiorem, quam corporeæ & sensibiles sint, videntur facile ex anatome cognosci posse; unde etiam facile ad cognitionem operationum ac munerum singularium, duci possumus; ideo fortasse Avicenna deceptus est, putans faciliorem doctrinam esse ordiendo ab anima, & ita cognitu difficiliorem scientiæ de animalibus tradidit; fortasse et usus est ipse quoque ordine facilioris doctrine pro theorematum ac tractationum diversitate, ut prædiximus. Hac tamen in iisdem rebus disponendis apud diversos scriptores varietas non potest in tota discipline traditione contingere, sed solum in parte, nam si naturalem scientiam & ab Aristotele & ab Avicenna & Platone in Timæo scriptam consideremus, eundem ubique ordinem habere, neque compositionum, licet in aliqua parte res aliquæ propter opinionum diversitatem variis modis dispositæ esse comperiantur. Patet igitur Aristoteli in memorato loco de ordine loqui: quod autem in 2. contextu. primi lib. phys. & in cont. 10. septimi metaph. de methodo dicat quod sit à notioribus nobis, id nobis non of- ficit, quum ibi manifestum sit eum loqui de instrumento notificante; sed non propterea sequitur quod semper loquatur de methodo, quando notat progressum à notioribus. nobis potest. alibi hoc dicere de ordine, quod sit à notioribus; quare argumentum frivolum est. Ad tertium argumentum meum sumptum ex 4. cap. primi lib. Eth. plurima ab adversario dicuntur, quæ me ad eius loci explanationem scribendam omnino cogunt, nam ipse & adversus me torquere, & solvere argumentum nititur, & multifariam etiam contra me argumentatur, quum obrem me in huius argumenti mei defensione, tum solven- tis, tum etiam argumentantis locum tenere necesse est. Primum quidem ostendo non posse contra me argumentum retorque- ri, sed contra eius sententiam esse validissi- mum; nam Aristoteles in cap. 1. & 2. eius li- bri iam initium dederat ordini resolutivo, in- cipiens ab ultimo omnium agendorum fine, & cum dari statens: deinde antequam ulte- rius progredere, consideravit in 3. cap. qualis methodus, & qualis auditor esse de- beat; postea in 4. cap. resumit considerandū finem, & cognoscendum quid sit; & in primis eius nomen, ac nominalem quandam descri- ptionem, in qua consentire omnes videntur, in medium adducit, dicens hunc finem esse felicitatem, eamque nil aliud ab omnibus ex- istimari, quam bene vivere, ac bene agere, licet de intima eius definitione plures dissen- tiant, quorum opiniones expendendas, atque

inter se conferendas proponi, sed antequam hoc examen aggrediar, digestionem qua- dam, facit de ordine, de qua nobis in præ- sentia disceptatio propoita est, nam postea statim in quinti cap. initio statuit se à pro- positio digestionem esse, & ad sermonem de fine reuertitur. huius igitur digestionis occasio nem, si consideremus, eam optimam fuisse videntibus dubitandi de ordine, sed nullam de methodo; quum enim iam ordini resoluti- vo initium dedisset, statuens dari finem om- nium agendorum, & nomen eius, non finem, declarationem proposuisset, statim animad- vertit dubitare de iisdem ordine quempiam po- tuisse, & existimare servandum potius esse or- dinem naturæ rerum, & à primis potius pri- cipis esse ordiendum, quam ab ultimo fine, quum obrem ante quam ulterius progredere- tur, voluit dubium hoc de medio tollere, & huius ordinis à se iam capiti rationem ad- ducere, & ipsius verba sensum talem signifi- care videntur. Ceterum dubitare de hoc no- stro ordine aliquis posset, idque non iniuria, nam Plato quoque de ordine in disciplinis ser- vando dubitabat, an à principis, an ad princi- pia progrediendum sit; sed ut dubitationem solvamus, dicendum est id solum esse atten- dendum, ut à notioribus incipiamus: & quia notio duplicia sunt, alia namque natura notio- ri dicuntur, alia vero nobis, non est creden- dum incipiendum semper esse à notioribus natura, servandumque, necessariū esse naturæ ordinem, sed auspicandum semper est à no- tioribus nobis, & si ea non sint notiora natu- ra, ob id nota nobis non videntur ibi esse intelligenda ea, quæ sunt opposita notis natu- ra, sed cōiter, & indistincte ea, quæ sunt notio- ra nobis, siue eadem sint & naturæ nota, siue non si quis dicat nota nobis sumi ut distin- ctæ ab illis notis naturæ, quæ nobis sunt ignota, ab his non est ordiendum. Ita igitur dubiū de ordine optime solvitur, nam inceptū quid- em est à felicitate, quæ secundum naturam ultima est, videntur. n. prima in hoc genere principia esse leges, quæ sunt causæ bonarum operationum, & hæc rursus per assuetudinem sunt causæ acquirendi habitus virtutum, qui tan- tæ sunt causæ actionū cōsequentiū, in quib. cō- stituta felicitas est; hæc igitur secūdū ipsi re- rū ordinē postrema oīum est, tñ ab hac est ex- ordiendū, quia nobis est notior, sed quō no- tior in hoc tñ sensu notior, quod ad reliquo- rum cognitionem necessaria est eius cognitio, nisi. n. prænoscatur si vis, nulla eorū, quæ ad finē ducunt haberi potest; pendet enim principio rū seu methodi cognitio à cognitione finis, sed nō cognitio finis ab illorum cognitione

*Defensio
tertii ar-
gumenti
supra ex
cap. 4.
primi li-
bri ethi.*

eadē dicitur distincta, & cū eo genere perfecta cognitio, ut ante declarauimus, et si ordinē naturę non seruat. itaq; tantū abest ut argumentum meū possit contra me retorqueri, ut potius hac ipsa ratione, q̃ Aristoteli in initium dederat ordinis resolutiuo, ostendatur ipsum de solo ordine in ea parte loqui, quia continuatio aē series uerborum hoc aperte demonstrat, uerba quoq; hoc idem testantur, nam inquit Arist. esse incipiendum à notis, nos aut iam diximus uerba, incipere, soli ordini conuenire, non methodo. Considerandū p̃terea est id, qd Arist. dicit, Platonē de hoc rectē dubitasse, quum .n. hac uerba non de sola ciuili disciplina traditione, sed de oib⁹ generaliter & absolute proferantur, ut precedentia declarant, certē de methodo puerilis fuisset Platonis dubitatio, quū .n. clarū oibus sit utraq; methodū dari, & modū necessariū ēē in disciplinis altera uti, mō reliqua, uanū erar dubitare utra methodo in disciplinis utē dū sit, idcirco solutio quoq; dubiū ab Arist. adducta ridicula esset, nam ipse quasi magnū quid, ac reconditum adducit inueniens esse incipiendum à notis; at quis est, qui ignoret, omnem methodum progredi à notis ad ignota? uana igitur fuisset tūm Platonis dubitatio ab Arist. approbata, nūm ipsius Arist. solutio non sic fit de ordine loquatur, existimare .n. quispian poterat unum quendam esse certum ordinem, qui in omni disciplina seruandus sit, eumq; semper esse debere ordinem illum, qui in rerum generatione seruatur, & ita ordiendum semper esse à principiis? contrario autem uidentur quandoque principia ignota proponi nec posse innotescere, nisi ex aliorum posteriorū cognitione: ideo iurē dubitauit Plato an à principiis, an ad principia progrediendum sit; sed Aristoteles dubium soluens inquit esse semper à notis nobis auspicandum, etiam si quandoq; non sint nature nota, quasi dicat modū uñ ordinem, modū alterum pro occasione seruandum esse. Valeret etiam plurimum ad huius sententię comprobationem consideratio eorum, quę de methodo in tertio atq; in sept. cap. eius libri, & deinde in secūdo scū dū ab Arist. dicitur, Primū qdē, quia in nullo horū locorū de methodo statuitq; debeat p̃gredi à notis, hoc .n. ita euident est, ut nulla declaratione indigeat, clarissimū .n. oibus est quod omnis methodus in qualibet disciplina seruatur à notis, quam progrediendi uiam iam ipse Arist. in 1. contextu primi phys. dixerat esse nobis naturaliter instam. Priore ita in 3. cap. statuerat quia methodo utendum sit, non poterat amplius in quarto can-

dem rem ut dubiam proponere, & præsertim quia si in cap. 3. dixerat non esse utendum exactis demonstrationibus, sed pingui Minerua res. declarandas, silem demonstratione à priori his uerbis exclusa erat, quomodo igitur in 4. cap. dubitare potuit an utendum sit demonstratione à priori, an demonstratione à posteriori? At inquit aduersarij, Aristoteles dicit μέθω, significat igitur methodos; nam methodus uocatur proprie ratio; ordo autem non dicitur ratio; quod quidem argumentum uulius rebotis est, uim, quia falso negatur ordinem esse rationem, quum Aristoteles 8. phys. contextu 1. 5. aperte dicat, omnis ordo est ratio; uim etiam quia nomen Græcum μέθω non solum rationem significat, sed etiam orationem, siue sermonem, in qua significatione sumitur in illo 4. cap. non .n. significare uult Aristoteles syllogismum, siue argumentationem, sed tractationem, totam de re aliqua; idq; respexisse ibi uidetur Latinus interpret uertens, disputationes, ita ut sensus uerborum Aristotelis sit, Differunt sermones dispositi ordine compositiuo, & dispositi ordine resolutiuo. Notat etiam aduersarij in dictis meis contradictionem, ego enim dixi ordinem respicere solam nostram distinctam cognitionē, & quādoque non sequi ordinem nature, quæ duo simul consistere, nequeunt. Sed hoc nihil est, nam paulō ante demonstrauimus non p̃gnare inter se hæc duo, quia etiam nature ordinem non seruando, distinctam cognitionem, & in isto genere perfectam acquirere possumus. Tandem considerabat sequentia. Arist. uerba, quando inquit, Bene moribus institutum esse debere eum, qui de rebus ciuilibus sit conuenienter audisurus, principium .n. est quod res sit, idq; si constiterit, non est opus querere cur sit; & qui euasmo de eis uel iam habet, uel accipere principia facile potest; cui uerō neutrum horum adest, sit audiatur Hesiodum, cuius carmina ibi ab Aristotele referuntur. Hæc, omnia (inquit ille) aperte conueniunt methodo, non ordini, quia recta iuuenū educatio congruensq; assuetudo facili tantum apprehensioni, & assensionis cōducit; ego uerō nō uideo cur de ordine ea oīa dici nō possint, p̃terea de resolutiuo, de quo peculiariter loquitur ibi Arist. nō si oīs ordo sit ab iis notioribus, quorū cognitio ad reliquorū notitiā cōducit, certē de omni ordine dicere possum⁹ q̃ auditor debet asserere primis cognitionis principijs, ut ei facilius ad reliqua adu⁹ pateat, quoniam si ignota eis alia uel nullo modo, uel nō facile cognoscipossunt. sed de ordine disciplinæ ciuili resolu-

oīa notia
in 12222
oīa notia
in 12222
oīa notia
in 12222
oīa notia
in 12222

quo res clarissima est, ac de illo ibi Arist. loquitur, postquam generaliter de omni ordine dixit, esse semper à notis nobis incipiendum, colligit de ordine civilis discipline verba illa, quæ modo retulimus, quum enim à fine auspicandum esse dixisset, eumque esse felicitatem, & considerandum proposuisset quid sit felicitas, opportunissime subiungit auditorem huius facultatis debere esse moribus bene institutum, ut in definitione felicitatis, quæ adducenda erat, acquiesceret. Quum namque sint & contrariæ de felicitate sententiæ, alii namque in voluptate, alii in honore, alii in virtute ipsam collocabant, statuendum ante omnia erat in quoniam humana felicitas constituta sit, ut ad hunc finem omnia dicenda dirigerentur, aliam enim civilem disciplinam Epicurus, aliam Stoici, & aliam alii scripsissent, quoniam igitur Aristoteles non exquisivit de hac re disputaturus erat, sed leuibus & communibus argumentis aliorum de felicitate sententiis reprobaturus, suamque sine ulla probatione propositus, ideo iurè protelatur, auditore talibus moribus esse debere, ut huic finis constitutioni assensum præbeat; quia nisi hoc faciat, nullus ei ad hanc disciplinam aditus esse potest; adde quod magna hominum pars uel ætate, uel moribus iuuenes sunt, quibus non satis credibiles esse solent conditiones felicitatis ab Aristotele proponende, sed efficacem demonstrationem exquirunt, qua ostendatur cur ita sit: at ille, qui moribus bene sit institutus, facili assentiet; uel enim per se ipse felicitatem eiusmodi esse non ignorabit, uel alii persuadenti fidem adhibebit, credetque ita tem se se habere, nec quæret cur sit, quisquis autem neque per se id noscat, neque admonenti assentiat, iuuenis prorsus est huius facultatis auditor iuxta illos Hesiodi uersus. Itaque clarum est Aristotelem in ordinis consideratione persistere, quum in eius cap. initio inquiram esse finis definitionem proposuisset, deinde statim in initio sequentis capitis eam indagare aggreditur, loqui enim de notionem finis, quæ totius discipline principium est, est loqui de ordine resolutionis. Hec igitur omnia sententiæ nostræ apertissime suffragantur, quum enim tam methodus, quam ordo sit à notioribus nobis, iure Aristoteles & in 3. cap. de methodo, & in 4. de ordine loquens eandem sententiam proferre uoluit de auditoris assensu, qui & ratione methodi, & ratione ordinis necessarius est, hoc autem apertissime confirmant uerba Aristotelis in quinto cap. sexti libri, ubi loquens de fine scientiæ moralis, qui est principium cogniti-

tur [Principia autem agendarum rerum sunt id, cuius gratia res aguntur, illi autem, qui aut uoluptate, aut dolore corruptus est, principium statim non apparebit, & eius causa, & ob ipsum omnia eligenda, & agenda esse, uerum enim huiusmodi est, ut principium corrumpat.] uerba hæc omnia nemo, nisi expeirationis, de ordine dicta esse inficiabitur, quocirca Aristoteles dicit neminem posse huic fini, & eius definitioni assensum præbere, qui uitio sit corruptus, proinde bene moribus debere esse institutum, quod hic quoque dicit, sicuti igitur de ordine ibi loquitur, ita etiam hic. Hoc idem significant uerba Arist. in cap. 7. primi libri, quando inquit principia alia inductione, alia sensu, alia assuetudine comparari, inhiit. n. principia cognitionis discipline moralis acquiri assuetudine, per hæc enim sit bona morum conformatio, qua qui est præditus, assensu definitioni felicitatis, creditque eam esse summum hominis bonum, sed res ita clara uidetur, ut omni difficultate careat. Ad omnia Aristotelis loca à me adducta, ubi Aristoteles uidetur naturæ ordinem spreuisse & sequutus esse ordinem facilioris cognitionis, ipse duas assertiones, quoniam inquit id fieri tardè, & per accidens, quoniam ibi nullus est necessarius ordo, quare ille ordo, qui tunc seruatur, non est absolute rectus ordo, sed ordinis prætermisio ob aliquam occasionem, quod quidem in sensibus euenit; quoniam nam in eis ordo non est necessarius, potuit Aristoteles incipere à uisui. Secundo dicit etiam in sensibus seruatum esse ab Aristotele ordinem naturæ, nam etiam ordo perfectionis est ordo naturæ, secundum quem uisus primus est, tactus uero postremus. Prior solutio confutatione non eget, quoniam aduersarius hæc dicens suam ipse sententiam euertere uidendum est in primis quem ordinem dicat necessarium esse, uel non necessarium, duo namque ordines nunc in considerationem cadunt, unus rerum prout existunt, isque dicitur ordo naturæ, alter cognitionis earundem rerum, qui dicitur ordo doctrinæ, quem ille ait esse imitatore, ordinis naturæ, uel igitur ipsum rerum ordinem inquit non esse quandoque necessarium, uel ordinem doctrinæ, ut quæ dicit non esse in sensibus ordinem necessarium, uel intelligit in sensibus prout sunt opera naturæ, uel prout discendi gratia in scientia naturali tractantur: si ipsorum sensuum ordinem non necessarium esse dicat, fallitur, quia dum rem ipsam spectamus, apparet summè necessarius esse ordo sensuum, in natura, uisus non ponit necessario tactum, sine quo esse nulla

*Defensio
argumenti
sumpti
ex plurima
lo-
corum
Aristotelis
observatione.*

*Impugnatio
prioris
solutionis.*

esse nulla ratione potest; contrā verò tactus potest esse sine visu, quare prior secundum naturam est tactus visu, idq; ordo necessarius est. videmus etiam in eodem animali primam omnium esse operationem tactus, secundam gustus, postremam visus; plura enim sunt animalia, quæ post ortum multos dies viuunt sine visu, quum tamen statim ortantur, deinde paulò post etiam gustent, quare aliorum quoque duorum sensuum credendum est aliquem esse necessarium naturæ ordinem. ipsius itaque naturæ ordo in sensibus necessarius est. sic etiam in omnibus effectibus naturæ ordinem esse conspicimus; quum enim natura ab imperfectioribus ad perfectiora progrediat, priores generatione sunt stupres animalibus, & inter hæc bestię hominē, quem ordinem etiam à conditore universi seruatum esse constat in prima rerum creatione. Quoniam igitur quisquis in rebus naturæ ordo statuatur, is naturalis ac necessarius dicendus est, restat ut ordinem solum doctrinæ dicat non esse quandoque necessarium, idq; aperte videtur asserere in calce capitis sui 19. quum dicat alterum ordinem esse non necessarium, nec semper respondere naturæ, sic enim opponit ordinem non necessarium ipsi ordini naturæ. Sed quomodo hoc dicere possit non video, sic enim propriam ipsi opinionem euertit, nam si essentiam ordinis in hoc constitutam esse putat, ut imitetur naturam, idq; ipse in definitione ordinis doctrinæ ponit, hæc debet esse ordinis conditio immutabilis, & ab eo inseparabilis, quemadmodum enim ridiculus esset ille, qui definiens hominem diceret hominem esse animal rationis particeps, contingere tamen raro, & per accidens ut homo non sit animal; ita etiam vanum est definire ordinem doctrinæ per imitationem naturæ, eamq; dicere primariam esse differentiam, primariumq; ordinis finem, & dicere ordinem quandoque non imitari naturam; cur enim non imitatur naturam si iam in ipsa natura ordo aliquis inest, idq; necessarius? nam hoc ipse constituitur, dum dicit eum non esse rectum ordinem, sed ordinis prætermissionem: sic enim asserit iam in rebus ordinem inesse naturalem, in doctrina tamen hunc prætermitti, & alium seruari, qui rectus non est res certè admiratione digna hæc est, quòd in doctrina ordo possit rectus seruari (seruari enim potest, dum aliquis in rebus inest) alius tamen, qui non est rectus, seruatur. Sed quoniam non videat viuum hunc eruditissimum ueritate coactum in meam, quam improbat, sententiam venire? Dari enim ordinis natu-

ræ prætermissionem cōcedit, eamq; fieri propter doctrinæ difficultatem, & pp nostrum cognoscendi modum, & talem tunc ordinem seruari, qui non respondeat naturæ, ergo qñ facilius doctrina, & ordo naturæ pugnant inter se, non inficiatur sperni naturæ ordinem, & alium seruari propter facilitatem cognitionis; hoc autem dicere, est etiam confiteri qd quando naturæ ordo seruatur, ille idem est & mul ordo facilioris doctrinæ, nam si non esset, deberet ob eandem rationem prætermitti ordo naturæ propter nostrum cognoscendi modum; itaque ordo facilioris doctrinæ, ipso concedente, semper seruatur, nonquàm spernitur pp ordinem naturæ; at contrā ordo naturæ non semper seruatur, quis quandoque contemnitur pp illum. Cur et doctrinæ ordo alius sit necessarius, alius non necessarius, nullo ab eo assignari ratio potest, omnis n. naturæ ordo, qui rebus attribuitur, necessarius est; vñ prædiximus, quum sit naturalis ordo et doctrinæ, si eius essentia est in hoc constituta, ut sit imitatio ordinis naturæ, eadem tenetur necessitate, ubi in rebus aliquis naturæ ordo notari potest. at si ad nostram cognitionem cōfugiamus, eamq; fateamur esse rationem primariam ordinandi oēs disciplinas, easdem facili adducimus cur inter aliqua sit certus quidā necessarius ordo, inter aliqua verò nō necessarius, sed solum utilis, ac demū inter aliqua nec necessarius, neque utilis, sed arbitrius, ut antea declaratum est. Pater itaque uiam esse priorē huius viri solutionē. sed altera quoque uana est, & à nobis antea reprobatā, ostendimus. tactū quidē esse priorē naturæ uisū, non tñ uisū naturæ priorē tactū, quantum perfectione sit prior. Considerandum manet postremū argumentū meum, qd ille tūm duobus modis contra me retorquere, tūm soluere nititur, ut antea exposuimus. solutio prima infirma & uana est, q. n. dicat, naturam & componere, & resolui, & natura priora duplicia esse, alia generatione, alia uerò intentione; hoc certè nihil est, nam si nil aliud in ordinando spe damus, quàm ut naturam imitemur, nulla est ratio cur componentem potius, quàm resolutiuentem imitari debeamus, quum eque utrūque sit naturam imitari; at (inquit) uno potius, quàm altero modo imitatur naturam, pro diuersis institutis nostris, uariisq; occasionibus; quid aut aliud est hoc (querit) quàm ad nostrā faciliorem cognitionē confugere et nolentem, & ab ipsa rei ueritate coactū nullā esse potest occasio, nisi facilior cognitio nostra, quàm respicientis modū hoc, modū illo ordine omittitur. Ad priorē aut argumenti retorsionē primam dico uanum esse in præ-

sentia con-

*Repugnā
tie in di
ctis ad
uersariū.*

*Impu-
gnatio se
cunda so
lutionis.*

*Defensio
postremi
argumen
ti.*

*Responsio
ad pri-
mam ar-
gumentū
retorsio-
nem.*

sentia considerare ordinem inter scientias diuersas, qua de re potius silius loquemur in considerata ordinis definitione, sed, ut concedamus processum à phisicis ad metaphisica esse ordinem illum, de quo nunc sermo est, d co eum esse iuxta nostram cognitionem distinctam, dum enim distinctam cognitionem intelligimus eam, quæ in suo genere perfecta est, cerè quando assequuti sumus scientiam rerum naturalium, & ad super naturales progredi volumus, res naturales iam distinctè cognouimus, si philosophia naturalis est scientia contemplatiua, quæ effectus naturales per eorum causas demonstrat: sic igitur ad supernaturalia progredimur ex naturalibus distinctè nobis cognitis, non confusè, quanuis enim pendeant res naturales à causis supernaturalibus, illæ tamen causæ sunt extra genus, & extra limites scientiæ naturalis, quare non est necessaria earum cognitio ad habendam rerum naturalium scientiam in suo genere perfectam atque distinctam; ob id & si progressus à phisicis ad metaphisica est à posterioribus ad priora, nullum tamen ob id assertur impedimentum, quò minus distinctam assequamur cognitionem tum naturalium rerum, tum diuinarum. firma igitur sententia nostra manet quòd ordo semper respicit nostram distinctam cognitionem; nec obstat id, quod Aristoteles dicit in quarto cap. primi libri ethicorum, iam enim locum illum interpretati sumus, & ostendimus omnem ordinem dirigi ad cognitionem nostram distinctam, non tamen omnem ordinem esse à notioribus secundà naturam: datur enim distincta cognitio, i-dest in suo genere perfecta, quæ non sequitur ordinem naturæ rerum, sed contrarium. Ad alteram quoque retorsionem responsio patet ex iis, quæ tum supra, tum in primo libro nostro de methodis dicta sunt, quando enim contingat ut duo sint æquè ignota, & neutrius cognitio conferat ad cognitionem alterius, tunc liberum esse diximus scribentis arbitrium, qui potest vel naturæ ordinem, vel perfectionis, vel aliquem alium arbitratu suo seruare, sed non ob id sententia nostra labeſcitur, quia si dici non potest ordinis cognitionis contemni propter ordinem naturæ, sed quom nullus ibi adit cognitionis ordo, qui nos ab altero exordiri cogat, possumus æquè ab utrolibet auspiciari, hoc igitur ad nostram sententiam impugnandam non satis est, sed quemadmodum nos aduersus eius dogma ostendimus edesse quandoque ordinem naturæ manifestum, eum tamen spèrni, & seruari ordinem cognitionis, ita

ipse quoque deberet ostendere, quòd, ubi adest ordo melioris vel facilioris cognitionis, is à nobis spernatur aliquando propter ordinem naturæ, hoc enim ipse nunquam ostendet.

CAPIT SEPTIMUM.

Responsio ad obseruationes locorum Aristotelis ab aduersario adductas.

R Eliquum est, ut ad ea omnia, quæ ab aduersario contra nos adducta sunt, respondeamus. Primum attulit multa Aristotelis loca, in quibus Aristoteles proficitur se ordiri ab iis, quæ sunt prima secundum naturam, & ita ordinem naturæ seruare; Ad quæ omnia multiplex potest esse responsio. primum quidem dicere possumus id, quod antea declarauimus, Arist. quandoque seruare ordinem naturæ, quatenus est ordo naturæ, quoniam ibi nullum cognitionis ordinem seruare poterat dicere etiam possumus Aristotelem significare id, quod ego in cap. 10. primi lib. de methodis declarauimus, nempe naturam rerum non prout sunt, sed prout à nobis cognoscende sunt; hæc enim requiritur ut de hoc prius agatur, de illo autem posterius, sed singula illa loca considerantibus manifesta res erit, quæ enim in quibuscumque sic per se clarissima, ex iis alia quoque loca, quæ obscuriora sunt, illustrabuntur, siquidem in omnibus credendum est eandem philosophi mentem extitisse. Primus asseratur locus ex initio primi lib. elench. quem aduersarius minime asserere debuisset, nisi forte & me & omnes alios homines cecos putauit, qui locum illum, & uerba Arist. sequentia legere, nequeamus; uel ita ignaros, ut ea non intelligamus; postquam enim Arist. dixit incipiendum esse secundum naturam à primis, videndum est quænam sint illa prima, à quibus statim exorditur, non sunt .n. alia, quam principia cognitionis, quæ vocat prima secundum ordinem cognoscendi; quoniam à reliquis, quæ tractanda sunt, præsupponuntur, etenim statim docere incipit syllogismorum alios esse reuera syllogismos, alios uideri quidem, non tamen esse, idq; postea declarat exemplo plurimum aliarum rerum, quæ uel ita reuera sunt, uel esse uidentur, nec tamen sunt, ut eo in loco legere possumus; ab hac autem propositione nota auspiciari neq; est seruare ordinem naturæ generantis, neq; ordinem perfectionis, seu intentionis, quia non est incipere ab aliqua re, quæ prima uel ultima secundum naturam.

Responsio ad secundam reſpōſionem.

Responsio ad uerba Arist. in primo elench.

naturam dici possit, sed solum à propositione manifesta, quæ principium cognitionis est: ideo Auerroes ibi horum verborum sensum his verbis refert [Nos autem incipimus speculationem huius ex principiis notis secundum naturam in hoc genere] intelligit enim prima secundum cognitionem, ut diximus, & clarius res est, quam ut pluribus verbis indigeat. Ad alium locum ex initio tertii libri

*Responsio
ad verba
Arist.
tertiū li-
bri rhet.*

rhetoricorum Arist. dicendum est id, quod in precedentibus sæpe diximus, non satis esse ostendere Arist. se scire uelle ordinem naturæ, sed ostendendum erat negligi ordinem facilitioris cognitionis propter ordinem naturæ, quod quidem aduersarius non ostendit: nos autem iam diximus euenire quandoq; ut nullus adsit ordo cognitionis uel melioris, uel facilitioris, qui seruari possit: & tunc auctorem arbitrari suo seruare quemcunque ordinem uoluerit. Certum autem mihi est, quod si Aristoteles existimasset illa, quæ secundum naturam prima uocat, facilius cognosci posse ex aliorum posteriorum cognitione, absque dubio ab his posterioribus incepisset.

*Responsio
ad cont.
57. primi
libri phy.*

Tertius asserebatur locus ex cont. 57. primi phys. quæ clarissimus omnium est, quum enim ibi Aristoteles dicat, esse secundum naturam, ut prius communia dicamus, postea uero particularia contemplerur, neminem latere deberet, philosophum ibi naturam non rerum, sed nostram intelligere, de nobis enim loquens inquit naturale uobis cognoscentibus esse ut prius ea, quæ communia sunt, tractemus, postea uero ad propria descendamus, siquidem cognitio uiuersalium maxime confert ac necessaria est ad cognitionem particularium obtinendam. De hac natura nostra loquebatur etiam Aristoteles in 1. cont. eiusdem libri, dicens insitam in nobis naturaliter esse uiam hanc, quæ est à notioribus nobis ad ignotiora; & quanuis de uia doctrinæ ibi loquatur, illud tamen verum est etiam de ordine, hæc enim est natura nostrum cognoscendum, ut tunc in uia doctrinæ ex notis ignota notificemus, tunc in doctrinæ ordine ea anteponamus, quæ quod notiora, uel faciliora cognita sunt, ad reliqua illustranda conferre, & planiorem ad ea declaranda uiam reddere possunt. sed hoc quoque argumento demonstratur Aristotelem ibi ipsam rerum naturam intelligere nullo pacto posse, quod communia & uiuersalia sunt ignota naturæ, quum natura nihil esset nisi particularis, sed opus nostrum sunt, & nobis notiora, non natura, quoniam in natura nullum reperitur uiuersale, quod de pluribus prædicetur; hoc autem ita egregie,

& ita dilucide exponitur ab Auic. in primo lib. suæ sufficienciæ cap. 1. ut neque clarius ex poni, neq; exquisitior ad eum Aristotelum declarandum commentarius desiderari possit. Verba autem Arist. in primo cap. libri de sensu & sensibilibus non uideo contra meam sententiam faciant. quum enim dicat Aristoteles, (de reliquis agamus, & primum de primis) si aduersarius hinc tale consequens inferri putat, ergo spreto ordine cognitionis seruat ordinem naturæ, inefficax prorsus argumentum est, nam quandoque prima uocat ratione cognitionis, non ratione rei, ut antea notauimus: quod si etiam diceremus prima ibi uocari secundum rem, adhuc ratio friuola est, nam etiam in initio primi phys. ait quæ à principis esse auspicandum, tamen alio locus ille nobis refragetur, ex his, quæ alibi diffusè diximus, cognosci potest; à primis enim auspicandum esse dicit, quoniam ex eorum notitia cognitio aliorum pendet, propterea animaduertere semper debent illi, quitalibus argumentis nituntur, pro eis non facere quod Arist. dicat auspicandum à primis, uel seruandum esse ordinem naturæ, si quidem nos quoq; aliter in ordine compositi uo seruari magna ex parte ordinem naturæ generant; ut tamen ratio huius est nostra melior cognitio, nam ut plurimum ordo melioris doctrinæ insequitur ordinem naturæ, & hic illius gratia seruatur quando seruatur; quandoque tamen contrarii sunt, quare tunc non seruatur ordo naturæ. Hæc omnia dicere uolui, ut ostenderem huius argumentationis infirmitatem, ueta tamen eius solutio, & cur Arist. ibi dicat ordiendum à primis, legatur in postremo cap. primi nostri libri de methodis. Expendebat etiam uerba Aristotelis secundo de generatione animal. cap. 4. Quæ nos dicimus esse interpretanda iuxta alia similia Aristotelis uerba in sexto cap. primi libri de historia, ubi dicit, esse primo locogendum de partibus hominis, quia nobis notiores sunt, & ex his facilius cognoscemus partes ceterorum animalium; quare hic quoque dicit, hominem esse primum cognitione, quia ad reliquorum notitiam eius cognitio conduci, & rationem asserit, quia perfectum, distinctiora enim omnia sunt, meliusq; distinguuntur in animali perfectiore, proinde distinctissima in homine. Sed mirandum profecto est quomodo uir hic eruditissimus non uiderit magnam difficultatem, quam maxime quidem uidere, ac soluere debuit, nam ipse fatetur duplicem esse ordinem naturæ, unum generationis naturæ, alterum intentionis, seu perfectionis, quocirca & illud, quod om-

*Responsio
ad uerba
Arist. ex
libro de
sensu &
sensibilibus
cap. 1.*

*Responsio
ad uerba
Aristote-
lis ex 2.
de ge. an-
im. cap. 4.*

quod omnium perfectissimum est, & illud, quod imperfectissimum, alia & alia ratione dici potest primum; igitur considerandum est quō Arist. suam hanc argumentationem ab hac obiectione uindicaret, Tu dicis ab homine esse ordiendum, quia est primum secundū naturā; acqui eodem argumento ostenditur incipiendum esse ab animali imperfectissimō, quia hoc quoque alia ratione est primum secundum naturam, ideo nullam habet necessitatem ratio sumpta à primo secundum perfectionem, quum possit eadem ratione ostendi, illud idem debere esse ultimum, si quidem primum perfectione est origine ac generatione ultimum augeatur autem difficultas, quōd uidemus Aristotelem variis in locis modō exordiri à primo secundum originem, modō à primo secundum perfectionē, quid igitur causē est cur modō ab hoc, modō ab illo auspicari uoluerit, nec semper eā dē normam seruauerit? certē nulla alia afferri potest, quā melior, uel facilior cognitio nostrā; quandoque enim facilius, aut melius discimus ordiendo à perfectioribus, quandoque uerō ab imperfectioribus, idq; ipse aduersarius uidetur inuicem confiteri dum inquit ordinem naturæ quandoque sperni propter aliquam occasionem; at exprimat obsecro quænam sit hæc occasio, nam si ea plurius æstimatur, quā ordo naturæ, cui præferatur, certē in ea potius consistere uideatur essentia ordinis doctrinæ, quā in ordine rerum naturalium sed tandem ueritate coactus id expresse consistetur in cap. 19. dicens ordinem doctrinæ quandoque variari, nec respectu ordini naturæ, idq; ob nostrum cognoscendi modum; ergo scatur nostrum cognoscendi modum præferri ordini naturæ, & significat naturæ ordinem, ideo seruari, quia non est contrarius nostro modo cognoscendi, quum concedat ordinem nostræ cognitionis præferri, quando illi contrarius esse, reuera enim ordo naturæ, qui seruatur in ordine scientiarum compositiui, est ordo naturæ generantis, eo nanque ordine, quo natura res generat, cognoscendæ etiam ut plurimū res ipsæ sunt; sed quandoque secus euenit, quare tunc naturæ ordo negligitur. Ad hanc autem ueritatem comprobandum clarissimè facit locus apud Aristotelem in quinto lib. de histor. animal. cap. primo, ubi totam illam, quam diximus, difficultatem soluit, ipsamq; aduersarij de ordine sententiam prorsus euerit, ut credibile sit, ab eo locum hunc animaduersum non esse. Inquit in eius libri initio Aristoteles se de partibus animalium in præcedentibus egisse, restare

autem de animalium generationibus loqui, & esse similiter ordiendum à primis, sed postea subiungit, se non amplius incœpturū esse ab homine, ut antea in partium consideratione fecerat, immo de homine se postremo loco sermonem facturum, quōd hominis generatio longam & prolixam tractationem requirat; hæc est occasio uariandi ordinem, facilitas doctrinæ: nam in 6. cap. primi libri loquuturus de partibus dixerat ordiendum esse à partibus hominis, quia notiores sunt, ut per eas facilius ad aliorum animalium partes cognoscendas ducamur; hic autem de generatione uerba facurus inquit ad postremum locum remittendam esse hominis considerationem, quōd multas habeat difficultates, proinde longa oratione indigeat; nam (ut in secundo lib. de rep. inquit Plaro) nil magnum facile eorum autem, quæ facilia cognita sunt, breuis solent esse tractatio. Res certē clara est, & indigena, quæ in controuersiam arduatur, nam dicunt philosophi omnes nullam posse, ab agente, equali actionem provenire, æquè mouemur à primo origine ut ab ipso ordiamur, æquè à primo perfectione, si æquè uterque est ordo naturæ, nosq; nil aliud spectamus, quam ut naturæ ordinem imitemur; aliam, igitur esse rationem oportet, cur modō hunc, modō illum sequamur, quam credidit, ille se idoneam attulisse, rotamq; difficultatem soluisse dicendo eam esse occasionem, sed quænam sit, occasio, immo quæ esse possit, iam dictum est, non est quōd in re manifestissima amplius immoremur. Quod autem Aristoteles dicitur secundo de partibus animal. cap. 10. ab homine auspicandum, quia maximè omnium est particeps diuinitatis, & quia externarum partium forma est notissima, ita intelligendum est, ut rationem primariam esse uelit hanc, quia forma externarum partium notissima est; nam si sola illa sufficeret, quia est maximè particeps diuinitatis, ea ratio semper uigere debuisset, & semper ab homine auspicandum fuisset, quod tamen non fecit, ut ipse asserit in primo cap. quinti libri de historia. Postremus locus considerandus relinquitur, qui est in secundo lib. de anima context. 34. ubi Arist. dicit, esse primo loco agendum de facultate animæ uegetali, quia hæc prima & communissima omnium est; non dicit, quia prior aliis, sed uerba hæc sententiā aduersarij maximè cōprobarent, si ipse alterū saltē horū duorū ostendisset, aut cognitionem partis uegetalis conferre ad cognoscendā

Consideratio cap. 10. lib. 2. de partibus animal.

Responsio aduersarij Arist. lib. 2. de ani. com. sec. 34.

C partem

Consideratio primi cap. lib. 1. de hist. ani.

partem sensibilem, aut è contrario hanc ad illam; nam si notior facultas sentiens extitisset, Aristoteles partem vegetalem anteponebat utique significasset se posthabito cognitionis nostræ respectu solum naturæ ordinem sectari voluisse, si etiam cognitio partis vegetalis faciliorem redderet cognitionem partis sentientis, Aristoteles non hanc huius ordinis rationem adducens, quod notior; sed quod prima, & maxime omnium communis, iidem significasset se non cognitionis, sed naturæ tantum ordinem respexisse. neutrum tamen horum ostensum est, nec ostendi potest; nam si facultas sensibilis nobis prodesset ad vegetalem melius cognoscendam, absque dubio Aristoteles vegetali sentientem anteposisset, quemadmodum etiam intelligentem præposuit mouenti, quæ tamen ratione communis anteponi debebat; uidit enim ad bene cognoscendam uim morticem necessarium fuisse ut facultas intelligens declarata prius, & cognita esset: igitur sicut ibi ordinem communis peruertit propter nostram cognitionem, ita hic quoque eum peruertere non dubitasset; quamobrem cognitio facultatis sentientis ad vegetalem cognoscendam nihil conducit; sed neque vegetalis confert ad cognoscendam sentientem, ut in earum tractionibus uidere est; nullus igitur spernitur cognitionis ordo, quum nullus adsit, nullus etiam alius est, qui in contrarium urgeat, ideo naturæ ordinem seruare Aristoteles uoluit tanquam consonum ordini totius scientiæ compositiuo, quem ab initio seruare statuerat; id enim semper notare & clarissimum inspicere possumus, Aristotelem nunquam in scientia naturali seruasse ordinem contrarium, qui perfectionis dicitur, nisi quandoque propter faciliorem nostram cognitionem; nam ubi cognitionis ratio nulla adest ipse in ea scientia semper ordinem seruare naturæ generantis, si seruari potest; si uero neque hic adest, quod enenit in illis, quæ eiusdem gradus, & æqualia esse uidentur, tunc seruare potest ordinem perfectionis, seu aliquem alium; hæc enim omnia arbitraria sunt, ut in 9. & ultimo cap. primi libri de method. dicebamus.

CAPIT. OCTAVVM.

Responsiones ad argumenta aduersarij.

Argumenta quoque ab aduersario adducta leuia sunt; eorum primum erat, ordo est ipsa rerum natura, atqui scientiæ sunt res ipsæ per

repræsentationem, ergo debent eundem seruare ordinem, quem res habent. Non dissimile est id, quod alio in loco ab aduersario dicitur, Res ut se habent ad esse, ita etiam ad cognosci, ergo quo ordine sunt, eodem etiam cognoscendæ sunt; nullus est igitur alius doctrinæ ordo, quam ordo naturæ. Ad hoc dico aliud esse ordinem rerum, qui nobis ut res quædam cognoscendus proponitur, aliud esse ordinem, qui instrumentum est nostræ cognitionis; de ordine quidem rerum, naturali uerum est id, quod dicitur, ordinem esse ipsam rerum naturam, ideoque necesse est, ut qui rerum cognitionem querit, non alium cognoscat esse rerum ordinem, quam eum, quem res ipse habent: potest tamen, alio ordine ad rerum cognitionem peruenire. argumentum igitur nil aliud probat, quam quod ordo rerum cognoscendus à nobis non debet esse alius, quam qui re uera in rebus est: at non probat quod idem esse debeat ordo, qui est instrumentum nostræ cognitionis, exempli gratia, ordo naturalis insensibilis est ut tactus sit primus, & uisus postremus, ideo ille, qui sensus cognoscere uult, debet etiam cognoscere ordinem hunc, quem habent, quia si alium putaret esse ordinem sensuum, deciperetur, nec rem cognosceret eo modo, quo est alio tamen uti ordine potest ad eorum notitiam indagandam, ut apud Aristotelem in secundo lib. de anima uidere est, ex iis enim, quæ de sensibus ibi dicuntur, cognoscimus rerum ordinem sensuum, & tactum esse omnium primum secundum naturam, alio tamen ordine nobis Aristoteles ipsorum sensuum cognitionem tradidit, quom ordiatur à uisu. Quod si aduersarius ab ordine rerum ad ordinem cognitionis illationem facit, negandum est consequi: quare argumentum captiosum est. Non minus captiosum est secundum, ordo à methodo distinguendus est, ergo quum methodus sit à notioribus nobis, non debet ordo esse à notioribus nobis. simile huic argumentum esset, si quis diceret, distinguatur homo ab equo, & equus est animal, ergo homo non est animal, est enim paralogsimus ex minore negatiua in prima figura. Differunt quidem homo & equus, sed non in hoc, quum uterque sit animal; ordo autem, & methodus in quo differant, iam in primo libro de methodis dictum est, etenim cum in aliis differunt, tum in hoc ipso, quod alio modo ordo est à notioribus nobis, alio methodus. Tertium argumentum nihilo magis, quam ea, quæ soluiimus, efficax est. Duplex datur ordo in natura, unus compositionis, siue originis, alter resolutionis,

Ad primum argumentum.

Ad secundum.

Ad tertium.

solutionis, siue intentionis, ergo quum in disciplinis quoque emanant hiduo ordines,ambo naturam sequuntur. Argumentum hoc id tantum probat, tot ordines dari in disciplinis, quot existunt in natura; natura enim uel compositi, uel resoluti, quare nullus alius in disciplinis ordo præter hos duos seruari posse uidetur, ut etiam Aristoteles, primo ethic. cap. 4. significauit dicens uel à munerariis ad metam, uel à meta ad munerarios esse procedendum. Dico igitur argumentum hoc ad probandum solummodo numerum ordinum pertinere, sed ad id, quod aduersarius uult, nullius esse momenti, non enim propterea fit ut in tradenda alicuius rei cognitione debeamus eodem uti ordine quem natura in ea se seruat; oporteret enim semper duos simul ordines in singula disciplina seruari, siquidem natura quoque duplici ordine utitur in singulis, tamen quælibet disciplina tota unum tantum ordinem habere dicitur, non duos; discrimen autem in hoc consistit, quòd natura in qualibet re, duos habet contrarios scopos, ob id duobus ordinibus ex necessitate utitur; eandem enim rem modò generare uult, modo interinere; ideo generationem respiciens componit, interitum autem moliens resoluuntur discipline unum tantum scopum habent, præteritum contemplatiuæ, quarum unus est finis, scientiam parere; quare si harum quælibet una est, unum quoque ordinem habet non duos, sed duorum alterum, quem melioris doctrinæ ratio præscripserit, quod Aristoteles considerans in initio primi libri physicorum, statuit in scientiis omnibus contemplatiuis seruandum esse, ordinem compositiui, qui est à primis principiis non possunt igitur tradi ordine resolutiui, nisi quis duos disciplinarum quoque scopos contrarios fingat, ut quemadmodum rerum naturalium cognitionem gignere, uolens utitur ordine compositiui, ita uolens eam cognitionem destruere utatur ordine resolutiui, quod quidem ridiculum est. Dicimus igitur necessarium omnino esse ut cuiuslibet disciplinæ ordo sit imitatio naturæ, quæ alius ordo nõ detur præter ordines naturæ, in quò duplex fit ordo naturæ, quilibet disciplina alterum sedit, q ad tradendâ, pposita reru cognitione accommodatior h, idq; facit non ut imitetur naturâ, sed ut perfectâ cognitionem tradat. Non est autem ignorandum, resolutionem dupliciter locum habere in natura, uel enim consideratur in operatione naturæ, ut nõs modò considerabamus, ordo nanque naturæ interinens est

resolutio: uel consideratur non in operatione, sed in sola intentione naturæ & tunc ipsi attribuitur etiam generanti; quoniam antequàm generet, statuit sibi tanquàm finem illud ultimum, quod generare uult, idq; dicitur primum in intentione naturæ. sed hæc resolutionem quomodo scientiæ contemplatiuæ imitentur considerandum est, ne superficiem tantum rerum lambentes, & dialecticè omnia tractantes, in multos errores, & ambiguitates labamur. Certè hæc naturæ resolutio non est operatio, sed potius quedam præmeditatio futuræ operationis, itaque si contemplatiuam scientiam cum natura conferre uelimus, ita ut scientia naturam dicatur imitari, necesse est ut dicamus ipsam scientiæ traditionem imitari naturam operantem, nempe generantem, ita ut ordo scientiæ sit compositiui, si quidem ordo naturæ generantis non est nisi compositiui: ordini autem intentionis naturæ non debet respondere ipsa scientiæ traditio, sed sola præmeditatio authoris scientiam traditoris, ut æqua & congrua comparatio fiat. ex ordine igitur intentionis naturæ nihil colligitur de ordine traditionis scientiæ, sed solum de ordine præmeditationis authoris tradentis scientiam, qui si est resolutiui, nihil ad nos, qui de sola traditione scientiarum loquentes dicimus eam esse non posse nisi ordine compositiui: at certè talis resolutiui ordo in præmeditatione scientiarum nõ datur, solum datur methodus resolutiua inferiui inuentioni scientiarum, quemadmodum in secundo libro de methodis ca. 7. & 8. declarauim. Videtur aut hæc, q de natura imitatione aduersarius dicit, magis propriè disciplinis operatricibus accommodari, nam operationi naturæ similior est operatio nostra, quàm nostra contemplatio; ergo sicut operatio naturæ procedit, ordine compositiui, artis quoque operatio compositiua erit; restat igitur ut præuiz meditationi naturæ, & ordini intentionis, ut ille uocat, ipsa artis doctrina respondeat, quæ similiter sit resolutiua, & hac ratione ordo resolutiui est imitatio naturæ, nec tamè ei scopus est imitari naturâ, sed inuenire principia, unde sumatur operationis initiu; ad ea. n. uenienda imitatur naturâ, quæ similiter ex præcognitione finis uideret inuenire principia. Quartu argumentu, q a metaphysica aduersarius sumit, ego nõ apius leue, & captiosu dicu, ut alia, sed potius ethica cismu ad ipsi scitèrta euerteru, ut n. pœtia ei cõdonem q eadẽ natura ordinis, q sermo nobis est istur, ad diuersas quoq; disciplinas iuste cõsideras, ac disponas extenda

Resolutio
duplici-
ter loci
habet in na-
tura.

Ad quartum.

tur, argumentum hoc pro me egregie facit, nam si naturam rerum inspectemus, metaphysica est de rebus primis, ideoque uocatur prima philosophia, sed non ob id est prima ordine doctrinæ, ut ipsum nomen demonstrat, quum post naturalem addiscenda sit; in ea igitur patet ordinem doctrinæ meliorem esse ut metaphysica post naturalem scientiam discatur, quum tamen sit secundum naturam prima philosophia, quare ordo doctrinæ ordinem naturæ non sequitur.

Ad quintum:

Sumebat deinde aduersarius argumentum ex tractatione de sensibus, nam Plato, & Auicenna inciperunt à tactu, & ultimo loco egerunt de uisu, contra Aristoteles incipit à uisu, desinit in tactu; ergo id solum omnes res sperxet ut naturæ ordinem seruarent, quia uterque est ordo naturæ, at non equè uterque esset ordo cognitionis. Confirmat etiā quia Aristoteles ne caprum naturæ ordinem deserat, præponit olfactum gustui, licet gustus sit notior nobis olfactui. In hoc argumento illud primò miratus sum, quòd aduersarius dicat Platonem in sensibus ordinem naturæ seruasse, quum in cap. 23. sui quinti gradus neget Platonem in scientiis tradendis ordinem seruare uoluisset; hoc enim si uerum est, dicere possum non esse convenientem ordinem à Platone seruatum in consideratione sensuum, propterea quòd ordine uti noluisset, atamen mihi non satis constat Platonem in suis libris ita, ut uis iste putat, doctrinæ ordinem neglexisset; quin immo si eos legamus, notare facile possumus eum tanto cum artificio nos sensum ad suæ sententiæ confessionem perducere, ut negari nò posse uideatur eum ordine in singula re uti præstantissimo, & ad id, quod uult, docendum accommodatissimò in Timæo autem nò est obsecutum proponi à Platone seruandū ordinem compositum, eundemque seruari, quum à primis principiis auspicetur. Quod uerò ad sensuum ordinem attinet certum est & Aristotelem, & Platonem, & Auicennā seruasse ordinem facilioris doctrinæ, nam pro diuersis ipsorum sententiis alio etiam, & alio ordine uti in sensuum dispositione, debuerunt. Aristotelis consilium in ea parte secundi de anima erat docere quomodo fiat operatio sensuum, eamque fieri per actionem obiecti in organum sensus per medium. Hoc proposito scopo ordiendum fuit à uisu ut notiore, in quo hæc maximè conspicua sūt, & in tactu definendum, in quo ignotissima; Plato uerò qui non putauit uisionem fieri per receptionem speciei in organo, sed per radiorum emissionem, quem operatio-

Rò ordinis sensuum apud Arist.

Rò ordinis sensuum apud Pla

nis modum in alijs sensibus non considerauit, non fuit hac ratione coactus auspicari à uisu. Auicenna uerò in 6. lib. naturalium incipit à tactu, quia putat in eo non esse necessarium medium, sed tactus sine ullo medio agere in organum tactus; reicit autem ad ultimum locum tractationem de uisu tãquam difficillimam, quod ex eius prolixitate cognosci potest, in ea nanque diffusè tractat illam controuersiam, an uisio fiat per radiorum emissionem, an per receptionem speciei, & alia multa, quæ difficultatis plena sunt. At uerò non solum apud diuerfos authores, sed etiam apud eundem nota re possumus uariam esse earundem rerum ordinem ob faciliorem doctrinam pro diuersis occasionibus, scopisque; scribētis hoc manifestum fuit in primo cap. quinti libri de histor. animalium quod declarauimus, in eo nanque Aristoteles se modò antepone re hominē brutis, modò postponere. de sensibus etiam idem Aristoteles egit tū in secundo lib. de anima, tū in lib. de sensu & sensibus, nam tamen eodem prorsus ordine, nam utrobique dat primum locum uisui, secundum auditui; sed quum in 2. lib. de anima posuisset in tertio loco olfactum, in quarto gustum, tamen in libro de sensu & sensibus tertio loco de gustu loquitur, quarto autem loco de olfactu, quod quæ ratione factum sit non est difficile uidere, si scopum, & artificium Aristotelis penetremus, nec sicco pede omnia percurramus, seruat enim utrobique Aristoteles ordinem facilioris doctrinæ, sed non habet utrobique eundem scopum; nam in secundo libro de anima docere, uolens quomodo fiat operatio sensuum antepone olfactum gustui, quia in olfactu manifestius est operationem fieri per actionem odoris in organum per aerem medium; in gustu autem latentior est hic operationis modus, sicut etiam in tactu, quoniam in his duobus sensibus uidetur operatio sine ullo medio fieri. At in libro de sensu & sensibus non est amplius Aristotelis consilium loqui de modo operationis, sed de ipsa sensuum obiectorum natura, ideo ob faciliorem doctrinam alium, inter hos duos sensus ordinem seruauit; quoniam enim minimam inter cetera animalium odorandi homo habet, proinde debili admodum cognitione odorum prædixus est, saporum autem magnam habet notitiam, quum ualidissimum habeat sensum gustus, ob id Arist. statuit prius de sapore agere, quàm de odore, & ex cognitione saporum, quæ faciliore cognitui sunt, nos facilius

tonem.

Rò ordinis sensuum apud Auicennam.

Ordo in sensibus narius apud Arist.

in odorum cognitionem perduceret, hinc autem que ex odoribus cognoscuntur: ratio hæc non à me exigitata est, sed tùm ipsa per se satis manifesta, tùm ab ipso Aristotele ibi adducta, ut videre est in initio quarti & quinti cap. eius libri, dicit enim esse eandem fermè affectionem odorem & saporem, sed saporem esse notiozem, & exaporibus ducit nos in cognitionem odorum. Hinc patet de bilem esse aduersarij obiectionem, quando inquit, præponitur ab Aristotele in secundo libro de anima olfactus gustui, quanuis ignotior, quare non seruat ordinem facilioris doctrinæ: nos enim iam diximus notiozem ibi offerri olfactum gustui, in libro autem de sensu & sensibilibus ignotiozem, ob id iure, ibi præponi, hic verò postponi facilioris doctrinæ gratia. Sed dicat ipse (quæso) quem naturæ ordinem, seruauerit in libro de sensu & sensibilibus Arist. an ordinem perfectionis, an ordinem originis, ordinem originis dicere, non potest, quum incipiat à visu, si quid primus origine tactus est, deinde gustus; sed neque ordinem perfectionis, quia etsi visum & auditum ceteris antepōnit, tamen præponit gustum olfactui, imperfectiorem perfectioni; neuter itaque naturæ ordo seruatur, sed ordo tamen facilioris cognitionis, quum enim in reliquis sensibus eodem ordini vti uoluerit, quo in secundo lib. de anima usus est, tamen in his duobus ratio facilioris doctrinæ cogit eum cōtrario ordine vti, ut etiam de homine, ac ceteris animalibus ipsam scisse notauimus in libris de historia animalium.

CAPITULUM NONVM.

In quo alia quadam aduersarij argumenta soluntur.

Argumentum aduersarij quod ordo nō possit semper respectere cognitionē distinctā.

Soluenda etiam sunt quædam alia aduersarij argumenta, quibus ille, ad maiorem meæ sententiæ oppugnationem alia quædam mea dicta de moliri contendit. Illud quidem efficacissimè impugnat ne nitiatur, quod ordo doctrinæ distinctæ nostram cognitionem semper respiciat, hoc potissimum argumento viens, quod quando propter nostram cognitionem, ut ego dico, deservitur ordo naturæ, tunc seruatur ordo cognitionis confusus, sed non ordo cognitionis distinctæ, hic enim est ipse ordo naturæ: itaq; ego alterum duorum confiteri cogor, vel ordinem doctrinæ non semper dirigi ad nostram cognitionem distinctam; vel si semper, sequi etiam semper ordinem naturæ, sed

ad hoc iam plenissimè à me responsum est, quum enim sola methodus cognitionem faciat ignoti ex noto, non ordo, ideo de sola methodo, non de ordine efficacitatem habet argumentum hoc; quomodo autem possit ordo doctrinæ seruari cōtrarius ordini naturæ, respiciens tamen nostram cognitionem distinctam, & in suo genere perfectam, iam satis declaratum, ac demonstratum à nobis est; non est quodd eadem, quæ antea diximus, repetamus. Nunc igitur breuiter dicimus in via quidem doctrinæ omnem processum distinctæ nostræ cognitionis imitari naturam, et omnem processum imitantem naturam esse processum nostræ distinctæ cognitionis, at in ordine doctrinæ hoc negandum est, quum de tur ordo inseruiens distinctæ nostræ cognitioni, qui non est ordo naturæ. Nitiatur præterea illud euertere, quod ego dixi, ordinem sumi à natura rerum ut cognoscendarum, utique; duobus argumentis, quorum quænam sit vis, ego satis intelligere nequeo: Primum inquit aliud esse ordinem sumi à nostro cognoscendi modo, aliud esse sumi ex natura rerum ut cognoscendarum, quoniam ordo non sit cognoscendi à naturæ ordine distinctus est, quāvis dicat pugnare inter se hæc duo, ordinem sumi à nostro modo cognoscendi, & sumi à natura rerum ut à nobis cognoscendarum, quæ tamen ego vera simul esse asserui: uidetur itaque hoc tanquam per se notum, constituere, quod idem sit sumi absolute à natura rerum prout sunt, & sumi à natura rerum prout à nobis cognoscendæ sunt; quare mihi nunc respondentis officio fungenti sat esset hoc negare, eiusq; probationem exquirere: at quoniam non disputandi tantum, sed declarandæ veritatis gratia hanc prouinciam suscepti, libet paucis meæ sententiæ ratione, quæ omnis difficultas tollatur, adducere. iam antè dictum est dari aliqua aliquibus natura priora, quæ tamen eorum causæ non sunt, in his igitur dico non esse necessarium ut ordo, quo cognoscendæ sunt, sit ille ipse ordo, quo secundum naturam dispositæ sunt; nam sit pes sunt natura priores animalibus, at quæ nō nobis cognoscendæ proponuntur, sunt animalibus ignotiores secundum propriam naturam; ea nanque est plantarum, ea est animalium conditio: & natura, ut à nobis facilius animalia, quàm plantæ cognoscantur, ideoq; ex animalium notitia facilius in plantarum cognitionem ducamur: Ita substantiæ à materia abundanti priores natura sunt, & absolute notiores substantiis corporeis, at tamen ut cognoscendæ à nobis sunt & hæc, & illæ, etiam distincta cognitione, præsupponunt ne-

Primum argumentum aduersarij quod ordo non sumatur à natura rerum ut cognoscendarum.

Solutio.

Solutio.

non sunt necessariò incorporæ substantiæ cognitas iam esse substantias corporales, quoniam uel illæ harum causæ non sunt apud Aristotelem, uel si sunt, transcendunt limites scientiæ naturalis, quare & iis ignoratis possunt in scientia naturali substantiæ corporæ in suo genere perfectè cognosci, & harum distincta cognitio nos ducere potest ad incorporæum cognitionem, non est igitur in illis idem ordo, quo sunt, & quo nobis cognoscendæ proponuntur. In rebus uerò, quæ sub nostram operationem cadunt, adhuc clarior res est, quum enim non absolute cognoscendæ à nobis sunt, sed solum propter operationem, non est necesse ut quem ordinem habent in natura, eum in cognitione habeant, immo necesse est ut non habeant, nam si eundem habere dicamus, de medio tollimus omnes huiusmodi disciplinas, quemadmodum in cap. 9. secundi libri de methodis demonstrauimus. Ex his igitur patet non esse verum, id, quod aduersarius absque probatione sumit, eandem esse rerum naturam ut sunt, & ut cognoscendæ à nobis sunt. Alterum eius argumentum est, non rectè dicimus ordinem sumi à natura rerum ut cognoscendarum, quia reduplicatiua, quæ significat per se, debet cadere super naturam, non supra cognitionem nostram, nempe ut dicamus ordinem sumi à natura rerum quatenus est natura rerum, non quatenus à nobis cognoscendæ sunt, quoniam mensura sumenda est à natura rerum, non à nostro modo cognoscendi. Sed quam uim hoc argumentum habeat, si modo argumentum dicendum est, non uideo, in eo enim petitur principium, & sumitur id, quod probandum erat, Quod enim ductio duplicatiua cadere debeat supra rerum naturam, & hæc sit mensura ordinis doctrinæ, hæc omnia nos negamus, quum nil aliud significant, quam id ipsum, de quo in præsentia controuersiamur.

CAPUT DECIMUM.

Argumenta aduersarii, quod conditio ordinis sit ut initium sumatur ab uno, & eiusdem responsiones ad argumenta auctoris.

Sequitur altera ordinis conditio consideranda, an sit necessarium & essentiale ordini ut doctrinæ initium ab uno aliquo sumatur, quum enim plures id necessarium esse dixerint, & ego hanc eorum sententiam confutauerim, aduersarius eandem sequens, eam comprobare, & argumenta, quibus ego aduersus eam usus sum, soluere niti-

tur, magna tamen eius disputationis pars mihi quidem ad rem pertinere non uidetur, quum ille id, quod ego non dixi, mihi attribui uideatur, immo cuius contrarium dixi: Quod enim omnis ordo ad unum aliquem finem dirigatur ego quidem nunquam negaui, sed apertè asserui in 6. cap. secundi libri de methodis finem omnis ordinis esse cognitionem, compositiui quidem absolute cognitionem, resolutiui autem cognitionem talē, quæ nos ad operandum quantum fieri possit idoneos reddat, quum enim ordo instrumentum sit, eius natura absque dubio à fine pendere debet: sed quoniam hinc colligitur ordinem respicere terminum, ad quem dirigitur, tanquam finem, sed non terminum, à quo ordinis initium sumitur, ob id ego in secundo ac tertio cap. secundi libri de methodis in hoc tantum aliorum sententiam reprobaui, quod ordinis naturam confutauerint, in termino, à quo dicentes esse ordinis essentialē conditionem ut ab uno exordium doctrinæ sumatur, præcipuum enim esse hanc ordinis differentiam existimare uidentur, quum ex ea differentias ad ordinem in species diuidendum hauserint. De hoc igitur solo aduersus illos eo in loco disputauimus, nempe de initio ordinis, an necesse sit ipsum semper sumi ab uno, ostendiq; id non esse necessarium. Quod igitur argumenta, quæ ab aduersario ad hoc instruendum adducta sunt, & responsiones, quibus ad mea argumenta usus est, uanæ ac debiles sint, breuiter declaremus. Primo loco adducit uerba Aristotelis in quinto metaph. contex. 16. ubi dicit ad ordinis essentiam pertinere ut omnia secundum rationem distent ab aliquo uno determinato: similiter in contex. 52. libri 12. inquit, omnia in uniuerso esse coordinata ad unum. Secundò utitur ratione sic, octo includit rationem posterioris ad prius, & recessum quandam posterioribus à priori, hic autē mensuram aliquam exposcit, & mensura debet esse quid unum, ac simplex, ut habetur in 10. metaph. contex. 3. ergo illud, à quo sumitur mensura ordinis, debet esse unum, idq; confirmatur auctoritate Aristotelis 10. metaph. contex. 7. dicentis in omni genere unam reperiri naturam, quæ sit mensura omnium illius generis: scientia ordine prædicta unum quoddam est scibilibus genus, omnia igitur in scientia referri debent ad unum primum, quod sit aliorum mensura. Tertiò ita argumentatur, omnis ordo est ratio, ut habetur in contex. 1. §. octauum physic. ratio est duorum inter se respectus, ut ait Euclides in principio quinti elementorum, ergo de-

Primum argumentum aduersarii.

2. argumentum.

3. argumentum.

Secundum argumentum.

Solutio.

CAPITULUM PRIMUM.

In quo quadam fundamenta iaciuntur.

4. argu.

ergo debet esse vnum aliquod primum, quod referatur ad secundum, & ita deinceps: quare necessarium est auspiciari ab vno. Quarto inquit, illa, quæ ordinantur, vel sunt finita, vel sunt infinita, non infinita, ergo finita, ergo habent primum, idq; vel vnum est, vel plura; si vnum, iam habeo id, quod volo, si plura, ea vel ordinem inter se habent, vel non habent; si habent, ergo exordium sumitur ab vno; si vero non habent, necesse est ea tenere locum vnius, & vnum gradum constitutur, ut elementa in grammatica sunt tanquam vnum, quia constituunt in illa disciplina primum gradum; sic prima principia in scientia naturali sunt instar vnius; immo dicitur inter illa ordinem esse, nam alio modo materia est prima, alio modo prima est forma, ut dicitur in initio secundi de partibus animalium; sed (inquit) consuevit Aristoteles primo loco de materia verba facere, tanquam de priore secundum ordinem originis. Tandem sic argumentatur, omnis ordo finem habet, ad quem dirigitur, hoc enim dempto evanescit, cuiusque autem discipline vnus est finis, ergo de ratione ordinis est ut omnia referantur ad vnum: quare falsum est id, quod ego de ordine resolutionis dixi, esse in eo per accidens ut ab vno sine initio sumatur, quum potius dicendum sit id esse necessarium. Sic etiam (inquit) manifestum est in ordine compositionis omnia ad vnum finem dirigi, qui in proemio scientiarum proponi solet. Nittur etiam argumenta me solvere, Primam quidem argumentans sum ex multarum disciplinarum observatione, in quibus exordium sumitur a pluribus, non ab uno, ut in scientia naturali initium sumitur a pluribus principiis, & Aristoteles de pluribus agendum proponit, non de vno principio. Sic in arte medica multi initium sumperunt ab elementis, quæ sunt plura, non vnum: sic grammaticæ initium sumitur non ab una littera, sed a pluribus. Ad hoc ipse responder illa plura principia fungi officio vnius, & unum gradum continere; quare, perinde est ac si initium sumatur ab uno, ut ante dictum est. Deinde id confirmavi auctoritate Aristotelis in calce primi libri posteriorum, ubi inquit scientiam esse unam à subiecto uno, non ab uno principio, quum plura in eadem scientia principia esse possint.

Ad hoc ipse responder Aristotelem ibi non de iis, quæ ad ordinem, sed de iis quæ ad unitatem scientiæ inquirebantur, verba facere, quare nullum inde argumentum de ordine sumi potest, propterea quod unitas scientiæ, ut est scientia, & ut est ordo, non idem est.

Primam
authoris
argumen
tum.

Solutio.

2. argu.

Solutio.

HÆC omnia dialecticè dicta esse cognoscuntur, facileq; evanescent, si duo, quibus adversarius innui videtur, bene intelligantur, unum est quisnam sit cuiusq; disciplinæ finis, alterum vero quodnam sit illud, quod totius discipline mensura dicitur; hæc enim ab adversario in tota hac sua disputatione tanguntur quidem, sed ita leuiter, ac sicco pede, ut potius dubium aliquod in ipsa re ponere, ac tenebras veritati ostendere apta sint, quam ut aliquis inde intelligere queat quis in lingua disciplina scopus, quare mensura dicenda sit. Nos igitur à mensura ordientes dicimus mensuram propriè in quantitativis dici, in reliquis vero improprie, & per quandam similitudinem eamq; in scientiis nullam esse aliam, quam subiectum ipsum, in artibus vero finem, qui scientiarum subiecto proportionem respondet; mensura enim una, ac simplex in unoquoque genere esse debet; sic subiectum in una scientia unum est; non sic unum principium, neq; affectio una, quum Aristoteles in calce primi libri posteriorum testetur posse in una scientia plura principia, pluraq; accidentia considerari, at non plura subiecta. Quoniam igitur tria hæc sunt, in quibus solis omnis scientia versatur, subiectum, principia, & accidentia, & in nullo istorum sequitur unitas, nisi in subiecto, certum esse debet nil esse in scientia, quod similitudine, ac proportionem quadam dici mensura ceterorum possit, nisi solum subiectum. Est etiam ea ratio simplex, quarens ab uno considerandi modo constituitur, & unius est naturæ, quæ per unam definitionem significatur, pendetq; ab eo cetera omnia, quoniam nihil in scientia considerari potest, quod eius aliquid non sit, siue principium, siue affectio, siue species. Quoniam igitur subiectum unum simplexq; existens eum habet locum in scientia, ut per solum ad ipsam relationem cetera omnia iudicemus an ad scientiam illam pertineant, an non pertineant, iure mensura omnium in scientia illa appellari potest. Idem de artium fine dicendum est, quum enim eundem locum in arte obtineat, quem in scientia subiectum, ab eoq; tota ars pendat, simili ratione mensura ceterorum dici potest. Sed de scopo disciplinarum non ita clara res est, ut fortasse videtur, in scientiis enim contemplatiuis est quidem scopus ac finis cognitio, sed non est tamen finis

Quæ sit
dicenda
discipli
na mea
sura.

Quis sit
discipli
narum
scopus.

tamen finis talis, qui possit ordinem resolutivum, qui est à notione finis, constituere, non enim magis in prima scientiæ parte, quàm in media, uel in postrema cognitio acquiritur, sed in qualibet notitiâ aliquam adipsiscum illius subiecti, hoc est eorum, quæ per se illi competunt, in omnibus autem partibus simul sumptis eo fine perfectè possumus, hoc est cognitione omnium, quæ propositio subiecto per se inhæret. Quisquis igitur talem sibi finem proponit, non potest alium seruare ordinem, quàm compositiui, ut iam docuimus in cap. 7. & 8. secundi libri de methodis, quia si solam rerum cognitionem querimus, à primis principiis necessariò inchoandum est. Finis igitur, à quo ordo ille, qui à notione finis nuncupatur, exoritur, non est cognitio ipsa, sed quiddam diuersum à cognitione, ad quod cognitio dirigitur: huiusmodi finem habent disciplinæ omnes operatrices, ideo tradendæ sunt omnes à notione finis, ut ait Galenus in libro de artis medicæ constitutione, & Auerri in principio sui Colliget, sed in his quoque non satis liquet quissimam dicendum sit disciplinæ scopus, ut artis medicæ, quum enim hæc, & alia qualibet ars duas partes habeat, unam docentem, alteram operantem, si utraq; si mul complectamur, rectè quidem dicimus scopum medicum esse sanitatem, attamen non ut cognitam, uel ut cognoscendam, sed ut efficiendam, ridiculus enim & inutilis medicus esset, si ultimum finem suum diceret esse cognitionem sanitatis. si uerò non utraq; artis partem amplectamur, sed solam docentem, multò minus dicere possumus sanitatem esse scopum illius artis, ea enim neque ut efficienda, neque ut cognoscenda scopus illius artis est, sed scopus est sola principiorum, seu mediolorum cognitio, utimur enim prænoxiione sanitatis ad inueniendi principia, conseruantia, uel producentia sanitatem; horum ergo cognitio scopus artis docentis est: Hoc asseruit aperte Galenus in secundo cap. artis medicinalis, quia solam artem docentem ibi considerabat, ut ego annotati in cap. 14. secundi libri de methodis. Sic igitur patet nomen finis in arte non carere ambiguitate, potest enim sumi pro ultimo fine efficiendo, à cuius prænoxiione auspiciatur ars docens, cuiusmodi est sanitas in arte medicæ; potest etiam sumi pro scopo solius artis docentis, qui in arte medicæ non est sanitas, sed cognitio causarum ipsius sanitatis.

Nomen finis in arte sumitur dupliciter.

CAPUT DVODECIMVM.

Defensio argumentorum auctoribus.

Nunc consideremus an argumenta nostra bene ab aduersario soluantur. Primum quidem non soluitur, nam scientia naturalis incipit à primis principiis, quæ tria sunt, & licet eorum quædam ordinem inter se aliquem habeant, quædam tamen prout ibi tractantur, non habent ordinem, quia simul tractantur, nam inter materiam & formam ordo aliquis est, prior enim secundum naturam & originem materia est, nec propterea, verum est id, quod aduersarius asserit, Arist. prius de materia, quàm de forma verba facere, quum manifestum sit in primo lib. phy. prius agi de duobus principiis contrariis, quàm de subiecta materia, idè; propter nostram cognitionem, quum enim ex sola contrariorum inter se mutatione possit materia prima inueniri, necessarium omnino fuit prius docere duo contraria esse prima rerum principia, de inde hoc cognito ad primæ materiæ demonstrationem procedere. Contrarium ordinem seruauit Arist. in libris de animalibus, quum prius de materia in libris de partibus, postea de forma in libris de anima loquens sit, quoniam proxima illa animalium materia sensibilis, & nota est, quod de prima rerum omnium materie dicere non possumus. de primis igitur principiis simul sibi agendum proponit Aristoteles in primo libro physic. Quod si in iis ordinem quendam seruauit, agens prius de contrariis, quàm de materia, de ipsis saltem contrariis simul agit, nõ de forma prius, quàm de priuatione, neque è conuerso; sed illud tamen animaduertendum est, quod si initium sumatur à pluribus, quæ secundum cognitionem æqualia sunt, nec unum per aliud declaratur, prius tamen tractetur unum, quàm aliud, non ob id dicitur ab uno initium sumi, quemadmodum grammaticus non ab una littera A, sed ab omnibus incipere dicitur. Quod si à quolibet uno incipere, etiam ab una dictione, uel ab una syllaba, est ab uno initium ordinis sumere, hoc modo non negarem esse in omni disciplina necessarium exordiri ab uno. Quod uerò aduersarius ait, Aristotelem à primis principiis auspicari, quæ plura quidem sunt, sed sunt instar unius, quoniam unum gradum constituunt, hoc cerè nihil est, nam si à pluribus æqualibus initium sumatur, quis est, qui ignoret ea constituere in ea disciplina unum & eundem primum gradum, & unum tertium, à

Defensio primi.

minum, à quo hoc quidem etiam nos expresse profiteamur, dum dicimus exordium sumi simul à pluribus, hoc enim dicere est dicere illa plura esse primum terminum, à quo incipit ea disciplina. sed per hoc non stat, quin illa non modò sint plura, sed etiam tractentur ut plura; Nonne enim Aristoteles in initio primi libri questionè proponit, an unum sit principium, an plura, deinde ostendit plura esse, non unum? incipit ergo à pluribus quatenus plura sunt. Sic etiam grammaticus à litteris incipit quatenus sunt plures, quia nisi essent plures, nulla grammatica ars tradi posset. plura igitur quatenus plura sunt, constituunt primum initium, & unum terminum, à quo totius discipline exordium sumitur. Ad alterum uerò argumentum nostrum, quod ex Aristotele in calce primi libri posteriorum sumebatur, uana est responsio, quum dicit Aristotelem ibi de scientiæ unitate, non de iis, quæ ad ordinem attinent, sermonem facere, hoc enim ego non inficio; nec ideo eum locum adduxi, quòd putarem Aristotelem ibi de ordine loqui: sed Aristotelis testimonio ad hoc tantum ostendendum uti uolui, quòd in scientia una solius subiecti, non principii, unitas postulatur, ita ut in una scientia plura prima principia esse possint; itaque si hoc tantum consilio illa Aristoteli uerba expendere uolui, idq; quod ego assertor, ibi ab Aristotele pronuntiatur, quomodo dicit uir iste locum illum ad rem non pertinere?

*Defensio
secundæ.*

CAPVT DECIMVM TERTIVM.

Solutio argumentorum aduersarii.

VEnio ad contrariorum argumentorum solutionem. Primo loco adduxit uerba Aristotelis quinto methaphysic. 1.6. & 1.2. methaphysic. 32. ubi Aristoteles ait in ordine omnia distare ab uno quodam determinato; & in rerum inuicem omnia esse coordinata ad unum. Ego uerò quomodo uerba hæc mihi officiant non uideo, nam quodnam esse illud unum, à quo in scientia debent omnia secundum rationem distare? non ne secundum ipsum debet esse illud idem, quod totius scientiæ etiam mensura dicitur? atqui hoc non potest esse primum principium, à quo ipsius scientiæ initium sumatur, iam enim ostendimus metrum, & mensuram in scientia esse solum subiectum, hoc autem non magis in scientia primum est, quam ultimum; nihil igitur ad nos hoc attinet, qui hoc solum impugnare uoluimus, quòd oporteat scientiam auspicari ab uno,

à quo cetera omnia pendeant; hoc enim omnino falsum est nec Arist. ibi tale unum intelligit, à quo scientiæ initium sumatur, sed loquitur de ipsarum rerum ordine. Quod si ea, quæ ibi dicuntur, uelimus etiã ordini doctrinæ per aliquam similitudinè accomodare, non est necesse ut tale unum intelligamus, quòd sit initium doctrinæ; sed solum quod principem locum teneat, & sit scopus omnium, quæ tractantur, & causa dispositionis omnium in ea disciplina, ita ut aliud prius, aliud posterius tractetur: sic igitur ab illo, id est ab eius perfecta cognitione distant cetera omnia secundum rationem; omnia enim certo ordine disponuntur propter illum scopum. Ex his patet responso etiam ad secundum argumentum. Sic etiam ad tertium respondemus, Aristoteles enim in context. 1. 5. octauo libri physic. inquires ordinem esse rationem nil aliud significare uult, quam rationabilem dispositionem multorum ordinatorum propter unum finem, ut in scientia rationabilem rerum tractandarum seriem propter scientiæ adptionem. Quod uerò aduersarius dicit rationem esse duorum respectum inter se, ut ab Euclide definitur in principio quinti elementorum, quo fit ut primum debeat esse unum, & similiter secundum unum, & tertium unum, si debeat inter illa esse ratio aliqua, uanum certe argumentum est, non enim eadem prorsus est ratio ab Euclide ibi definita, & ea, cuius in dicto loco meminit Arist. nam Euclides in solis quantitatibus ibi definit rationem, quare si aliis quoque rebus, quæ à quantitate toto genere differunt, aptare & rationis nomen, & definitionem illam uelimus, id non fit secundum eandem prorsus acceptionem, sed per similitudinem quandam, ita ut non sit opus uera esse ad unguem de omnibus illa, quæ ibi ab Euclide de sola quantitate inter se, ratione pronuntiantur; dicimus enim huius quantitatibus ad illam esse rationem duplicem; & in scientia naturali quum dicimus elementa ad mixtum aliquam habere rationem, non intelligimus duplicem, nec sesquialteram, nec aliam eiusmodi, sed solum respectu quendã, quo elementa ad mixtum diriguntur, tãquã materia ad id quod ex materia constat. In his igitur non est absurdum si & plura ad unum habere rationem aliquam dicatur, & unum ad plura, huius enim rationi, id est rationabili multorum dispositioni in aliqua disciplina. non est necesse ad unguem aptari mathematicas definitiones. frivola igitur argumentatio est ad probandum quòd id, à quo scientia incipit, debeat esse unum. Ad 4. argumentum dicimus fieri posse ut in disciplina exordium sumatur à pluribus, quæ iter se nulli ordini

*Solutio
secundæ.
Solutio
tertiæ.
Solutio
quartæ.*

*Solutio
primæ.*

*Solutio
quinti.*

nem habeant ratione cognitionis, quemadmodum antea declarauimus. Postremum aduersarij argumentum minime mihi obest, quod enim quilibet ordo ad vnum aliquem finem, scopumq; dirigatur, ego quoq; asserui, & diffusè declarauimus, quum enim ordo sit instrumentum, necesse est totam eius naturam à fine, ad quem tendit, pendere; sed aliud est finis, ad quem ordo dirigatur, aliud est id, à quo incipit, hoc enim dico & unum, & plura esse posse. Quod verò aduersarius dicit, Aristotelem solum esse in proœmijs rationem ordinis à fine sumere, nescio an ita intelligat, vt dicat hoc esse à notione finis exoriri, satis enim confusè & ambigüe loquitur, verba quidem sequentia id significare videntur, quum subiungat consultationes semper fieri præsumpto fine, & Galenum in initio artis medicæ dicere artes omnes constitui à notione finis: Hoc si dicat, meo quidem iudicio magnopere fallitur, sic n. diceret oēs disciplinas traditas esse ordine resolutionis, quum hic solus appellari soleat à notione finis, ut in primis eius libri verbis Galenus testatur, nam tres ordines enumerans nullam aliam resolutionis ordinis conditionem, quā ab alijs ordinibus seiungatur, exponit præter hanc unam, q̄ est à notione finis, quā re compositionis non censuit Galenus esse à notione finis. itaque si Aristotelem in proœmijs librorum suorum finem, scopumq; proponere est seruare ordinem illum, qui est à notione finis, erit ergo seruare ordinem resolutionis, quod est manifestè falsum, quum huiusmodi proœmia complura in libris Aristotelis naturalibus habeantur, per id tamē non stet quin scientia naturalis dicatur scripta ordine compositionis. Huiusce rei rationem iam abunde exposuimus in secundo libro de meth. cap. 4. etenim aliud est finem & scopum disciplinæ in proœmio proponere, aliud est in ipso tractationis initio à destinatione finis exordiri, proœmium n. non est tractationis pars, quare in eo nos admonere finem non est de fine agere, proinde non est ordine, uti resolutionis; quocirca credendum non est Galenum de omnibus disciplinis dicere quod à finis notione constituentur, neq; constitutionem artis à notione finis ibi intelligit etiam admonitionem finis, quæ in proœmijs scientiarum fit, quum prius idem Galenus dixisset progressi à notione finis esse ordine, uti resolutionis à duobus alijs ordinibus distincto; sed credendum est propriè ibi sumi nomen artis, p̄ solis effectricibus, de quibus in libro de artis medicæ constitutione in duobus primis, & in duobus postremis capitulis eandē

sententiā protulerat, & effectrices ab alijs separando dixerat earum propriam esse conditionem ut à notione finis constituentur, ordi neq; tradatur resolutionis. Quod verò de resolutionis ordine aduersarius dicit, per se illi competere, & quatenus est resolutionis, ut ab uno fine exordium sumatur, hoc ab eo dicitur, quum probandum fuisset, uel saltem ratio, quā ego ibi usus sum, soluenda. Quamuis igitur satis mihi esset id, quod ab eo dicitur, negare, tamen ad ueritatē declarandam uolo rationem, quā ibi ad hoc probandum usus sum, quā ipse fortasse non pcepit, explanare, quæ in hoc est constituta, q̄ resolueret non solum unum, sed et multa complexa in suas partes, & in sua principia possumus; quare non potest resolutionis, quatenus est resolutionis, cōpetere vt vnū sit id, quod resoluitur, sed aliqua alia rōne id ei competere necesse est, in ordine n. artis resolutionis requiritur ut ab uno fine initium sumatur, quatenus ars debet esse una, non quatenus uel absolute ordinata, uel ordinata ordine resolutionis, quod ipse quoq; aduersarius confiteri uidetur in calce capitis sui. 16. dum inquit, licet oīs scientia sit ordo quidam, tñ unitas scientiæ ut scientia est, distincta est ab unitate ordinis quatenus est ordo: nam si hoc uerum est, possumus et in artibus dicere aliam esse artis, aliam ordinis unitatem. Quoniam igitur artis unitas sumitur ex unitate finis, sequitur ut ex aliquo alio, nō ex finis unitate, sumatur ordinis unitas. hoc, inquam, ex eius dictis deducitur, tamen an uerum sit, dubitari potest, quoniam aliud est ordinis unitas, aliud ordo ipse, unitas ordinis in arte fortasse ex eodē fonte deducitur, ex quo ipius artis unitas, nempe ex unitate finis, at non ipsa ordinis natura, nam alia rōne debet esse ordo, alia rōne unus, quamobrem quā ratione dicitur unus, eadem dici ordo non potest. Hoc autem exemplis manifestum redderetur, si disciplina aliqua ab aliquo probato auctore scripta extaret, quæ non una, sed multiplex esset, & plures sibi fines proponeret; in eā. fortasse naturam ordinis infereretur finis, unitate finis, nullam tamen eiusmodi competerimus, etenim Aristoteles, qui plures nobiles disciplinas artificiosè conscripsit, in singula ita diligenter à rebus alienis abstinuit, & a disciplinarum inter se commitione, & confusione, & à transitu è genere in genus abhorruit, uidetur, ut in qualibet summum possumus simplicitatem, atq; unitatem inspicere, & admirari. Videat tamen aduersarius ipse nobis huiusmodi disciplinæ exemplum præbuisse, hæc enim, quam nuper edidit, de moribus

*Proponere
re finem,
& agere
de fine,
non idē
est.*

Philosophia de moribus nup trada non est disciplina na

moribus philosophia pluribus theorematibus ad naturalem scientiam, ad metaphysicā, ad logicam, ad rhetoricam, aliasq; fortasse disciplinas pertinentibus referta est; nam tota de ordine disputatio Logica, & aliena à civili disciplina esse uidetur; totus primus gradus ab Aristotele rhetoricus, si non verbis, at re ipsa iudicatus est, quippe qui satis esse existimans morali philosopho consulum, & rudem perturbationum notitiam, distinctam & perfectam tradere superuacuum esse arbitratu est; superflua enim, & aliena esse uidentur illa, sine quibus ad propositum finem peruenire optimè possumus; de his autem in arte potius rhetorica dicendum putauit, si quidem oratori, qui & excitare perturbationes, & excitatas extinguere, uel sedare pro occasione debet, magis necessarium esse censuit earum naturas, causasq; cognoscere. quæ uero de partibus animæ, ac de humana mente, eiusq; operationibus pluribus in locis in hoc opere dicuntur, ad naturalem scientiam attinent; quemadmodum quæ de diuinis mentibus, de providentia Dei, & de subiecto metaphysicæ, & alia eiusmodi ad metaphysicam ipsam. de his enim Aristoteles ne uerbum quidem in moralibus libris fecit; de partibus autem animæ ualde breuiter, ac ruditer in solo ultimo capite primi libri Ethicorum, quæ sine distincta, ac perfecta earum cognitione posse nos ad ciuilem felicitatem peruenire existimauerit. Hæc itaq; plurium disciplinarum commistio si rite facta est, quod quidem ego meæ mihi inscitiz, ac rudicitatis conscius decernere non audeo, utique uir hic eruditissimus, quemadmodum in postremo suæ introductionis capite proficitur se ordinem utiliore, ac præstantiore ordine Aristotelis seruaturum, ita gloriari etiam merito potest se id, quod nequiuisset præstare unquam Aristoteles, præstitisse, & multas ita distinctas disciplinas ad coniunctionem, & unitatem miræ artificis, & ordine redegit; quinimmo mihi uidetur philosophus iste ita Aristotelis gloria emulatus, ut non modo cū eo de doctrinæ ordine, ac de rebus ipsis scribendis certare, ipsumq; superare contenderit, sed illud quoque Aristoteli modo quodam uoluerit; quum enim duæ sint scribendi rationes, una quidem, eaq; longè præstantior, quum quis de re aliqua proprio ingenio, ac proprio Marte sibi agendum proponit, liberumq; sibi & decernendi de quaque re, & disponendi seruat arbitrium; altera quum ab alio auctore traditam disciplinam, quispiam interpretandam sumit, qui sedator potius, & quasi seruus alienæ

doctrinæ, & alieni ordinis, quàm author esse dicitur; hic quidem philosophus talem suo operi introductionem adinnoxit, ut interpreta-
tor potius moralis, ac ciuilem Aristotelis libros uideretur, quàm proprium ipse opus compositorum; eo præsertim, quòd talem introductionem, & ea, quæ περιεργασµα uocantur, operi suo præponere auctorem ipsum non decet, sed soli alienorum operum interpretes id facere consueuerunt. Attamen relicta ciuili Aristotelis philosophia aliam ipse propriam tradidit & ordine illi contrariam, & sententis, rebusq; ipsis ab ea maxime discrepantem, quum & plurima in ea traherentur, quorum Arist. nullam facere mentionem uoluit; & multa etiam prætermittantur, quæ Arist. tanquàm necessaria diligenterissime pertractauit, adeo ut & mancā, & redundantem esse necesse sit uel Aristotelis, uel huius clarissimi uiri ciuilem philosophiā. Hanc igitur nouam moralem disciplinam si consideremus, ea uel re uera, uel saltem auctoris sui professione ordinem quandam habet, ab uno tamen fine non pender, sed à pluribus accurata nanque de humana, ac de diuinis mentibus tractatio finem habere ciuilem felicitatem non potest, quum sine illa ciuilis philosophia optimè tradi queat, & ciuilis felicitas tum ab homine, tum à tota ciuitate comparari; sed scopus diuinæ scientiæ est diuinarum rerum cognitio, sicuti scientiæ naturalis rerum naturalium. T estimonio igitur aduersarii satis clare ostenditur dari in disciplina ordinem sine unitate finis, ualida certe uel ipsa per se, uel saltem ad hominem conuincendum argumentatio mea est.

CAPVT DECIMUM QUARTVM

De definitione ordinis doctrinæ.

HActenus ea, quæ de conditionibus, ac de essentia ordinis aliis dicta à nobis sunt, satis, ut uidetur, clara reddidimus, atque ab aliorum oppugnatione uindicauimus; nunc ad ordinis definitionem, tum quæ ab aliis, tum quæ à nobis allata est, considerandam accedamus, ut ratione duce eam, quæ rite tradita est, a non rite traditis discernamus. Jam in cap. 4. primi libri de methodis diximus traditam esse à nonnullis hanc ordinis definitionem, ordo est habitus instrumentalis, quo decemur cuiusque disciplinæ partes conuenienter disponere; in qua definitione id mihi reprehensio-
ne dignum uisum est, quòd dictione illa [conuenienter] nimis ruditer, & obscure ipsa or-

Definitio aliorum.

Confutatio.

dinis natura significabatur, quum non appareat in quonam hæc dispositionis convenientia consistat; in definitionibus autem maxime claritas & perspicuitas requiritur. Ad hanc igitur differentiam magis declarandam ita sum progressus: Quum ordo instrumentum sit, proinde eius natura in fine consistat, sine hoc bene cognito, & confutatio minime dubitandum est quin illa dicenda sit convenientia dispositio, quæ nos optime & facillime ad eum finem perducat. Quoniam igitur nullus alius ordinis doctrinæ scopus ita tuendus est, quam distincta & in quoque genere perfecta cognitio (hoc enim & nomen ipsum, & ratio ita nobis persuadet, ut res prope ipsa loqui videatur; si quidem ordo non est nisi cognitionis instrumentum) hinc colligimus in eo tantum statuendam esse rectitudinem & convenientiam dispositionis, ut per eam optime & facillime qualibet disciplina discatur; abiecta igitur dictione illa, convenienter, & eius loco dilucidiorum disferentiam exprimentem, talem ordinis definitionem in capite undecimo proposuimus.

Definitio propria.

Ordo doctrinæ est habitus instrumentalis, per quem apti sumus cuiusque disciplinæ partes ita disponere, ut quantum fieri possit optime, ac facillime ea disciplina discatur; simul enim aduerbium quoque, Convenienter, in definitione ponere nugatio esset, quia nil aliud significaret dispositio conveniens, quam illud ipsum, quod aliis adiectis verbis clarius significatur; nam in definitione debet quidem sequens pars præcedentem ut amplius coarctare, æqualem autem, & idem obscurius significantem declarare, uicio definitioni adscribitur. Quod quidem uicium præter alia philosophus iste in definitione ordinis à se tradita incurrisse, uidetur, sic enim ordinem definiuit, Ordo est congruens dispositio plurium uel disciplinarum, uel partium eiusdem disciplinæ, cum inter se, ut ad unum primum, ex rerum natura à dirigente de prompta, ut disciplinæ pro facultate naturam rerum amulatur, distinctæ, legentium animis eam offerant. Superflua namque est dictione illa, Congruens, si nulla est congrua dispositio, nisi quæ sequentibus uerbis significatur, & reciprocatur, nam omnis congruens dispositio amulatur naturam, & omnis dispositio naturam amulans est congruens, secundum ipsum. Causa etiam finalis in hac definitione posita eiusmodi est, ut in eam animus non acquiescat, sed ab ea potius abhorreat, inquit enim finem ordinis hunc esse, ut naturam imiteretur, quasi hoc consilio disciplinæ omnes tradantur, & discantur, ut amulemur

naturam, nec potius hoc, ut eas doceamus, uel discamus. Certè aliqua dignus excusatio ne extitisset, si solum dixisset necessarium esse ordini doctrinæ imitari naturam, quamquam enim hoc non semper verum, neque necessarium est, tamen tolerabilius fuisset, ordinem nature statuere effectricem causam ordinis doctrinæ, quasi naturæ ordo cogat doctrinæ ordinem talem esse, quam causam finalem, & scopum, ad quem doctrinæ ordo dirigatur; huic enim dictio necesse est cuiusque bene considerantis animum repugnare. Sed mirandè profecto est quomodo vir ille dum uerum ordinis finem ueretur exprimere, tamen ab ipsa rei ueritate coactus ipsum saltem implicite consistatur, quando tandem subiungit, distinctæque legentium animis eam offerant, his enim uerbis uel idem finis exprimitur, qui præcedentibus iam expressus erat, scilicet ut amulemur naturam, uel alius; si idem, duorum ergo doctorum alterum superuacaneum est, nugatioque; in hac definitione iterum committitur; si uero alius, quisnam is est? cur uolumus rerum naturam distinctè animis legentium offerre? certè ob eandem causam hoc uolumus, ob quam ipsi quoque legentes legunt, legunt autem ut addiscant, & scientiam adipiscantur, ergo scribentes quoque nullum alium sibi finem proponunt (nisi forte per accidens) quam docere, & cognitionem parere; ordineque utuntur, ut id melius efficiat. Miror etiam cur dixerit, legentium, quasi nequeant disciplinæ tradi, nisi scriptis, nec possumus etiam audiendo addiscere, quomodo & cæci omnes, & multi uisui prædicta plura discunt; accidit certè & ordini, & disciplinis ipsis, ut scriptæ legantur, nil autem tale in definitione ponendum est. Idem dicendum arbitror de ordine plurium disciplinarum inter se, huius enim nulla uobis ratio habenda est, tantum abest ut in definitione ordinis fieri eius mentio possit. Nos enim in præsentia de ordine ut logico instrumento loquimur, proinde de eo, qui cum artificio à docente seruat, ut melius ac facilius doceat: hic autem in eiusdem tantum disciplinæ partibus tantum disponendis locum habet; nam plurium disciplinarum inter se dispositio nullum in se logicum artificio habet, & absque ulla docentis opera fieri uidetur. Dum. n. quis unam disciplinam tradit, non respicit, alias, sed se intra illius limites continet. Videntur quidem illi, qui discere uolunt, & inter hos si tantum, qui cunctas cupiunt disciplinas apprehendere, hoc considerare, ac de eo sapientiores consulere, quam prius, & quâ posterius aggredi debent; sed hoc officio potius

Plurimum inter se disciplinarum dispositio non est consideratione digna.

Confutatio.

Quod quidem uicium præter alia philosophus iste in definitione ordinis à se tradita incurrisse, uidetur, sic enim ordinem definiuit, Ordo est congruens dispositio plurium uel disciplinarum, uel partium eiusdem disciplinæ, cum inter se, ut ad unum primum, ex rerum natura à dirigente de prompta, ut disciplinæ pro facultate naturam rerum amulatur, distinctæ, legentium animis eam offerant. Superflua namque est dictione illa, Congruens, si nulla est congrua dispositio, nisi quæ sequentibus uerbis significatur, & reciprocatur, nam omnis congruens dispositio amulatur naturam, & omnis dispositio naturam amulans est congruens, secundum ipsum. Causa etiam finalis in hac definitione posita eiusmodi est, ut in eam animus non acquiescat, sed ab ea potius abhorreat, inquit enim finem ordinis hunc esse, ut naturam imiteretur, quasi hoc consilio disciplinæ omnes tradantur, & discantur, ut amulemur

rius aduersario,quàm proſit,quia horum ne
mo id reſpicit ut naturæ ordinem ſeruet,
ſed ſolùm, ut, à facilioribus ad difficili-
ora progrediatur: ob id primo loco dare ope-
ram conſueuerunt ſcientiis mathematicis, de
inde naturali,poſtmodum metaphyſicæ, qui
ordo neutrum naturæ ordinem imitatur, res
enim mathematicæ neq; generatione & ori-
gine, neq; intentione, ſeu perfectione primæ
ſunt, ſed videntur res diuinæ utroq; modo ef-
ſe primæ ſecundùm naturam, quandoquidẽ
ad alias omnes referuntur tùm ut effectri-
ces cauſe, tùm ut finales. Videat ergo docti-
ſſimus iſte vir quàm concinnè hæc ſua defini-
tio tradita ſit, & quàm pulchrè conſentiant
inter ſe ipſe definitionis partes, ordinem ipſe
conſiderare vult amplè, prout etiam diuerſe
diſciplinæ ordinem inter ſe habent, & huius
ordinis communem finem eſſe vult æmulari
rerum naturam, & ipſam legentium animis
diſtinctè proponere; ſed quum manifeſtus
in his ſit ordo naturæ, quem tamen in co-
gnitione non ſequimur, ſi quidem contra-
rium in diſcendo ſeruamus, quomodo eſſe
hic poteſt finis illorum, qui diſciplinas ut ad
diſcendas diſponunt, ſi hi naturæ ordinem
nunquàm ſeruant in diſciplinis diſcendis?
pugnat itaq; ſecum hæc definitio, & ſeipſam
euertit, quum manifeſtum ſit liberales diſci-
plinas ut addiſcendas non diſponi iuxta natu-
ræ ordinem, ſed ſolùm ſecundùm ordinem
facilioris cognitionis; idq; reſpiciens Ariſto-
teles diuinam ſcientiam *per artem quædam* in-
ſcripſit, tanquàm addiſcendam poſt philoſo-
phiam naturalem: adde quòd licet libera-
lium diſciplinarum inter ſe aliquis ordo no-
tari poſſit, tamen artes effectrices nullum in-
ter ſe doctrinæ ordinem habent, niſi contin-
gat ut una ab alia contineatur, quod in pau-
cis euenire manifeſtum eſt. Quum igitur
qualibet harum ad diſciplinam redigi poſſe
uideatur, dicat aduerſarius, ſi redactæ omnes
eſſent, quenam ſit natura prior, & ordine do-
ctrinæ anteat, an ædificatoriæ, an calceariæ, an ſutoriæ; certè nec ullus eſt in-
uentus, qui omnes artes diſcere conſtituerit,
ſinguli nanque ad ſingulas ſerè naſcuntur; nec
ſi quis tali deſiderio caperetur, is aliquem
in iis ordinem fingere, aut imaginari poſſet.
Quomodo igitur in diſciplinis diuerſis imi-
tari naturæ ordinem volumus, ſi in quadri-
plurimis nullus eſt naturalis ordo, in paucis ue-
rò eſt quidem aliquis, ſed ad addiſcentibus
non ſeruatur? Inquit ne philoſophus iſte
id eſſe per accidens, & ob aliquam
occaſionem? at verò illa, quæ per accide-
ns, ſunt, raro ſunt, quæ autem per ſe, ea vel ſem-

per, uel frequentius; ſed nec Ariſtoteles di-
uinam ſcientiam metaphyſicam nominaret,
ſi per accidens poſt naturalem collocare-
tur. Alia quoque ratione ex ipſis met huius
definitionis uerbis deſumpta oſtenditur nõ
deuiſſe in ea comprehendere ordinem plu-
rium diſciplinarum inter ſe, quoniam ſi hic
eſſet ille ipſe ordo, de quo nunc loquimur,
& eiſdem rationis, atque naturæ, utiq; nec
plures diſciplinæ, nec plures partes eiſdẽ
in definitione erant exprimendæ, ſed in ip-
ſa comuni ordinis natura ſtandum erat,
dicendo ordinem eſſe diſpoſitionem plu-
rium rerum tractandarum, ſic. n. tùm plures
diſciplinæ, tùm plures unius partes fuiſſent
eõ loquutione cõphẽſcẽnã in definitione a-
nimalis nec homo, nec equus, nec alia ulla a-
nimalis ſpecies nominatur; quod in hac ſal-
tem definitione ſeruandum fuiſſet, quum
ordinis natura in fine potiſſimum ſit conſti-
tuta, finemq; unum aduerſarius omnis ordi-
nis in ea definitione ſtatuat, eiſdem rationis
eſſe ordines omnes ſignificat, & in genere
uniuoco conuenire, non in communi analo-
go. Præterea ſi plurium diſciplinarum inter
ſe ordo ſub eo, de quo loquimur, ordine con-
tinerecur, neceſſarius ſemper eſſet ut ad ali-
quam ordinis ſpeciem redigeretur, eſſetq;
uel reſolutiuus, uel compoſitiuus, hoc tamen
dicere non poſſumus, quia à mathematicis
ſcientiis ad naturalem progrediendõ, & à na-
turali ad diuinam, neutro utimur ordine; nõ
compoſitiuo, quia à poſterioribus potius ad
priora procedimus; non etiam reſolutiuo,
quia non procedimus à fine ad ea, quæ ad fi-
nem ducunt, neſas etiam eſt dicere res ma-
thematicas uel naturales eſſe finem rerum diui-
narum, quum hæc potius ſint omnium finis,
proinde ſi ſit progreſſus ad finem potius, q̃
à fine. Sed aduerſarius ipſe in cap. 18. fate-
tur ordinem inter varias diſciplinas nec cõ-
poſitiuum nec reſolutiuum appellari poſſe;
quum igitur inter nos conuenire uideatur,
illum tantummodo ordinem nobis definien-
dum proponi, qui mox in reſolutiuum, &
compoſitiuum diuidendus eſt, ſub hanc defi-
nitionem reduci ordo multarum diſciplina-
rum nulla ratione poteſt. Verba quoc; il-
li [cũ inter ſe, ſum ad unum primum] non
rectè in hac ordinis definitione poni uiden-
tur, ſi uera ſunt ea, quæ antea diximus; ſatis
enim fuit dixiſſe congruentem plurium di-
ſpoſitionem; hæc enim non poteſt intelligi,
niſi inter ſe. Quod verò dicitur, [ad unum
primum] ſi ſignificet id, quod in tractatio-
ne primum ordine eſt, uel etiam id, quod eſt
poſtremum, non omni ordini competet, ſciẽs

Repugnã
tiam di
ſtis ad-
uerſarij.

tia na-

*Species
ultima
non sunt
finis sciē
tie natu
ralis.*

tia nanque naturalis scripta ordine compo-
sitio incipit a primis principiis, quæ plura
sunt, definit in ultimis speciebus corporis na-
turalis, quæ sunt quamplurimæ; non enim
aliquod dicendum est finis, quod primum,
uel quod postremum sit, ut ait Aristoteles in
secundo libro physic. sed quod optimum,
ac præcipuum. Nec dicendum est species ul-
timas corporis naturalis esse finem naturalis
philosophiæ prout ultimo loco in ea scientia
tractantur; nam ultimo loco tractantur secū-
dum proprias tantum rationes, scopus au-
tem philosophi naturalis est eas perfectè co-
gnoscere, hoc est secundum omnes rationes
tū proprias, tū communes, scilicet & ut
naturalia corpora, & ut simplicia, uel mista,
& ut animata, & ut animalia, & ut homo, uel
equus, idque intellexit Auerr. in suo præmio
primi physic. nominans species sensiles: hoc
autem dicere est dicere genus subiectum in
scientia naturali esse in ea scientia scopum,
prout ipsum commune genus cum omnibus
à se contentis speciebus accipitur, tale autem
subiectum nec primum, nec postremum est,
sed toti sciētiæ adæquatur, & ab eo tū prin-
cipia unitatem recipiunt, quum unius subie-
cti principia sint, tū species, quum sub idem

genus reducuntur. hoc igitur rectius appel-
latur primum, idest præcipuum, & cuius gra-
tia omnia considerantur. Consonum autem
est hoc sententiæ aduersarii dicentis in cap.
17. sexti gradus ordinata ad finem recipere
formam, & rationem ab ipso fine, recipit
enim scientia formam, & rationem à subie-
cto suo adæquato; hoc igitur est finis in scien-
tia, & nullum aliud. Hoc autem si intelligat
dicens [ad unum primum] uel suam ipse sen-
tentiam evertit, uel frustra & superuacue hoc
dicit, nam si subiectum, idest eius perfectam
cognitionem finem esse asserit, iam fatetur
nostram cognitionem esse præcipuum ordi-
nis finem, & ab hac sumi rationem ordina-
di, quod quidem ipse antea negauit: si uerò
intelligat subiectum esse primum, & præci-
puum, propterea quod ea, quæ ad ipsum per-
tinent, ideo tractanda sunt, ut in iis ordinem
naturæ imitemur, iam sequentibus uerbis cla-
rè hunc ordinis finem expressit, quare non
fuit opus dicere, ad unum primum. Alia
quoque de hac definitione dici possent, quæ
missa facio; nam satis per hæc, quæ dicta sunt,
ostensum uidetur eam dialecticè traditam, &
nil serè in se habere, quod ad naturam & ef-
sentiam ordinis declarandam pertineat.



LIBER



LIBER SECUNDVS CAPVT PRIMVM.

*Quae sit propria authoris sententia de ordinum numero,
& quae aduersarij.*



QVVM haecenus de natura, ac definitione uniuersè sumpti ordinis disputatum sit, nunc ad species transeamus, de quibus duplex nos disputatio manet, una de ipsarum numero, ac de differentiis, per quas ordo in has species diuidatur, altera de iisdem speciebus ad disciplinas aptandis. De ordinum numero uidetur quidem uerbo inter nos conuenire, sed re tamen ipsa non minus, quàm de natura ordinis dissentimus. Primum quidem ille duos tantum, ut ego, ordines dari asserit, idq; multis argumentis nititur comprobare, sed postea rem magis declarans non duos, sed quatuor, & plures etiam ordines introducit, ita ut nomine duos, re plures, quàm quisquam alius, ponat, quamobrem rectius dixisset se quatuor aut sex ordinum, quàm duorum, inuentorem extitisse. Quod ad me attinet, profiteri absq; ulla hesitatione possum me apud nullum eorum, qui de ordinibus scripserunt, hanc de duobus ordinibus sententiam unquam legisse, quare etiam si huic excellentissimo uiro id condonarem, quod ipse credi uult, ipsum ante me eandem uel sequutum esse, uel inuenisse, tamen quum nil ab eo in publicum hac de re editum sit, neq; ego debui huius suae opinionis habere notitiam, neq; ipse fidem de se satis idoneam facit. Quod enim aliquis eius discipulus assertionem de hac re publicè disputandas aliquis dixit proposuerit, hoc nihil est, uim quòd per hoc non liquet an proprium ipsius discipuli id dogma extiterit, an ex praepatore acceptum, tum maxime quia in huiusmodi theorematibus proponi quandoque solent

aliqua ipsis quoque proponentibus, *reposita* quae ipsi non, quòd ita sentiant, sed uel exercendi, uel etiam ostentandi ingenij gratia tuenda proponunt; quare nihil certi de horum disputantium sententia ex talibus eorum assertionibus sumi potest, quum ipsis semper liceat se ipsos tueri dicendo se disputandi tantum gratia ea dogmata protulisse, sed mittantur haec, in iis enim nullam uim facio, uideamus qualenam eius dogma sit, & quale illud, quod me inuenisse professus sum, ut si ipse (quod spero) suum à meo tantum distare cognouerit, quantum à celo terra distat, aequo animo meam professionem ferat, uidens me nullum eius inuentum mihi unquam attribuisse, neque enim si uoluisset, id facere licuisset, neque si licuisset, optasse. Mea quidem opinio non uerborum ambagibus inuoluta, & perplexa, sed simplex, facilliq; explicatu est, eamq; breuiter exposui in cap. 6. secundi lib. de methodis ita enim res ipsa, ut primum propositum, loqui uideatur, ut pluribus uerbis ad sui declarationem non indigeat. Id, cuius ego me inuentorem fuisse, in dicto loco professus sum, non est solus ipse per se ordinum numerus, sed cum ipsius numeri ratione, quae a solis differentiis per quas genus in species diuiditur, & quae naturam specierum constituunt, sumenda est. sine hac ratione quisquis dicat duos tantum ordines dari, is ordinum numerum non cognoscit, neq; id, quod dicit, intelligit: nam, ut inquit Aristoteles in context. 39. secundum posteriorum, rem a causa pendentem sine causa cognoscere est eam ignorare potius, quam scire. Quoniam igitur iam ostenderam finem omnis ordinis esse, perfectam in suo

*Opinio
authoris
de nume
ro ordi
num.*

genere cognitionem eorum, quæ in qualibet disciplina tractantur, finem hunc, in quo tota ordinis natura consistit, in duos diuidendum esse dixi, ratione sumpta à duabus disciplinarum naturis iam à me declaratis in primo lib. de natura logicæ; Quia enim aliarum disciplinarum cognitionem simpliciter querant, & præterea nihil, aliarum vero cognitionem non propter se, sed propter operationem, & productionem al cuius externi finis, hinc emanantem duorum ordinum distinctionem, & huius numeri necessitatem collegi, oportet enim illas, quæ solam cognitionem querant, à primis principiis exordiri, qui est ordo compositionis, illas uero, quæ cognitionem dirigant ad agendum, uel efficiendum finem aliquem, qui ab homine libetè operante produci possit, ab ipsius finis prænotione auspicari, qui est ordo resolutiuus. Hæc mea opinio, hoc meum inueniunt. Propriam quoque, & à me inuentam profiteri possum consutationem ordinis definitiuæ, quæ in quarto cap. secundi libri à me diligenter scripta est, eaq; sumitur ex ipsiusmet definitiuæ ordinis natura, quoniam definitio disciplinæ nullum alium, quam prædictum, locum in disciplina habet; in transitu autem à prædicto ad tractationem nullus doctrinæ ordo constitutus est, sed in solius tractationis partibus ordinem considerare oportet. Ex ipsa quoque, disciplinarum tradendarum natura idem ostenditur, quum enim duo tantum illa dentur disciplinarum genera, & alteris solus conueniat ordo compositionis, alteris solus resolutiuus, restat inutilem, & superuacaneum esse omnem alium ordinem, quem aliquis excogitare possit. Nunc uideamus quid aduersarius de ordinum numero dixerit. Ille quidem, duos tantum inquit ordines dari, compositionis, & resolutiuum, sed tres modos statuit ordinis resolutiuæ ita diuersos inter se, ut nomen tantum commune habeant, re autem ipsa penitus discrepent, ut ex ipsa resolutiuæ ordinis definitione, in qua Galenus, & ceteri omnes consenserunt, satis clarè ostenditur, primum modum resolutiuæ ordinis esse inquit, quum ab externo fine, ut à sanitate, procedimus ad inuenienda principia; secundum quando à toto ad partes, ut si à mundo toto, eiusq; definitione ordines procederemus postea ad singulorum simplicium, corporum, è quibus mundus constat, considerationem; tertium demum, quum ab iis, quæ prædicatione sunt ultima, hoc est ab infimis speciebus ad superiora genera ascendimus. Hos igitur tres si distinctos, penitus esse ostendimus, nec eadem resolutiuæ ordinis

definitione participare posse, iam patebit, quatuor ordinis species ab hoc viro statui, tres resolutiuos, & quartum compositionis, uel, si hic quoque tribus modis esse possit, qui tribus illis respondeant, sex species ordinis ab eo ponuntur, immo etiam plures, ut mox considerabimus, ita enim varia & perplexa, & sibi ipsi repugnans est hæc eius de numero ordinum disputatio, ut ex eius lectione quot tæuera ordines dentur statuere cetera ratione nemo possit. Non minorem varietatem, & repugnantiam multiplicem in iis, quæ ab eo de ordine definitiuo dicuntur, notare possumus, primum enim, omnino eum, reprobat, deinde fatetur esse ordinem, & redigi ad resolutiuum, ac denique eodem cum ipso quoque compositionis confundere uidetur, quæ omnia postea declarabimus. Hæc igitur sententia quantum à mea distet, quisque rationis compos ex his, & ex ipsius, meisq; scriptis antea editis cognoscere facile potest: sed clarissimum omnibus hoc fiet, si omnia eius dicta, quæ consideratione digna sunt, diligenter perpenderit, & quantum in se ueritatis, ac firmitatis habeant, considerauerimus.

Repugnãtia in dictis aduersarij.

CAPUT SECVNDVM.

Consutatio sententia aduersarij de pluribus ordinibus resolutiuis.

Primum quidem hoc omnium discordantium præcipuum fundamentum statuendum nobis est, nos de uniuersali tantum ordine loqui, non de particulari. Uniuersalem uoco eum, quo tota disciplina disponi dicitur, particularem uero, qui in aliqua tantum disciplinæ parte consideratur: hoc nisi constituamus, ipsa multis aliorum caulis, & captionibus exposita sumus, ut conquisceret in ipsa rei ueritate nequeamus. hoc idem in postremo quoq; capite secundi libri de methodis protestatus sum, quippe qui non ignorans quo philosophandi genere complures utantur, ea, quæ postea contigerunt, præuidebam, forte qui dicerent plurimas ordinis species esse, nullam disciplinam uno, ac simplici ordine esse traditam, sed in una parte unum ordinem habere, in alia alium, proinde nulli disciplinæ aliquem certum ordinem attribui posse, & alia multa eiusmodi, quæ nihil docent studiosos, sed ita eorum animos perturbant, ut eos meliorem doctrinam amplecti, & ueritati adherere nō sinant. ordo heterogeneis rebus per similes est, quemadmodum enim totus homo est animal, oculi

Opinio authoris de ordine definitiuo.

Opinio aduersarij de ordine numero.

nimal, oculus autem hominis per se non est animal, sed animalis pars, ita si tota ars medica tradita est ordine resolutiuo, non est tam necesse vt quælibet pars per se sumpta resolutiuum ordinem habeat; immo si primam partem, quæ physiologica dicitur, spectemus, ea videtur habere potius ordinem compositiuum, quum ordiatur ab elementis, ab his transeat ad humores, postea ad homogeneas partes, tandem ad heterogeneas, nec propterea dicendum est artem medicam esse pluribus ordinibus traditam, hoc enim nihil rudiùs, nihil ineptius pronuntiarì potest; sed omnes illius artis partes respectu totius artis habent ordinem resolutiuum, etiam illa, quæ per se compositiuum habere videbatur, de elementis enim & humoribus & partibus humani corporis agere est agere de fine, proinde est initium ordinis resolutiuu. Quemadmodum igitur videmus totum hominem esse animal, partium autem tum nullam per se animal, tum quamlibet animalis esse, ita dicamus oportet totam naturalem philosophiam compositiuo ordine traditam esse, & in tota manifestè conspicì compositiuum ordinis naturam, proinde toti nullum alium ordinem attribui posset, quauis enim partium aliqua per se eum ordinem habere non videatur, quælibet tamen pars partem totius ordinis habet. Hoc fundamento constituto, aliisq; omnibus, quæ à me antea ostensa sunt, clara est ordinis diuisio in duas species à me facta, in compositiuum, & resolutiuum, tanquam ordines vniuersales, quorum altero necesse est quamlibet ritè traditam disciplinam esse dispositam, ita tamen, vt appellatione resolutiuu nullum alium intelligamus, nisi illum, qui communiter ab omnibus vocatur ordo à notione finis, hæc enim quasi definitio, eum fecerit ab aliis duobus Galenus in principio artis medicinalis; quare neutrum aliorum duorum putari esse à notione finis; in qua opinione omnes ad vnum ceteri consenserunt. Hoc resolutiuo, atque etiam compositiuo quòd tota disciplina tradi possit, ita ut tum hic, tum ille dici possit ordo vniuersalis, nemo negasse videtur. Sed quoniam præter hunc resolutiuum duos alios, immo etiam plures, aduersarius excogitauit, hi omnes sunt singillatim considerandi. Secunda resolutiuu ordinis species ab eo dicebatur, quando à toto ad partes progreditur; & hoc exemplo utebatur, vt si à toto mundo ad simplicia corpora consideranda progredieremur, sic enim totum resolveremus in partes, quem ordinem simillimum esse ait definitiuo, quem

Galenus posuit. Sed hunc si bene consideremus, vanum prorsus esse comperiemus, quæ res idem enim ab hoc præstantissimo viro est an putet ordinem hunc in artibus, an in scientiis locum habere, si dicat in artibus, certè non in aliis, quam in illis, quæ præter operationem aliquod opus relinquunt, quales sunt adificatoria, nauium effecrix, & alia plurima, in quibus totum & partes considerari manifestè possunt, in his itaque si dicat hanc resolutiuu ordinis speciem seruari posse, vt à toto, & eius definitione exordiu sumatur, vt à definitione domus, deinde ad partes domus transitus fiat, hoc verissime dicitur, sed sciat hanc esse primam speciem ordinis resolutiuu, est enim exordiu à fine, vt ait Aristoteles septimo metaphysic. 2. 3. domus enim in ea arte finis est: sed illud tamen est animadgertendum, quod initium sumitur à domo, non quatenus est totum, sed quatenus est finis, nam si finis artis non sit totum aliquod corporeum, sed sola operatio, vel qualitas, quæ quanta non est, non minus à fine auspicamur, quo fit vt in artibus per accidens sit vt finis, à quo exordimur, sit totum, à quo ad partes internas progressio fiat, nam in arte medica finis est sanitas, quæ corpus non est, à qua ad externas, quæ ipsam producant, causas progressus fit ordine resolutiuo. Has quidem posse huius ordinis differencias dici ego non inficio, sed vt album, & nigrum sunt differentia hominis, non vt essentielles, & quæ varias constitutere species aptæ sint, quum manifestum sit, in his omnibus eandem esse ordinis resolutiuu naturam, & easdè condiciones. Quòd si in scientiis contemplatiuis hanc resolutiuu ordinis speciem dari dicat, vt dicere videtur, dum ex naturali scientia exemplum fumens considerat progressum à toto mundo ad simplicia corpora, & quibus mundus constar, hoc ego puto absolum omnino esse rationi, quum huiusmodi ordo non modo in tota scientia, quod quidè mihi ostendere satis esset, sed neque in parte locum habere possit in tota scientia ne ipse quidè aduersarius, vt arbitror, diceret, patet enim initium scientiæ naturalis sumendum esse uel à primis principiis, de quibus in primo libro physicorum agitur, vel à definitione communis subiecti, quam in principio secundi physicorum habemus. Quòd si ab humilino di toto auspicandum esset, à mundo, incipere oporteret, mundus enim totum quoddam est omnia naturalia, corpora continens, alia vt ad molis integritatem, alia, vt ad ipsius ornatum, & perfectionem, pertinentia; sed quemodo à mundo

*Consuta
tio secun
daspecies
ordinis
resoluti
ui.*

sumi initium possit, ut primo loco de ipso mundo agatur, & ipse prius cognoscendus proponatur, quam cognoscantur partes, ego ne imaginari euidem possum, ne dum suspicari aliquem esse, qui hoc audeat assuetare, de mundo namque ita accepto non video quid docere, quam scientiam parere auctor possit dum partes mundi ignorantur; nil enim aliud hic mundus est, quam collectio naturarum omnium corporalium optimo ordine dispositarum, quare perfecta eius cognitio in sola singularum partium cognitione consistit, adeoque, Arist. in nulla naturalis scientie parte de toto hoc mundo egit, quum de singulis partibus ordinatim agere, easque omnes cognoscere sit totum corporalem mundum cognoscere. De mathematicis autem scientiis, ac de metaphysica clarior res est, in nulla. harum datur tale totum ex partibus integrantibus constans, a quo doctrinae initium sumi queat; sed certum, atque exploratum omnibus esse debet contemplatiuas scientias initium sumere ab illius totius definitione, quod totum commune, seu totum practicabile dicitur, quod est incipere a definitione subiecti amplissime sumpti. Quum igitur hic ab aduersario confectus ordo non est eiusmodi, ut eo tota scientia disponi possit, satis a me reprobatum videretur, qui de solo ordine vniuersali me loqui cum hic professus sum, tum aliis in postremo capite secundi libri de methodis sed ad plenam huius signi reprobationem ostendere etiam libet, ipsum nec in parte vlla scientia habere locum posse. Duo (ut videtur) partium genera sub praesentem considerationem cadere possunt, tum illae, quae essentialiter, tum illae, quae integrantes dicuntur; de essentialibus clara res est, harum enim tractatio tractationi totius nunquam est postponenda, quoniam si his ignoratis de toto prius agamus, nullam eius notitiam habere possumus, nisi rudem & confusam, quia sic principia eius interna ignorantur; quare & essentiam ipsius ignorari necesse est & accidentia, quae illam consequuntur. A toto quidem confuso, & confuso cognito procedere ad inuenienda principia possumus, sed is non est ordo, est methodus resolutiva, quam proponit Aristoteles in proemio primi libri physice, & quam in eodem libro seruat; ordo enim esset, si prius de toto ipso composito ageret, idque per se cognoscendum proponeretur, deinde ad declaranda principia transitus fieret, ita ut tractationem de principiis alia de composito tractatio ab ea seiuncta praecederet, dicereturque liber ille & de composito esse, & de principiis, quod quidem nec

verum est, nec fieri potest, ut demonstrauimus. Si vero de partibus secundum quantitatem acceptis loquamur, id de his dicere cogimur, quod nunc de mundo vniuersaliter dicebamus, nulla enim tractatio totius seiuncta a tractatione partium esse potest, quoniam hoc totum nil aliud est, quam partium collectio; quare si homogeneum sit, non opus est seorsim de toto, ac de partibus agere, quum eiusdem sint naturae, & eiusdem nominis: si vero heterogeneum, cuiusmodi animalia sunt, cognoscendae quidem sunt partes singulae, & diuersae singularum temperies, & munia, qualis est Aristotelis tractatio in libris de partibus animalium, sed in omnium partium distincta cognitione consistit etiam perfecta cognitio totius; ideo nullam legimus apud Aristotelem tractationem de animali toto neque ante libros de partibus, neque post; nam etiam in libris de historia de partibus agit, ruditer tamen, & pingui Minerua. Sequuntur autem libros de partibus libri de anima, deinde illi, qui vocantur partium naturales, in quorum nullo agitur de toto ipso animalis corpore, sed in libris de anima agitur de eius forma, in partibus autem naturalibus de variis eiusdem accidentibus, quare totius animalis cognitio non habetur in aliquo vno libro, sed in omnibus simul; non est tamen ignorandum, membra animalium posse vocari & partes integrantes, & essentielles, vocantur enim integrantes dum solum quantitatem corporis animalis spectamus, quantationem diximus nullam eos libros subiecti, vel praecedere posse tractationem de toto ipso animalis corpore, ac de tota eius mole: essentielles autem dicuntur, dum ad animam relaxe eam habent rationem, quam materia habet ad formam, quare animal ex his partibus, & ex anima constare dicitur tanquam ex materia proxima, & forma, hoc quoque modo totum animal nullibi ab Aristotele tractatur ut totum, sed separatim agitur de materia eius, de forma, ac de variis accidentibus in horum enim omnium cognitione consistit perfecta animalis cognitio; quae de re suis loquutus sum in libro de praecognitis. Quod autem in animali, ac eius partibus considerauimus, de omnibus similiter dicendum est. Sed video quod aduersarius confugerit, dum enim exempli gratia nominat progressum a toto mundo ad partes, videtur inuenire libros Aristotelis de caelo, in quibus ordine hoc resolutivo uti dicatur loquens prius de mundo, postea de simplicibus corporibus,

Eadem animalis partes sunt alia ratione integrantes, alia essentialiter.

*Error
multorū
de consi-
lio Aris-
t. in libro
de calo.*

corporibus, quæ sunt partes mundi; scio. n. plurium sententiam esse quod in iis libris consilium Aristot. sit agere de mundo; de simplicibus aut corporibus agat non per se, sed propter mundum, & ut sunt principia mundi: hæc tamen sententia minimè vera est; nec ab Aristotele ibi seruantur is ordo resolutiuus, immo nec seruari potest; primum quidem sententiam hanc ipsa Aristotelis tractatio refellit, qui non à mundo exorditur, sed à corpore simplici, de quo ante omnia loquitur, & pauca quædam, quæ de ipso generaliter sumpto dici poterant, exponit, postea in species diuiso incipit à primâ specie, nempe à cælesti corpore, cuius naturam diligenter inuestigat, eamque per negationem declarat, docens nec graue esse, nec leue, neque generationi, neque interitui, nec alterationi, nec accretioni, nec immutationi obnoxium: deinde uerò in toto illo primo libro loquitur de mundo, ostendens ipsum & finitum esse, & unum, & æternum: mox in secundo libro iterum agit de cælesti corpore, ac demum in tertio & quarto de quatuor elementis, tractatio igitur de cælesti corpore non magis sequitur, quàm præcedit tractationem de mundo: immo eo magis præcedit, quàm sequitur, quod tractatio de ipsa rei substantia principalior est tractatione de accidentibus consequentibus qualis est tractatio de calo in eo secundo libro. Sed iam ueritatem patefaciamus, ut appareat quàm uana & commentitia sit huius resolutiuæ ordinis exortatio. De simplicibus corporibus Aristoteles ibi agit propter se, non propter mundum, nisi intelligamus idem prorsus esse ea propter se tractari, & propter cognitionem mundi, hoc enim uerissime dicitur, quoniam mundus nihil aliud est, quàm quinque simplicia corpora sic ordinata; quare ea cognoscere est mundum cognoscere: quo fit ut etiam si Aristoteles nusquam in his libris ullam mundi mentionem fecisset, liceret tamen dicere eos libros esse de mundo, nā cognoscere singulorum illorum corporum naturas, & motus est cognoscere grauiam ut substantia leuibus, & hæc omnia à totius corpore undique circumdata, quod est cognoscere mundum. Dūmodo igitur in hunc errorem non labamur, ut dicamus simplicia corpora, in iis libris non ut subiectum, sed ut principia considerari, ut illi dicunt, non erramus dicendo ibi agi de mundo. Quod uerò aliqui dicunt, tractationem, quæ primo loco habetur de natura cæli, non esse propter se, sed propter tractationem de mundo, uanum est, quia natura cæli est per se dignissima co-

gnita, ergo propter se alicubi tractanda, ubi nam igitur, si non in eo loco? uultus igitur processus datur uel compositiuus à simplicibus corporibus ad mundum, uel resolutiuus à mundo ad simplicia corpora. Sed quomodo procedit Aristoteles à calo ad mundum, deinde à mundo ad cælum? Dico seriem tractationis Aristotelis artificiosam plenam esse; uult enim agere de simplicibus corporibus, ideo primo loco de simplici corpore communiter loquitur in principio primi libri postea uerò de speciebus, de calo quidem in primo & secundo, ac tandem de grauiibus & leuibus in tertio & quarto; agens autem de calo, primo loco naturam cælestis corporis declarat in prima parte primi libri, deinde ad accidentium considerationem transit, horum autem duo erant, genera, alia namque & si solam cæli naturam insequuntur, tamen in totum mundum redundant, de quibus agitur in tota reliqua parte primi libri; Quod enim finitudo molis, unitas, & æternitas, quæ ibi attribuantur mundo, à sola cæli natura emanant, quisque ea considerans, cognoscere facili potest; ideo Aristoteles uolens ea demonstrare de subiecto adequato, maluit ea attribuire mundo, quàm calo; sed quoniam solam cæli naturam insequuntur, ideo eorum tractationem inferre ac committere uoluit cum tractatione de quinto corpore, & de his statim agere post tractationem de natura cæli: postea uerò in secundo libro sermonem profequitur de accidentibus cæli, transiens ad alterum accidentium genus, nempe ad illa, quæ quinque cæli naturam insequuntur, à calo cum aliis corporibus non communicantur; neque enim dici potest communicari motum, quantum enim à calo inferiora corpora moueantur in orbem, non tamen simplici motu, quare suum simplicem motum cum nullo corpore cælum communicat. Quisquis hæc, quæ diximus, bene consideret, liberosque Aristotelis de calo legat, & intelligat, facili cognoscet quàm uana & absona rationi sit hæc sententia, quod à mundi consideratione ad partes progredi possimus ordine resolutiuo, nam præterquam quod talis progressus non datur, non est etiam à fine ad eam, quæ sunt ante finem, nam dicere cælestia corpora esse propter mundum, tanquàm propter finem, est dicere propter se ipsa, nam quodlibet naturale corpus propter se ipsum est, idque non solum de simplicibus dicimus, uerum etiam de mixtis; quare petendum ab aduersario esset

Artificiosa series tractationis de calo.

*Consilium
Aristot.
in libro
de calo.*

cur à mundo quoque ut mixta complectente non processerit Aristoteles ordine resolutionis ad mixta; nulla certe asseri ratio potest, quia hæc omni prorsus ratione carent; tractatur enim in scientia naturali omnia corpora naturalia propter mundum, idest ut cognoscamus omnia corpora, quæ in mundo existunt; hoc autem est dicere, propter ipsamet,

Reprobatio tertie speciei ordinis resolutionis.

& ut ipsa cognoscantur. In tertia autem resolutionis ordinis specie confutanda non est quod tempus conteramus; iam enim eam abunde confutauimus in secundo libro de methodis cap. septimo & octauo, & miror quod aduersarius illa, quæ a me ibi dicuntur, non uiderit. uidetur autem ipsemet huius ordinis uanitatem confiteri, dum inquit magis contingere in methodo, quam in ordine, ut ab ultimis speciebus ad superiora genera, & ad principia ascendamus; reuera enim si talis progressus datur, methodus potius est, quam ordo; immo nullo pacto potest esse ordo, ut in memorato loco demonstraui. Mihi etiam uidetur philosophus iste præter has tres resolutionis ordinis species etiam quartam excogitasse, quam tamen postea in illa specierum enumeratione prætermisit, nam in capite 12. inquit Aristotelem uti ordine resolutionis diuisum aliis sensibus anteponeit, & tactum post ponit; nam hæc progressio a uisu ad tactum ad nullam dictarum trium specierum redigi potest, non ad primam, quam ipse uocabat a fine ad principia, quoniam uisus non est aliorum sensuum finis, ut antea ostendimus: non ad secundam, quia a uisu ad tactum procedere non est procedere a toto ad partem, qualis esse processus à mundo ad simplicia corpora fingebatur; nec demum ad tertiam, quia non est progredi à specie ad genus, igitur quàm confusa, ac debilibus nixa fundamentis sit hæc ordinum declaratio quisque uidere potest; quando enim species ordinis resolutionis euumerat, trium tantum mentionem facit, alibi tamen alias præter has nominat, tum quartam illam, quam modo diximus, tum alias quoque, quas postea tangemus. Quam igitur diuersa eius sententia a mea sit, clarissimum est, ego enim unum tantum posui ordinem resolutionis, qui est a notatione finis ad inuenienda principia, & finem illum solum intellexi, qui agi uel effici a uobis liberè operantibus possit; ipse uero tum ad alios fines ordinem hunc extendit, tum alios modos resolutionis ordinis introducit, quos ego iam reprobauimus, quomobrem an ipse in duorum ordinum assertoribus numerandus sit alii iudicent; mihi quidem uidetur duo tantum ordinum nomina ab eo proponi, sed

Quarta species ordinis resolutionis ab aduersario adiecta.

Reprobatio in diebus aduersarii.

ordines plurimos. neque etiam iisdem differentis ad ordinem diuidendum utitur, quibus ego usus sum, immo nullis utens differentis hanc diuisionem, seu potius inordinatam enumerationem commentus est; propterea rationes illæ, & philosophorum testimonia, quæ ab ipso ad comprobandam de duobus ordinibus sententiam asseruntur, quæ tuncque robotis habeant (parum enim, meo iudicio, habent, & a proposito aliena sunt) pro me omnia faciunt, quum ego uerè duos ordines statuam; hæc igitur omnia misa facio, tum quia leuissima esse puro, tum quia, si quam uim habent, mihi, non illi suffragantur.

CAPUT TERTIUM.

Confutatio eorum, quæ ab aduersario dicuntur de ordine definitiuo.

IN iis etiam, quæ ab illo de ordine definitiuo dicuntur, magna inconstantia, & uarietas esse uidetur, nam reprobat omnino ordinem definitiuum, licet in firmis, & uix probabilibus argumentis; & eundem inquit redigi ad resolutionem, quia est dissolutio definitionis in partes, ut etiam asserere Galenus uidetur in principio artis medicinalis: eundem igitur & reprobat, & admittit; dum enim ipsum ad resolutionem reducit, ordinem esse fatetur, quæ in re discrepat omnino a sententia mea, quum ego illius progressus naturam considerans ostenderim nullum esse ordinem à definitione scientiæ ad scientiam ipsam, quoniam definitio illa locum processui habet, in processum autem nihil adhuc tractatur; quare nullus potest doctrinæ ordo considerari inter processum & tractationem, sed solum in serie partium tractationis; quoniam igitur à definitione disciplinæ ad ipsam disciplinam procedere nullus doctrinæ ordo est, ideo ad nullum ordinem redigi potest hic ordo definitiuus, quatenus procedens à definitione disciplinæ ad disciplinam: licet enim artem medicinalem Galeni dixerim habere ordinem resolutionis, quatenus in ipsa tractatione proceditur a sanitate corporum, quæ est finis, ad causas & principia sanitatis, qui uerè est ordo resolutionis etiam omnino abiecta illa artis medicæ definitione, tamen progressum ipsum ab ea definitione ad artem nec ordinem per se esse, nec ad vllum doctrinæ ordinem redigi arbitror. Philosophus autem iste dum ipsum redigit ad resolutionem,

Reprobatio in diebus aduersarii.

latum, iam doctrinæ ordinem esse confite-
tur, nec ulla in re discrepat à sententia Gale-
ni, quam medici sequuntur, nam Galenus
quoque asserit hunc ordinem posse appellari
resolutionem, nec tamen sub resolutione or-
dine ipsum comprehenderat, sed ab eo peni-
tus distinxerat, quia non ignorabat eam esse
soli nominis convenientiam, proinde sub
eadem ordinis specie univocè dicta eos con-
tineri non posse; rectè ergo fecit distinguens
hunc resolutionem ab altero propriè dicto re-
solutione, qui est à notione finis. Ex his colli-
gimus aliam varietatem & repugnantiam in
huius clarissimi viri dictis, nam qui tres reso-
lutiui ordinis species esse statuerat, immemot
eorum, quæ antea dixerat, ubi aliam etiam
præter eas quartam commemorauerat, nunc
etiam quintam adiicit, dum definitivum di-
cit esse speciem quandam resolutionis; hic .n.
distinguitur ab eo, quem vocant à notione
finis, quia definitio artis non est finis ipsius
artis, nec non ab illo qui est à toto ad partes
integrantes, nisi hic quoque ambiguus nomi-
nibus vti velimus, & æquiuocè sumere to-
tum & partem. sic etiam à tertia specie, quæ
est à speciebus ad genera, ut patet; ac denum
à quarta, quia non est processus à posteriori
ad prius, qualem dicebat esse à visu ad tactu.

*Quinta
species
ordinis
resoluti-
ui ab ad-
versario
posita.*

*Repugn-
tia in di-
ctis ad-
versarii.*

Aliam quoque repugnantiam, eamque multi-
plicem in eius dictis notare possumus, nam in
calce capitis 23. refutat illorum opinionem,
qui dicunt eum tantum esse ordinem definiti-
vum, quando à definitione disciplinæ auspi-
camur, inquit enim definitivum ordinem ef-
se etiam incipiendo à definitione subiecti,
vel à definitione finis, quare tres definitiui
ordinis species esse ait, quatenus ordiri à de-
finitione tripliciter possumus, vel à definitio-
ne disciplinæ, vel à definitione subiecti, vel à
definitione finis. Primùm quidem in hoc sibi
ipse aduersatur, quòd qui prius dixerat defi-
nitivum redigi ad resolutionem, hic ipsum re-
digat etiam ad compositivum, nam incipere
à definitione subiecti est proprium ordinis
compositivi scientiarum contemplatiuarum;
quare si hic potest etiam vocari definitivum,
scientia naturalis, quam compositivo orde-
ne traditam esse sonat, etiam definitivo tra-
dit dicetur, quoniam secundum librum phy-
sicorum Aristoteles auspicatur à definitione
subiecti totius scientiæ naturalis. Alia quo-
que notum digna repugnantia, & ea quidem
manifestissima, in eius dictis est, quòd quum
certum fit cuiuslibet disciplinæ initium à de-
finitione sumi, ut sæpe in libris meis logicis
à me dictum est, præsertim verò in quarto
cap. secundi libri de methodis, si hoc faci-

*Repugn-
tia in di-
ctis ad-
versarii.*

ordinem definitivum, certè omnis ordo est
definitivus, eoq; scientiæ omnes, & artes tra-
ditæ sunt; vel igitur per hanc conditionem
constituitur propriè sumptus definitivus pro
ut ab aliis distinguitur, vel communiter sum-
ptus, qui alios complectatur; si dicat esse de-
finitivum propriè acceptum, ergo excludun-
tur omnes alii ordines, & solus datur ordo
definitivus, itaque non rectè ipse dicit dari
compositivum, & resolutionem: si verò dicat
esse latè sumptum definitivum, quod qui-
dem magis dicendum est, ipse manifestè tres
huius species ponit & nulla ex parte disidet
à sententia medicorum, inquit enim vel pos-
se initium sumi à definitione disciplinæ, vel à
definitione subiecti, vel à definitione finis;
nulla certè alia ratione Galenus, ac medici
possent ex ipso ordinum initio ipsorum dis-
ferentiam significare, nam secundum ipsos
ordo definitivus incipit à definitione disci-
plinæ, compositivus à definitione subiecti, re-
solutivus à definitione finis, non enim potest
attribui resolutioni quòd ordiatur à definitio-
ne subiecti, quandoquidem in artibus, & in
actiuis disciplinis non est necessaria perfecta
subiecti cognitio, sed rudis & imperfecta
sufficit in quamplurimis, ut in secundo libro
de natura logicæ, & in secundo de methodo
diximus; non est igitur necessarium ipsum de
finite, est tamen necessarium definire finem.
Quid ergo aliud est hoc, quam tres distin-
ctos ordines cum Galeno confiteri? non est
igitur hic vir clarissimus inuentor, nec asser-
tor duorum ordinum, quum tres quoque,
atque etiam plures ordines statuat, sibi;
ipse non confiteri.

CAPVT QVARTVM.

*Argumenta aduersarii, quòd cuiuslibet disciplinæ
cuiuslibet ordo conveniat.*

ID tamen considerandum manet, cui di-
sciplinæ quis ordo conveniens sit, ego
enim dixi solum compositivum scientiarum
contemplatiuis aptari posse, operatrici-
bus verò solum resolutionem. Quod confite-
ri cogitur quisquis differentias, quibus ordo
à me in species diuisus est, admittat, quum
enim ab ipsa scientiarum contemplatiuarum
natura deductus sit ordo compositivus, à na-
tura autem operatrium resolutionis, oportet
essentialem ac necessarium illis esse compo-
sitivum, his autem resolutionem: sed hanc
sententiam philosophus ille efficaciter impu-
gnat, nititurque tum ostendere, quamlibet di-
sciplinam utrolibet ordine tradi posse indi-
cunt

stincte pro docentis arbitrio, tūc soluere cuncta argumenta, quibus ego ad id probandum usus sum. Argumenta quidem, quibus ipse contra me utitur, ad octo redigi videntur. Primum tale est, A scientia naturali transeundo ad metaphysicam, à posterioribus ad priora procedimus, ergo in scientiis vtitur etiam ordine resolutiuo; nam si procedere à prioribus origine est componere, necesse est ut procedere à posterioribus sit resolueret.

*Primum
argumen-
tum.*

*Secundū
argumen-
tum.*

*Tertium
argumen-
tum.*

*Quartū
argumen-
tum.*

*Quintū
argumen-
tum.*

*Sextum
argumen-
tum.*

*Septimū
argumen-
tum.*

*Octauū
argumen-
tum.*

Secundò confirmat multorum philosophorum testimonio, qui contrariis ordinibus de sensibus egerunt, nam alii à tactu ad usum progressi sunt, ut Plato & Auicenna; alii à visu ad tactum, ut Aristoteles; atqui prior origine visu tactus est, ergo illi compositiuo ordine usi sunt, hic autem resolutiuo. Tertio vtitur ratione sic, Vterque ordo in rebus naturæ inest, ergo nos, qui in scientiarum traditione naturam emulati uolumus, possumus utrunlibet arbitratu nostro seruare. Quarto argumentatur de artibus, Datur in rebus arte factis vterque ordo, vnas intentionis, alter originis, ut patet, ergo similiter in artium traditione utrolibet ordine uti possumus. Quintò sumit argumentum ex verbis Aristotelis in initio primi libri physic. ubi philosophus inquit in omni disciplina, habente principia, cognitionem aliorum acquiri ex cognitione primorum principiorum: atqui artes omnes propria principia habent, & traduntur singule ex principiis notis, ergo de his quoque uera est propositio Aristotelis; patet enim etiam in his cognitionem aliorum pendere à cognitione principiorum; Quare si verba illa indicant ordinem compositiuum, artes quoque hoc ordine, tradi possunt. Sextò considerant aliquarum artium traditionem, traditur ars medica incipiendo ab elementis, ab his transeundo ad huiusmodi mores, & ab his ad solidiores partes, qui est ordo compositiuus: similiter in Grammatica exordium sumitur à litteris ordine compositiuo: sic in aliis artibus, quæ magis subiciuntur contemplationi; ergo artibus quoque, conuenit ordo compositiuus. Septimò inquit, nulla ferè est disciplina, quæ unum & eundem ordinem seruet ab initio ad calcem, in aliqua enim parte scientiæ naturalis appareret ordo compositiuus, in aliqua alia resolutiuus, ut de sensibus diximus, sic etiam in partibus artis medicæ hoc manifestissimum est, ergo cuiuslibet disciplinæ vterque ordo conuenit; id enim non contingeret, si quælibet à duorum altero abhorreret. Tandem considerat verba Aristotelis in principio libri de sensu & sensibilibus, ubi inquit inde incipere

medicum ubi definit philosophus naturalis, atqui vltimum in scientia naturali à quo incipit medicus, non est ipse artis medicæ finis, sed potius eius principia, vt elementa, & primæ qualitates; ab his autem initium artis medicæ sumere est ordine uti compositiuo, ergo significat Aristoteles artem medicam seruare ordinem compositiuum.

CAPITULUM QVINTVM.

Argumenta authoris, quibus ostenditur ordinem compositiuum solis scientiis contemplatiuis conuenire, & resolutiuum solis operatricibus.

ARgumenta autem mea, quibus ego ostendere nixus sum ordinem compositiuum solis scientiis contemplatiuis aptari posse, & resolutiuum solis operatricibus, hæc sunt: Primum quidem de scientiis contemplatiuis argumentum sumpsi ex uerbis Aristotelis in principio primi libri physic. ubi dicit in omni disciplina habente principia ex principiorum notitia pendere omnem aliorum cognitionem, in omni igitur scientia auspicandum est à primis principiis, qui est ordo compositiuus, ideo Auerrois interpretationem approbaui, qui ibi dicit Aristotelem per methodos significare solas scientias contemplatiuas. Secundò ita argumentatus sum, in scientia nullus datur finis, à quo exordium sumi posset, ergo nullum in scientia locum habet ordo resolutiuus, antecedens probauit, quoniam scientia nullum alium finem habet, quæ cognitionem; hæc autem non est quid diuersum ab ipsa re cognita; quare ab hac nullus constitui potest ordo resolutiuus; solus igitur compositiuus scientiis conueniens est. Tertio loco quod artibus solus conueniat ordo resolutiuus, afferbam Aristotelis verba in septimo metaph. context. 23. ex quibus colligitur contrarium esse ordinem artis docentis ordini artis operantis. Atqui manifestum est ordinem artis operantis esse compositiuum, ergo necesse est ordinem artis docentis esse resolutiuum, nec posse esse compositiuum: Quartum argumentum, ad idem probandum ex Aristotele sumpsi in cap. 3. tertii lib. ethic. ubi dicit finem nunquam probari, nunquam de ipso consultari, sed de mediis ad finem ducentibus; hæc enim possunt esse ignota, finis nunquam. Atqui incipendum semper est à notis, ergo semper à fine. Quintum argumentum ipse pro me adiecit, quod licet à meis scriptis colligi possit, tamen expressum

*Primum
argumen-
tum.*

*Secundū
argumen-
tum.*

*Tertium
argumen-
tum.*

*Quartū
argumen-
tum.*

*Quintū
argumen-
tum.*

expressum à me non fuit, Pars theorica in omni arte præcedit parti practicæ, in parte autem theorica declaratur subiectum & finis, ut in medica arte patet, deinde verò in parte practica queruntur remedia & principia; hæc autem est resolutio finis in sua principia, qui est ordo resolutiuus. sic ciuili disciplina incipit à summo bono, qui finis est, delinit in legibus, quæ sunt principia ad summi boni adeptiorem conferentia.

CAPVT SEXTVM.

Responsiones aduersarij, & ipsarum impugnationes.

Respon-
sio ad pri-
mum.

AD hæc omnia argumenta ipse respondet, & ad primum sumptum ex initio, primi libri physic. inquit negligendum prorsus esse argumentum hoc, quoniam propositio illa Aristotelis, si ordinem significat compositiuum, non minus artibus, quam scientiis ordinem hunc attribuit, quoniam, ut antea dixerat, artes quoque, sua principia habent, ex quorum cognitione cognitio aliorum acquiritur, quare sequitur in illis similiter esse à principiis ordiendum, qui est ordo compositiuus; nec minus artes, quam scientiæ possunt vocari methodi, ut manifestum est. Ad hoc autem comprobandum adducit ipse verba Arist. in initio 6. libri metaph. quæ sunt hæc [principia, & causas queruntur entium; patet autem quod quatenus entia sunt; est enim aliqua sanitatis, ac bonæ habitudinis causa; sunt etiam mathematicorum principia, elementa, & causæ, & vniuersæ omnis scientia dianoetica participans ratione in causis, & principiis versatur aut certioribus, aut simplicioribus] patet igitur Aristotelem extendere suam propositionem etiam ad artes, & aperte ibi nominare principia & causas & elementa artis medicæ. Inquit præterea meam hæc rationem non probare ordinem hunc à principiis esse ordinem compositiuum, quum enim dictum iam sit omnem disciplinam à quibusdam notis principijs auspiciari, etiam illas, quæ dicuntur traditæ ordine resolutiuo, manifestum est quod à primis principiis procedere non semper est ordine vti compositiuo, sed quandoque etiam resolutiuo. Sed hæc debilis, ac leuius sententia, & vno idem omnia cotruunt, querendum enim ab hoc erudito viro est an Aristoteles in initio primi libri physic. dicens principia & causas & elementa, intelligat sola principia rei, quæ essendi principia vocari solent, an principia cognoscendi; si dicat prin-

Impugna-
tio.

cipia cognoscendi, propositio Aristotelis absurdum est, quin manifestam eugationem habet, quum idem prorsus sit sensus prædicati, & subiecti; erit enim sensus talis, in omni disciplina habente principia cognoscendi cognitio omnium pendet ex eorum principiorum cognitione; verò principia cognoscendi non dicuntur nisi illa, ex quibus reliqua cognoscuntur, petinde igitur est, ac si dicat, in omni disciplina, in qua sunt aliqua principia, ex quibus omnia cognoscuntur, ex iis omnia cognoscuntur. Præterea, quum manifestissimum sit omnem prorsus disciplinam suam habere cognitionis principia, non opus erat Aristoteli dicere, in omni disciplina habente principia cognitionis. Ut igitur hæc Aristotelem intelligere principia rei, & à re ad cognitionem argumentari, ut sensus illius propositionis sit, in omni disciplina, in qua aliqua sint principia, ex quibus alia sunt, eorum cognitione pendet aliorum cognitio. Comprobatur maxime veritas hæc ex ipso Arist. consilio, ac scopo in eo primo libro, qui non est agere de principijs cognitionis, sed de principijs rerum naturalium, quæ dicuntur elementa; & quum in primo contextu, collegisset de principijs esse primo loco agendum, postea in secundo considerat hæc abscondita, & ignota offerri, illeque via aliqua videri esse ad ea cognoscendum; at principia cognitionis non possunt offerri nobis incognita, quomodo enim cognitionis principia dicerentur? Hoc idem apertissimum confirmatur ex eo ipso loco, quem aduersarius pro se adduxit in primo context. 6. metaph. quum enim in arte medica sanitas sit principium cognitionis tantum, non rei, nam in arte proponitur finis non ut causis, sed ut effectus producendus, ad cuius productionem idoneis principia queruntur, Arist. tamen non dicit sanitatem in arte medica esse causam & principium, sic enim principia cognitionis intelligeret, sed dicit esse in illa arte aliquas sanitatis causas, quare loquitur de principijs rei. Patet igitur propositionem illam Arist. in initio primi libri physic. solas complecti scientias contemplatiuas, artibus aptari nullo modo posse, in his enim sunt quidem aliqua prima principia, & elementa rei, ut in arte ædificatoria lapides, & cimenta; ex his tamen non pendet cognitio reliquorum, sed potius postremo loco hæc cognoscuntur ex cognitione finis; ob id notandum etiam est discrimen horum duorum locorum Arist. Nam in initio primi physic. aggressurus conditionem scientiæ contemplatiuæ non solum duxit esse

Declaratio
propositio-
nis
Arist. in
initio li-
bri Phy.

dixit esse aliqua prima principia rerum naturalium, sed etiam dixit omnem cognitionem in scientia naturali ex illorum cognitione pendere, hanc innuens rationem, quoniam philosophia naturalis est scientia contemplativa, in qua nil aliud quaeritur, quam perfecta cognitio rerum naturalium; in principio autem sexti metaph. dicit quidem esse, in omni disciplina principia aliqua essendi, non tamen dicit ex horum cognitione, procedi ad cognitionem reliquorum, quia hoc de artibus minime verum erat. Sed dicit ne fortasse aduersarius causas sanitatis ab Aristot. intelligi non medicamenta & remedia, sed elementa, & primas qualitates, à quibus medicus auspicatur? non est incredibile quòd hoc dicat, sed certe clarissimum est verba Aristotelis hanc interpretationem non accipere; Nam si Aristoteles dixisset principia artis medicae, verisimilior vtique, licet omni non falsa, hæc expositio extitisset; at quum dicat causas sanitatis, non potest elementa si gnificare, sed illas tantum, quæ à Galeno quoque in libro suo de arte medicinali causæ salubres appellatæ sunt, à quibus nulla ratione potest artis medicae initium sumi; quo fit vt et ætatis compositio ordine tradi non possit; omnis enim disciplina à quibusdam cognitionis principiis progreditur, sed non omnis à principiis rei, qui solus est ordo compositiuis. Ad secundum argumentum, videtur concedere scientiam non esse talem finem, qui in disciplina contemplatiua resolutionum ordinem constituat (quod tamen alibi negat) sed dicit statim in scientiis contemplatiuis causas rerum finales, à quibus possumus progredi ordine resolutionis; forma enim est finis generationis, & propria operatio est finis rei genitæ. Sed hæc solutio per ea, quæ in postremo cap. tertii libri de methodis diximus, satis infringitur, quando .n. in scientia naturali causæ rerum finales considerantur, ea est methodus demonstratiua, à causis finalibus, quam alias declarauimus in secundo lib. de medio demonstrationis, non enim prius de fine agere Aristoteles dicitur, sed ex fine rationem asserit effectuum naturalium, quod ipsius Aristotelis testimonio manifestè comprobatur, nam in secundo phys. declarans quas rerum naturalium causas debeat naturalis philosophus indagare & cognoscere, inquit omnia quatuor genera causarum esse à naturali philosopho cognoscenda, potissimè verò finem, quoniam naturalia quicquid agit, propter finem agit, vt ibi longo sermone demonstrat: patet autem Aristoteli eo in loco non proponere ordinem

io illa scientia seruandum à causis ad effectus, sed declarare methodum, quæ est vfusus, quum enim illa sit contemplatiua scientia, quæ demonstrat effectus per suas causas debet, iure vult ibi prius docere ex quibusnam causarum generibus sint effectus naturales demonstrandi, idque ipse clarè proficitur in contextu vigesimo septimo illius secundi libri, dum de causis agendum proponit, illius enim extractionis rationem hanc adducit, quoniam sciendi gratia traditur scientia naturalis; scire autem non arbitramur, nisi cognoscamus propter quid, hoc autem est habere primum causam, ideo vt rerum naturalium scientiam adipiscamur, & habeamus propter quid, causas nosse debemus, vt ad illas reducere possumus quaesitorum nostrorum quodque. Certum autem est non ordinis, sed methodi esse scientiam parere & declarare propter quid; hoc enim de ordine dicere ridiculi essemus, patet etiam non ordinis, sed methodo demonstratiue attribui quòd resoluat effectus quaesitos in sua principia, dicunt enim libros de demonstratione, vocatos esse resolutorios, quoniam demonstrare est conclusionem in sua principia resolueret. Omnia igitur Aristoteles verba declarat Aristoteli propter demonstrationis methodum ibi dicere causas in scientia naturali esse considerandas. Quòd verò ibidem aduersarius nescio qua occasione carpit id, quod ego dixi, ordinem semper esse à notis nobis, id in præsentia considerandum non est, satis enim hæc in re omnem difficultatem sustulimus in cap. 8. & 9. primi libri de methodo, vbi diligenter declarauimus quomodo ordo sit semper à notioribus nobis; licet enim ignotum esse possit id, à quo auspicamur, vt principia naturalia in scientia naturali, ea tamen cateo dicuntur notiora, quatenus sine eorum cognitione, non possumus aliorum perfectam in eo genere scientiam consequi. Ad tertium argumentum, quod ego ex context. 23. septimi metaph. sumebam, ipse tres asserit responsiones, & inquit me res confunderet, nec distinguere ea, quæ distinguenda sunt; sed huic crimini verè nostrum sit obnoxius, alii iudicabunt. Prima eius responsio est, nil aliud ex eo loco sumi, nisi duos in omni disciplina esse motus, vnum rationis, alterum productionis; sed hoc (inquit) non est artium proprium, nam in scientiis quoque contemplatiuis vtrunq; motum inspicere est, vt de scientia naturali testari videtur Aristoteles in calce secundi libri physic. dicens naturam omnia agere propter finem, quare possumus in rebus naturalibus considerare hunc du-

*Respon-
sio ad se-
cundum.*

*Impu-
gnatio.*

*Respon-
sio ad
tertium
triplex.*

Prima.

hunc duplicem motu, quo natura vsa est, vnu rō
nis, quo à proposito sibi fine progressa est ad
inuenienda principia, alterum productionis,
quo ex principiis inuenta finem illum, à quo
primo mota est, produxit: itaq; si ex eo loco
sumeretur artes solo tradi posse ordine resolu
tuo, non minus inde colligeretur scientias
quoq; eum vnum ordinē recipere. Secūda re
sponſio est, Arist. ibi non de ordine, sed de
methodo loqui, quum consideret illationem
principiorū ex fine proposito, methodo naq;
non ordinē, illatio cōpetit. Tertia demū solu
tio est, dari quidē in artibus duplicē hunc ordi
nē, vnum intentionis inferuentē inuentioni
mediorū, alterum productionis operū, qui in
seruit ipsi productioni; sed ille, qui disciplinas
tracit, potest vtrūlibet ordinē imitari, quo
cras ita in artibus datur vtque ordo, vt ar
tes vtrōlibet ordine tradi possint. Ego verō le
uissimas esse has oēs responſiones ostendo. In
prima quidē philosophus iste confundit rō
nem, & productionē à natura factas cum illis,
quæ sunt à nobis, quæ rō maxime distinguen
de sunt, nisi à simili argumentari velimus, à
natura producente res naturales ad nos pro
ducentes res artificiosas per habitum artis;
sic, optima est argumentatio, quæ meā sen
tentia mirifice suffragatur: sed dum ex hoc
duplici nature motu inferre vult duplicem
esse nostrum motum in rebus naturalibus,
decipitur, quia magna est dissimilitudo, quā
vel equus videre posset, natura. n. producit res
naturales, nos verō eas non producimus: na
tura antequam producat, præmeditando in
quirit media ex proposito sibi fine, cuius gra
tia agit, isq; vocatur motus rōnis, directus
tamen ad operationem & productionem re
rum; nos verō res naturales cognoscere vñ
voluimus, & ita cognoscere, vt sola cognitio
scopus noster sit, nec in vllam productionē
naturalium rerū dirigatur; ideo vñ tantum
à nobis fit motus, non duo, vt ille imaginatur,
nempe solus motus rōnis, non motus produ
ctionis, quauis. n. consideremus et productio
nem, & rōnem nature, neutra tamen conside
ratio in nobis dici potest motus productionis,
sed vtraq; est motus rōnis; hoc. n. al
lud est, quā considerare oēs rerum causas,
vñ illas ex quibus res à natura sunt produ
ctæ, vñ finalem, quæ mouit naturam ad eas
producendas; & quia has oēs causas ideo con
sideramus, vt per eas cognoscamus res natu
rales; ideo totus iste processu noster est me
thodus, quia scire volumus propter quid, eaq;
est Aristotelis mens in totū illo secundo li
bro phys. vt antea ostendimus; itaq; non de
beamus ex vtrōq; ordine à natura in rebus na

turalibus seruatō colligere nos quoque in eis
dem vtrūq; ordinē seruare, propterea q; no
bis non cōpetit nec rerum naturalium pro
ductio, nec illa cognitio, quæ ad eundem p
ductionem dirigitur, nam vtraq; hæc est natu
ræ propria. Quid si à natura producente
res naturales argumentari velimus de nobis
producentibus res à nobis factas ex arte, opri
ma argumentatio est, sicut. n. natura motui
productionis, qui compositius est, præmittit
motum rōnis resolutiuum, quo ex fine pro
posito principia inquiri, ita nos productio
ni rerum artificiosarum, quæ per compositio
nem sit, præmittimus progressum rōnis, quo
ex fine constituto principia inuenimus ordi
ne resolutiuo, ex quibus postea res artificio
sas producimus ordine compositiuo. Ex his
itaq; oibus, & ex illis Arist. verbis nil aliud
colligitur, nisi quod noster ille motus rōnis
est resolutiuus in iis tantum, quæ à nobis po
tēst fieri producenda, non in illis, quæ cogno
scere tantum volumus: & q; natura in rebus
naturalibus vtrōq; ordine similiter utitur, re
solutiuo in inquirendis principijs, & compo
sitiuo in rebus producendis. Motus igitur rō
nis à natura factus ante rerum naturalium
productionem, & à nobis ante productionē
rerum artificiosarum est ex necessitate resolu
tiuus, eaq; est Aristotelis sententia in illo
23. contextu. Prima igitur responſione argu
mentum meum non soluitur: sed neque secū
da, quia quum ibi Arist. duos consideret
motus, ut ipse aduersarius confiteatur, & ut
negare, etiam si vellet, non posset, vñum ra
tionis alterum productionis, ergo si ibi de
methodo, non de ordine loqueretur, opor
tueret vtrūq; motum esse methodum, ut il
lorum inter se motuum comparatio ab Ari
stotele facta congrua esset; atqui motus pro
ductionis non est methodus sed solum ordo;
nam methodus, prout ab ordine distinguitur,
ad solum dirigatur cognitionem, quam
parit, non ad operationem, nisi remotē & per
cognitionem mediā; ergo alter quoq; prior
motus ordo est. Neque obstat quod illatio
nem habeam; tam enim in libris nostris often
dimus resolutiuum ordinem methodum ha
bere coniunctam, eumq; significamus dum
de hoc ordine loquimur dicentes esse pro
gressum à notione finis ad inuenienda prin
cipia. Quare non est mirum si Aristoteles ver
ba de ordinem, & illationem significant.
Quod autem Aristoteles eos appelleret mo
tus, nihil est, quum enim ordo quoq;
sit transitus ab hoc ad illud, cur motus uo
cari non potest? idq; est manifestissimum.
in secundo processu; qui est operatio

nis. Tertia

Secunda

Tertia

Impugnatio prima.

Impugnatio secunda.

*Impugnatio
secunda.*

nis: Tertia responsio leuissima ofum est, ita
tuit. n. duos illos ordines à philosopho ibi
tactos à esse in reb. extra omnem nostram
cognitionem, quibus respondeant duo alii
eos imitantes à nobis seruati in arrium tra
ditione, ita ut utrumlibet eorū arbitrata no
stro imitari possumus; sed hoc certe ridicu
lum est, dicimus, n. imitari nō nos ipsos, sed
alios, ut naturā; quare in rebus quidē natu
rae fingere potest hanc imitationem, & dice
re nos in naturalis scientiæ traditione imita
ri alterum naturæ motū seu intentionis, seu
productionis; sed in artefactis nulla fingi
necesse est potest huius imitationis considera
tio, nā & productio artefactorum à nobis fit,
& principiorum inuentio productionē præ
cedēs tū à nobis, tū in nobis fit, est. n. ip
samet artis constitutio, qualem considerat
Galenus in libro de artis medicæ constitu
tione quæ nō est nisi p. resolutionē, signifi
cā igitur aduersariū est id, qd. ait, nos utrum
libet artis ordinē imitari posse in artis consti
tutione, quam iam prior ille artis ordo so
lus fit ipsa artis constitutio, quā Aristoteles
in memorato loco considerauit, eamq; dixit
ordinem habere, ordinē productionis con
trarium. Nec ideo quomodo aliquis hoc
negare audeat in artibus, de quib. ibi Arist.
loquitur, nam quomodo verum erit Arist.
dictum quod sanitas sanitatē facit, & domus
domum, nisi artifex docens à sanitate præco
gnita ad inueniendā principia processerit;
deinde uerō ex iis sanitatem in aegro produ
cat, & ædificat p. iis ex domo præcogni
ta inueniat principia, & hac ratione doceat
artē, deinde ex iis inuentis operetur, & domū
faciat artis igitur inuēto, & traditio idē est,
nec alio potest ordine procedere, q. resolu
tiō, quā cū sine suspicandū sit, de ad prin
cipiorū inuentionē progrediedū. Quare quā
operatio non possit esse nisi ex principiis, o
perari necessario habet compositionē, prout
de oppositis ordinis traditionis, seu inuen
tionis, seu constitutionis ipsius artis. Quod n.
uel notus ipsius artē acquirimus, uel alius
tradimus, hoc certe accidens est, quod nec
naturam, nec ordinem artis naturare potest.
Sed res ita clara est, ut digna non sit, de qua
plura dicantur, quā præsertim declarata
iā à me sit in secundo libro de methodis.
Ad quartum argumentum meum ipse multa
dixi, & modo hanc responsionem adha
cens, modo illam, nec sibi ipse constat, aliquan
do enim negat finem semper esse præcogni
tum, dicens esse quidem præcognitum quod
sit, sed quandoq; ignorari quid sit, ut patet
de solitudine in primo libro ethicorum, qd.

enim sit felicitas multæ opiniones fuerint, et
de hoc disputat Arist. in pri. illo libro. Hec
uidetur esse prima eius responsio. Alter etiam
respondet dicens non esse proprium ætium
occurrere à fine, quia etiam scientiæ contempla
tiue traduntur cura quadam præconitione fi
nis, quod ipse dupliciter ostendit, primò
quoniam Aristoteles in secundo physic. dicit
esse præconoscendas causas, & præceptē fi
nale, quare uult etiam naturalē philosophiā
tradi quodammodo à notione finis. Secun
dò quoniam in p. totius scientiarumque in
proemio primi physic. proponitur finis, qui
est scientia rerum naturalium, & sic procedi
tur à notione finis. Sed nulla huius respon
sionum aliquid firmitatis habet non prima,
quia fateri possemus definitionem solliciti
tis offerri nobis innotuit, attamen in hoc
sensu dici notiam, & ceteris notiorē, quia
ex eius cognitione cognitio ceterorum pen
det, est enim omnis ordinis conditio non ut
ab iis exordium sumatur, quæ iam per se, finit
cognita, sed ab iis, sine quorum notitia nū
lum aliorum bene cognosci potest, nam hoc
quoque est à notione finis suspicari, ut iam
declaramus in primo lib. de methodis. Ce
terum etiam si concederemus finem plūci
pluræ moralis non esse præcognitum, satis
tamen nobis esset, per hoc non stitisse quia
Aristoteles ab eo exordium simpliciter, quid
enim refert dicere non esse præcognitum si
nem in ea disciplina sit ratiū est, eorū, tri
di ordine resolutis à notione finis, multo
igitur magis ubi est notus finis, à fine suspi
candum est, si etiam ubi est ignotus, ab eo
doctrinæ introitus sumitur; omnes igitur o
peratrices discipline tradendas sunt à no
tione finis, sed re uera dicendum est etiam
in morali disciplina finem esse præcognitū,
ut etiā sine declarauimus, quomodo n. tradi
tur diceretur à notione finis, si finis esset in
cognitus. Et sibi finis nō rei principium,
sed cognitionis, quare oportet eum etiam
absolutē ut possit p. ponere, uel si aliquantū
lateat, supponi, uel leuiter declarari: pri
mum quidem præcognitus est finis ille, qd.
sit, ut patet ex initio primi libri ethicorum,
deinde est etiam aliquo modo præcogni
tus qd. sit, tū quā descriptione, inquit, n.
Arist. oēs in hoc consensuerunt, quod felici
tas esse nil aliud sit, q. bene viuere, & felicitas
nil aliud, q. optima uitæ de p. sēta autē defi
nitione dubiū quidē est, quia in quorū sit cō
suetudine felicitas nō omnes cōsensuerunt, tū
amen Arist. nulla efficaci ratione quidā ea sit
ostendit, sed solum aliorū sententias refert,
deus laus declarat, idq. ipsius ipsemet

Secunda

*Impugnatio
prima.*

*Respon
sio ad
quartū
Prima.*

in calce capitis quarti dā inquit, debere moribus bene institutū esse illū, q̄ ei disciplinā sit audieturus, ut iis, q̄ de fine, eiusq; definitio ne dicēda erāt, fidē pberet. Quoniam igitur, tette Arist., ad statuendā definitionē felicitatis necessarius est auditoris assensus, manifestū est eā ab Arist. poni potius, quā probari. Aliqua quoque responsio levis est, & à nobis antea satis abundē reprobata, quod enim Aristoteles in secundo libro physic. dicat cognoscendam esse causam finalem, iam ostendimus hoc ad methodum pertinere, non ad ordinem; diximus etiam aliud esse finem in proœmio proponere, & aliud esse in ipsa tractatione exordiri a notione finis; hoc n. est ordine uti resolutionis, sed non illud. Neque etiam scientia est finis talis, qui ordinē resolutionum constituere aptus sit, quemadmodum in libris de methodis demonstraui mus. Ad quintum argumentum multa quidem uerba profundit, sed quibus nihil solidi subesse uideatur, ita ut uix possit intelligi in quonam argumenti solutio sit constituta: mihi quidem uidetur in hoc consistere, quod quum ars in duas principes partes diuidatur, theoreticam, & practicam, & theoretica precedat practicā, in parte theoretica tractatur non solus finis, sed etiam causæ internæ, à quibus procedere est ordine, uti compositiuo, non resolutionis; quare, artes traduntur etiam ordine compositiuo: innue re autem per hoc uidetur artem medicam, in qua initium sumitur ab elementis, qui est ordo compositiuus; elementa namq; in arte medica locum habent causarum, non remedia, quare ordo spectandus est inter ipsa elementa, & partes principes illius discipline, non inter has partes & remedia, quæ non sunt causæ. Ego in hoc argumento illud ante omnia admonere uelim, me in libris meis nunquā diuissse artem generaliter acceptam in duas partes, theoreticam, & practicam; quod enim ad medicam artem attinet, pto totam esse effectricem, nullamq; eius partem esse contemplatricem, nisi quatenus pars eius prima, in qua de subiecto, ac de fine agitur, sumpta est ex philosophia naturali, sic enim potest uocari theoretica, licet ratione scopi tota sit ar effectrix. Sed utcumque artis partes nomenclentur, responsio hæc iam à me in libris meis logicis ita fuit explosa, ut uunc superuacuum esse uideatur aliquid præterea aduersus eam dicere, aliqua tamen breuiter dicam. Video uirum hunc distinguere inter se hæc tria, causas, remedia, & partes principes ipsius discipline, quum dicat ordinem considerari inter causas, &

partes principes discipline, non inter has, & remedia, quæ uero causæ sunt, nec partes principes. Cuperem equidem in arte medica hanc distinctionem intelligere, fateor. n. me eam satis assequi intelligentia non posse, discamq; ex eo libentissimè & hoc, & alia, cum in philosophia, quam profiteor, tum maxime in re medica; qui enim medicus nō sum, ab ipso, qui medicus est, discere multa possum. nam si medicam artem partiri uelimus, non uideo in quas alias partes eam diuidamus, nisi in tres, quarum primam de principis cognitionis esse diximus, secundā de signis, tertiam de remediis; Quinque autē oriuntur, si primam in duas diuiserimus, & tertiam adhuc in duas; prima enim diuiditur in naturalem, quæ cognitionem aliquam subiecti tradit ex philosophia naturali, & pathologicam, in qua de sanitate, & ægritudine agitur, quæ totius artis est finis: tertia uero diuiditur in curatricem, & preseruatricem, hæc enim utraq; de remediis est. Quas igitur ipse uocet partes principes ego non uideo, pars n. prima, quæ de principis est, & ut ipse ait, de causis, se iungit ab eo à partibus principalibus: similiter tertiam totam, quæ de remediis est, ipse negat principem partem esse: sed neque media, quæ est de signis, principiores enim sunt sanitas, & morbus, quum signa sanitatis, & morbi: adde quod tractatio de signis propter artem docentē necessaria minime fuit, sed solum propter operantem, ut in cap. 12. secundi libri de methodis ostensum est, quo fit ut in ipsa artis traditione hæc tractatio dici nequeat principalis. Mihi quidē uidetur & primā, & tertiam artis medicæ partē dici posse principalem, quoniam in prima de principis cognitionis agatur, ex quo rū pnotione cognitio aliorū pedit; in tertia uero de remediis, q̄ inuenire est scop⁹ p̄cipue artis docētis, ut etiā Gal. ait in principio artis medicinalis. Principē locū in medicina tenere hæc oīa uidetur, homo sanandus, qui est finis cui, sanitas ipsa, tanquā finis, cui⁹ gratia; & re media tāq; causæ cōseruandi uel recuperandi sanitatē: quomodo igitur philosophus iste, hoc insicietur nō uideo. illud quoq; dubiū est, qd̄ ipse dicit, ordinē nō ēē considerādū iter remedia, & alias artis medicæ partes, quū manifestū oībus sit nō aliud i disciplina illa docēte queri, q̄ cognitionē remediōrū; si hæc p se nota essent, nulla artis medicæ traditio indigeremus; Quamobrē si oīs ordo à scopo, ad quē diriguntur, præcipue pēdet, & illius artis traditio nullū aliū scopū habet, quā remediōrū inuentionem, absconum rationi est q̄ nullus ordo antecedit iter remedia, & alia,

Impugna
tio secun
da .

Respon
sio ad
quintum

Impu
gnatio.

*Causa in
arte me-
dica sūt
ipsa re-
media,
non qua-
tuor ele-
menta.*

quæ in illa arte tractantur. Sed certè remanifestissimam hic uir uocat, dum inquit remedia in arte medica causarum locum nõ habere, sed elementa, è quibus partes hominis, & homo ipse constat; quæ de re plura dixi io secundo libro de methodis cap. xi. xii. xiii. xiiii. quæ hic repetenda nõ sunt ad dèdè solum, uolo Galeni auctoritatem, qui in arte medicinali tractandum proponens de salubribus tũ corporibus, tũ signis, tũ causis, causas nõ intelligit elementa, sed remedia, de quibus etiam postremo loco tractat, quum de elementis nulla tractatio, nullum uerbum in eo libro legatur; quum .n. ad sanitatem omnia, quæ à medico tractantur, referenda sint, sanitatis causæ oõ sunt elementa, sed remedia, immo tractatio de elementis in arte medica est tractatio de sanitate ipsa, ut in dicto loco ostendimus, tantum abest ut dici possit de causis sanitatis; hic idem significauit Galen. lib. de artis medicæ constituit. in cuius prima parte quum agat de subiecti, & finis prænotione, de elementis simul agit, quare tractatio illa est de sanitate, quia ob eius prænotionem agitur de elementis. Immo si bene rem consideremus, nullus potest ordo in arte medica considerari inter elementa & reliqua, quum tractatio de elementis non sit necessaria, & omitti possit, & præsupponi elementa iam declarata à philosopho naturali, quod indicauit Galenus in arte medicinali nullam de elementis mentionem faciens. in libro quoque de artis medicæ constitutione quum de elementis io prima parte loquatur, tamen non putat ordinem ibi seruari compositiuum, sed proficitur esse resolutiuum à notionefinis, quoniam tractationem de elementis nõ putauit alia ratione esse institutam, nisi ob cognitionem sanitatis, quæ est finis præcognoscendus. Eo igitur loco habenda est elementorum consideratio io illa arte, quo habetur sanitas, quæ est illius artis finis: argumentum igitur firmissimum est, & ab aduersario non soluitur, ex eo enim quod pars theoretica, ut ipse ait, necessariò præcedit practicæ, inseritur artem medicam tradidit necessariò ordine resolutiuo, quandoquidem in parte theoretica nil aliud habemus, quàm subiecti, & finis prænotionem, qui secundum Galenum in libro de artis medicæ constituitur, est ordo resolutiuus, quum sit à notionefinis.



R Eliquum est, ut argumenta omnia ab aduersario pro se adducta soluiamus. Ad primum, quod conside-
derabatur progressus à naturali scientia ad metaphysicam, iam responsum est supra, ostensumque; nullam in tractatione de ordine doctrinæ habendam esse, illius progressus rationem. Ad secundum, similiter patet responsio ex his, quæ dicta sunt tũ antea, tũ in 1. lib. de methodis cap. vi. progressus .n. à uisui ad tactum, & à tactu ad uisum oecq; est ordo compositiuus, neque resolutiuus, quia neque est à principiis, neque à fine ad principia, sed uterque est compositiuus, oon quidem per se, sed quatenus est pars ordinis uniuersalis totius scientiæ naturalis, qui compositiuus est, quum enim & Plato & Auicenna, & Aristoteles tradant scientiam naturalem ordine compositiuo, tam processus à uisui ad tactum, quàm à tactu ad uisum compositiuus est, quatenus est pars ordinis compositiuu totius scientiæ naturalis, neque necessariu est ut in qualibet disciplinæ parte per se considerata ordo compositiuus, uel resolutiuus inspicatur, quum uterque sit ordo totius. Ad tertium argumentum iam uertimè responsum est, nunc sicut est si dicamus, negandum esse consequens, nam seruat quidem natura utrumque ordinem, nos tamen eo tantum utimur, quo melius, ac facilius addiscamus. Quod uero inquit nos in scientiarum traditione uelle imitari naturam, omnino negandum est, cognoscere, nanque res uolumus, hic finis noliter est, non naturam imitari. Ad quartum similiter responsum iam est. Datur, inquit, in rebus artificiosis uterque ordo, unius intentionis, alter originis, ergo in talibus disciplinis utrolibet uti possumus. Dico oecfasanum esse ut utroque ordine utamur in rebus artificiosis iuxta præceptum Arist. in cõtex. xiiii. seprimi metaphyl. nam in artis doctrina necesse est uti resolutiuo, in operatione autem necesse est uti compositiuo. Quod si dicat in doctrina artis nos posse utrolibet uti, hoc negandum est, nam & ratio, & Arist. Galeni, & Auerrois testimonium declarat necesse esse cuiuslibet artis, ac disciplinæ operationis traditionem solo fieri ordine resolutiuo, talis autem discipline ordine compositiuo traditione nullum exemplum extat, nisi hæc philosophia moralis nuper tradita, sed quomodo non constituto ante omnia finem, uoliter tradi hæc disciplina possit ego quidem.

Ad primum.

Ad secundum.

Ad tertium.

Ad quartum.

Disciplina ciuili ordinē compositionis tradī nō potest.

dem intelligere nequeo; etenim nisi prius statotum sit quodnam sit summum hominis bonum, nec de semiuitutibus, nec de uirtutibus dicere quidpiam possumus; negabunt enim sectatores Epicuri, negabunt illi, qui felicitatem in honore constituant, uirtute opus esse ad felicitatem, proinde alienam esse, asserent a ciuili disciplina tractationem de uirtute. Quod considerans Aristoteles in initio primi libri de moribus ad Nicomachum dixit de summo bono ante omnia disserendum esse, ut, quemadmodum sagittarii faciunt, scopum propositum intuentes ad eum cetera omnia dirigamus; nam si scopum ignoremus, ad quidnam respicientes media ad eum idonea inquiramus? Sed neque mihi uidetur philosophus iste naturam rerum inuensus hoc suo ordine compositiui, quum de perturbationibus animę prius, quàm de facultatibus disserat, prior nanque anima ipsa perturbationibus iudicanda est tam perfectione, quàm origine, quum perturbatio neque origine, neque perfectione, neque intentione, proinde nullo modo ipsis animę facultatibus prior secundum naturam dici possit sed neque cognitione prior est, uidentur enim prius ipsę facultates, parteseq; animę esse cognoscendę, quàm perturbationes, prius enim est cognoscendum subiectum, quàm ea, quę ipsi accidunt nulla igitur uel nature ratio, uel occasio postulat ut ante de perturbationibus, quàm de ipsa anima loqueretur. In hac, aliaq; eiusmodi difficultates eum incidere necesse est, qui dicat quantlibet disciplinam posse utrolibet ordine arbitrari nostro disponi, proinde neglecto illo uero ordine, quo uno quolibet disciplinaritè tradi potest, alium audeat machinari, ut & Aristoteli, & aliis, quos admirata posteritas est, prestare, & sapientissimus omnium esse uideatur. Ad quintum argumentum, iam satis superq; responsum est supra. Ad sextum de arte medica incipiente ab elementis iam dictum est per id non stare, quin eius ordo sit resolutiuus. Quod uerò de grammatica dicitur seruante ordinem compositiuum, soluitur per ea, quę diximus in cap. septimo secundi libri de natura logicę: grammatica enim est ars fabricatrix instrumenti intellectualis, quemadmodum etiam logica, quo fit ut productionem instrumenti a doctrina seunctam, ut artes, non habeat, non est igitur mirum si in grammatica seruatur ordo compositiuus, quia omnis productio hoc ordine procedit, & doctrina illius artis est simul productio habitus grammatici in

animo, quemadmodum & de logica diximus. Septimum argumentum aliquid fortasse roboris haberet, si concederemus plures in eadem disciplina ordines esse posse, sed quum ordo uiuersalis in singula unus sit siue compositiuus, siue resolutiuus, necesse est unum, & eundem esse ab initio ad calcem disciplinę; in arte enim una unus est finis, a cuius notione ad principiorum inuentionem utrunq; progredientes unum resolutiuum ordinem constituimus; quantis. n. possit in aliqua parte notari progressus aliquis compositionem præferens, is tamen non est ordo compositiuus, sed resolutiuus, quatenus est pars ordinis resolutiuus, ut sepè dictum est de prima artis medicę parte, quę physiologica dicitur: sic etiam in postrema illius artis parte, ubi agitur de compositione medicamentorum, compositiuus ordo seruatur uidetur procedendo a simplicibus medicamentis ad ipsorum compositionem; artamen est ordo resolutiuus ratione totius artis, in cuius parte postrema agendum est de medicamentis tū simplicibus, tū compositis, quorum omnium cognitio scopus est ordinis resolutiuus: nec ob id dicemus medicam artem non habere ordinem unum a principio ad calcem, immo unum habet ordinem, qui dicitur ordo totius, nec variatur ob diuersos, ut uidetur, ordines partium seorsum consideratarum. Hoc idem dicimus de ordine compositiuo; unum enim est subiectum unius scientię contemplatiuę, inter cuius principia & remotissima, & minus remota, & propinqua, & proxima unus seruatur ordo compositiuus, qui ex apparente resolutione, quę in aliqua scientię parte fiat, non variatur, nec labefactatur, nec multiplex redditur, præsertim quum nullus in scientia contemplatiua detur eiusmodi finis, qui possit agi, uel effici a nobis. iam enim ostendimus a solo tali fine posse ordinem resolutiuum constitui. Fieri ergo non potest ut ordo scientię contemplatiuę sit mixtus ex compositiuo & resolutiuo, quum resolutiuus propriè acceptus nullum habeat locum in scientia contemplatiua, nec in tota, nec in parte, ob id falsum id quoque est, quod ab aduersario dicitur, seruatum esse saltem in scientię inuentione ordinem resolutiuum; iam enim in libris de methodis demonstrauimus neque in inuentione, neque in traditione scientię contemplatiuę locum ullum habere talem ordinem posse. Quod si in inuentione appareat aliqua resolutio, ea est methodus resolutiua, non ordo; quod enim aduersarius ait, illum eundem progressum esse aliaratione me-

Ad septimum.

Ad quintum.

Ad sextum.

ratione methodum, alia ordinem, vanum prorsus est, & ab ipso gratis pronunciarum absque vlla probatione, vel declaratione, ostendere nanque debuisset quomodo sit ordo, & quomodo methodus, & mea argumenta solvere; ego enim in secundo libro de methodis cap. 7. & 8. demonstraui resolutionem illam, quæ in scientiâ inuentione seruatur, nullo pacto ordinem dici posse, ideoque nullum vnquam vel in traditione, vel in inuentione scientiæ contemplatiuæ dari ordinem resolutionum, quare argumentum hoc aduersarii inane prorsus est; immo & in eo possumus manifestari, & insolubilem repugnantiam notare, ipse nanque nullum absurdum pronuntiare se potat in cap. 12. dum inquit nullam serè disciplinam dari, quæ vno simplici ordine tradita sit, sed in omnibus sermè ordinem esse permistum, & multiplicem, in parte compositiuium, & in parte resolutionum; attamen antea in cap. 10. refutans ordinem definitiuum, quem dicebant aliqui exordiri à medio, contra eum vsus erat hoc argumentum, quòd incipiendū à medio necesse esset modò ascendere, modò descendere, modò componere, modò resoluerè, quare is non esset ordo, sed ordinum confusio, & permissio: eo igitur in loco ipse constituitur absurdum esse hanc ordinum permissionem, nec nomine ordinis dignandam; quomodo igitur postea dicit qualibet disciplinam habere multiplicem, & permistum ordinem, modò compositiuum, modò resolutionum? Postremum argumentum sumptum erat ex verbis Aristotelis in primo cap. libri de sensu, & sensibilibus, vbi dicit inde medicum incipere, vbi definit philosophus naturalis: sed hoc argumentum, & verba illa Aristotelis tantum abest vt meam sententiam oppugnet, vt potius eam maxime comprobent, & ego quidem obstupeo quomodo vir hic excellentissimus ausus sit locum illum pro se adducere; primū quidem si verum esset id, quod dicit, philosophum naturalem definire in elementis, & qualitativis, & temperaturis, hac ipsa ratione ostenderetur medicum vti ordine resolutionum, & incipere à sanitate, quæ finis est, vt antea ostendimus, & Galeni testimo comprobauimus, qui docens artis medicæ constitutionem ordine resolutionum in principio agit de elementis, putans id esse agere de fine. Auerroes quoque in principio secundi libri colligit inquit nil aliud esse sanitatem, quàm naturalem temperaturam, igitur incipere à temperatura est incipere à sanitate, qui est finis medici, sed falsum omnino est quòd philosophus naturalis in elemen-

tis ac primis qualitativis definit; de his. n. agit in libris de celo, qui in scientia naturali secundum locum tenent, & in libris de ortu, & interitu, qui eos statim sequuntur, & tertium obtinent locum; hos autem libros plurimi alii libri naturales sequuntur; igitur non definit naturalis philosophus in elementis, ac primis qualitativis; in quoniam igitur definit dicat hoc Aristoteles in eo ipso loco, quum enim in illo primo capite libri de sensu & sensibilibus proponat illa omnia accidentia, quæ in sequentibus libris tractanda erant, nominat postremo loco sanitatem & morbum, & inquit de his quæ agendum esse in scientia naturali, vt etiam de his libellum conscripsit, qui vltimus est inter paruos naturales, quamquam initium tantum eius libri habemus, reliqua desiderantur. postquam igitur dixit naturali philosopho agendum esse de sanitate & morbo, statim verba illa, quibus aduersarius vsus est, subiungit, quæ sunt hæc [quare serè naturalium plurimi, & medici, qui magis philosophicè artem profitentur, illi quidem finiunt ad ea, quæ de medicina, hi verò ex his, quæ de natura incipiunt quæ de medicina] quæ dicit Aristoteles, Quare, insert ergo verba hæc ex proximè dictis, proximè autem dixerat esse agendum de sanitate, & morbo, ergo cui dubium esse potest quin dicat naturalem definire in sanitate & morbo, à quibus medicus incipit? Huic veritati attestatur initium, quod extat, eius libelli de sanitate & morbo, vbi similiter dicit non solum ad medicum, sed etiam ad philosophum naturalem pertinere agere de sanitate, & morbo, & statim subiungit hanc tractationem esse communem medico, & philosopho naturali, propterea quòd vnde medicus incipit, ibi definit philosophus naturalis, nū certè clarius est, præsertim quum de nulla alia naturali re loquens Aristoteles unquam dicat eam in cō finio esse scientiæ naturalis, & artis medicæ, nisi de sola sanitate, & agnitudine: afferit ergo verum initium artis medicæ ritè traditæ esse sanitatem, & morbum, proinde ordinem resolutionum ei essentialiter competere. Sed quæret aliquis, quomodo philosophus naturalis definit in sanitate & morbo? hoc quidem declarare ad nos fortasse non pertineret, quum satis esse videatur hanc sententiam Aristotelis esse, quòd medicus à sanitate & morbo initium sumat, sic enim aduersarii argumentum optimè soluitur: sed vt sententiam meam breuiter proferam, puto Aristotelem significare considerationem sanitatis & morbi vltimum habere locum in tractatione de ani-

*Repugnā
tia in di
ctis ad
uersarii.*

*Ad octa
uum.*

*Vbi defi
nit philo
sophus
naturalis
inde
medicæ
incipit.*

ne de animalibus, nam in primo illo capite libri de sensu & sensibus non commemorat alia siue tractata, siue tractanda, nisi quæ ad animalia, vel uniuersæ ad animantia pertineant, & postremo in loco ponit sanitatem & morbum, quæ non solum hominis, neque animalium tantum, sed uiuentium omnium accidentia sunt. Vbi igitur definit philosophus naturalis in consideratione animantium, tunc medicus auspicatur: itaque etiam si dicamus post librum de sanitate & morbo sequi tandem librum de plantis, hoc nihil officit, quoniam in his non tractantur nisi illa, quæ sunt propria plantarum, in præcedentibus autem libris, qui uocantur de animalibus, tractantur & illa, quæ animalium propria sunt, & illa, quæ sunt iis communia cum plantis, inter quæ postremum locum tenet tractatio de sanitate, & morbo; hæc igitur uel hac ratione est postrema, uel saltem ab ultima prorsus philosophiæ naturalis parte parum distat, quum eam soli de stirpibus libri sequantur: quare si philosopho illi excellentissimo dicere licuit philosophum naturalem desinere in elementorum consideratione, quæ tamen multò propinquior est initio scientiæ naturalis, quàm finis, à quo longissimè abest, multò magis licet tractatione de sanitate & morbo appellare postremam, quæ postremo libro proxima est, præsertim quum reuera etiam postrema sit in uniuersali animantium consideratione. Ex his igitur patet quàm leuia sint contra meam sententiam argumenta hæc, quod ipse quoque aduersarius opinari uideretur, dum in capite 22. & 24. fatetur magis aptari scientiæ ordinem compositiuum, quàm resolutiuum, contra uerò artibus magis resolutiuum, quàm compositiuum: quod quidem nunquam ab eo dictum fuisse arbitror, nisi post librorum meorum editionem. sed

uideat quidnam ex hoc inferatur, quemadmodum enim, teste Aristotele octauo physic. 36. & secundo de celo 34. in natura id semper dicendum est esse, & fieri, quod melius sit, ita in nostra disciplinarum traditione, confidendum est, præsertim apud aduersariū asserentem scopum ordinis doctrinæ esse, imitari naturam. Quoniam igitur scientiis magis aptatur ordo compositiuus, & artibus magis resolutiuus, melius est in scientiis uti compositiuo, & in artibus resolutiuo: quam obrem si semper id est agendum, quod melius est, tradendæ semper sunt scientiæ ordinis compositiuus, artes autem semper resolutiuæ, quæ mea sententia est.

Hæc sunt, quæ ad propositarum difficultatum dissolutionem tanto mihi, & res ipsæ suggestunt, quæ cū scribenda me nec meæ sententiæ tuendæ cupido, nec res ulla alia, compellit, sed solus amor ueritatis, quam si mihi assequi datum est, Deo agendæ & habendæ sunt gratiæ; sin minus, mutare sententiam, si mihi ratio persuaserit, nunquam vereror. Vtunque sit, ego quidem Dei immortalis beneficio ita me affectum sentio, ut meorum dogmatum oppugnatores æquissimo animo semper tulerim, semperque larurus sim; utq; nullius amici tanta apud me, authoritas est, ut mihi uerendum putem aduersus eum pro ueritate disputare; ita nulla aduersum me pro ueritate disputatio insti tui ab aliquo potest, quia quidpiam de amicitia nostra, ac de mea erga illum beneuolentia detrahatur: aduersarius appellari in philosophando non recuso, inimicus nemini esse uolo; hoc ipse animo erga omnes literatos uiros quum sim, eodem erga me esse eos omnes cupio, ut salua mutua beneuolentia possumus ad communem studiosorum utilitatem de philosophia liberè controuersari.

*Repugnans in di-
ctis ad-
uersarij.*

F I N I S.

Patauii Apud Paulum Mcietum.

Cum Licentia Superiorum.

1875

2141.7

Министерство культуры Российской Федерации

• ၂၀၁၆ ခုနှစ်၊ ဇူလိုင်လ ၁ ရက်နေ့